

D E  
ROMANI AERIS  
SALVBRITATE  
COMMENTARIVS

Auctore  
MARSILIO CAGNATO MEDICO



ROMAE,

Apud Aloyfium Zannettum M D I C.

---

*SUPERIORVM PERMISSV.*

Imprimatur si videbitur Reuerendissimo Mag. S. P.  
*P. Episcopus Rauellen. Vicesgerens.*

---

Ego Iulius Cæsar Galla in Sacra Théologia licentiatuſ de mandato admodum Reuerendiſſimi D. Patris Magiſtri Sacri Palatii legi Commentarium de ſalubritate aeris Romani. D. Marſili Cagnati Veronenſis quod eruditum ſatis atque varia & vtili lectione refertum comperi nec vllō errore circa fidem aut vlla erroris ſuſpitione notandum cenſui, quare & dignum editione reputo & lectione.

Iulius Cæſar Galla.

---

Imprimatur.

*Fr. Angelus Brixius Caſ. Reuerendiſſimi P. Magiſtri  
Sac. Pal. ſociuſ.*



P E T R O  
A L D O B R A N D I N O  
C A R D. A M P L I S S I M O,  
C L E M E N T I S V I I I.  
P O N T. M A X.  
N E P O T I.



*MARSILIUS CAGNATVS S.P.D.*

**R**ES meas a te, pro tua singulari humanitate, Princeps optime, plurimi fieri, nec semel, nec obscure significasti. Litterarum studium iam inde a teneris adamasti, & diligenter coluisti. Doctos viros dilexisti, & ex ijs selectos qui apud te viuerent, amplissimis muneribus inuististi. Ac tandem nihil a te prætermisum est, quo intelligi possit, optimarum artium culturam tibi esse, Principum more præstantium, mirum in modum commendatam. His ergo de causis consilium (opinor) meum nemo damnauerit, qui commentationem hanc qualemcumque in tuo nomine apparere, decreuerim. Sed accedit,





5

# DE ROMANI AERIS SALVBRITATE

COMMENTARIIS,

Auctore

MARSILIO CAGNATO MEDICO.



*Q*UOD aqua piscibus, hoc cum reliquis  
viuentibus, tum ipsis hominibus aer  
est; utque quod sunt aqua puriores, &  
lucidiores, eò pisces nascuntur in eis  
suauiores, & salubriores, ita quod est  
aer purior, tenuiorque, eo magis, ut alijs  
viuentibus, sic ipsis hominibus salutaris est: quapropter  
nemini mirum videri debet, veteres naturalium studio-  
sos arcanorum, necessarium maximè usum horum ani-  
maduertenteis elementorum; & ideo deceptos; existimas-  
se hos, animam nihil esse, nisi aquam, ut Hipponem, il-  
los nisi aerem, ut Diogenem: cuius opinionem serè secu-  
tus Ennius ipsum aerem vocauit animam, ut M. Varro  
testatus est, cum libro priore de re rustica, inquit: Eius  
principia sunt eadem (de agrorum colendorū scientia sermo  
erat) quæ mundi esse Ennius scribit, aqua, terra, anima, &  
Sols sed ipse Varro aerem vocauit animam lib. 5. de lingua  
Latina, cum dixit, hiemem ab biatu dictum, quod tum, ani-  
ma, quæ

ma, quæ flatur, omnium apparet. Immo Lactantius lib. de opificio Dei. cap. 17. ex Varrone dixit, Animam esse aerem conceptum ore, de feruefactum in pulmone, tepesactum in corde, diffusum in corpus (quæ falsa sunt omnia, ut idem ait Lactantius) Sanè qui agrum empturus est, qui ædes, qui urbem est edificaturus, de Aeris salubritate in primis sollicitus est. Idem Varro, utilissimus, inquit, is ager, qui salubrior est, quam alij: quod ibi fructus certus. Contra, quod in pestilenti calamitas (quamvis in feraci agro) colonum ad fructus peruenire non patitur: etenim, ubi ratio cum orco habetur, ibi non modò fructus est incertus, sed etiam colentium vita. Omitto, quod ante hunc M. Cato de re eadem scripserat, & repetit Columella, & ceteri rerum rusticarum auctores. Vitruvius verò tam in privatis edificijs, quam in publica mœnium collocatione, regionis salubritatem primum, & maximè Architecto commendat. Nec aliter sensit Strabo, cum lib. 2. negavit, probè domum, aut urbem fundaturum, qui ignoraverit Cæli regiones, figuras, magnitudines, calores, & frigora, & huiusmodi. Quid ergo miramur, Hippocratem medicinæ studiosos in primis admonuisse, ut in curanda hominum salute regionis habeant rationem? hoc sanè vno verbo in aphorismis commendatum, explicavit latius in secundo lib. de dieta, latissimè verò in eo, qui inscriptus est, de acre, aquis & locis. ita tamen, ut medentibus reliquerit (qui præcipuus maximèq. utilis laqor est) observandum, cuiusmodi ea sit regio cuiusmodi is aer sit, in quo medicinam facturus versatur. Propterea cum (nescio quo arcano Dei O. M. consilio) Vc-

ronem-

7  
ronensibus meis relictis, iam annos plures triginta medicinam Romae faciam, suscepta quoque, Summorum Pontificum beneficio, prouincia medicam facultatem publice interpretandi, in id etiam, quantum potui, diligentissime incubui, ut Romani aeris naturam, & vires agnoscerem; quid in eo vitij, vel bonitatis inesset, quibus cultores morbis obnoxios redderet, vel quibus curandis egritudinibus auxiliaretur. Si quidem vulgatum est capitis ulcera feliciter, crurum verò difficulter sanari; vno verbo salubris sit, an insalubris appellandus. De qua re noui, scriptum quidem aliquid à viris doctis quibusdā, sed res indicabit ipsa, meam nō solū non superuacaneam, verū necessariam operam fuisse, qui in animum induxerim, ea litterarum commendare monumentis, quae ego interim ipse animaduerti. Quamuis, ut ea scriberem, non tam proprio sum adductus consilio, quam quorundam hortatione amicorum, quibus cum aliquando (sunt enim viri profecto doctissimi) de re eadem, contra illam, quae vulgo habetur, de Romani aeris salubritate, opinionem, disputavi. Sequar autem vulgatum differentium morem, atque exponam primò, quae de Caelo Romano iactantur vulgo, deinde aperiam, quid mihi tum rationibus, tum experimentis, & auctorum testimonijs persuasum sit, postremo contrariarum momenta rationum examina-  
bo. Quae igitur vulgo feruntur ea sunt. Idque in primis, quod passim pleno ore medici resonant, Calum Romanum destillationibus obnoxium esse Galeno auctore, qui hoc lib. 2. c. 6. de temperam. & lib. 5. methodi. c. 9. discretè scripsit; licet aliqui diligentiores in 5. methodi pro tunc,

quo

quo locus, legant *ῥῶτον* quo modus significatur: sed hoc non efficit, quin ea fuerit Galeni de hoc loco opinio, cum in 2. de temperam. tam dilucide hoc affirmauerit, ut nullus sit relictus dubitationi locus. Sed & qui attente Galeni orationem in 5. methodi examinauerit, intelliget, consentaneum esse magis, si legatur, loco, quam, modo: nam cum dixerit, fieri pulmonis nonnullas affectiones *Roma* maxime (scilicet non contentus, dixisse, *Roma*, adiecit, maxime) fuit reddenda eius sententiae ratio: sicut igitur in 2. lib. de temperam. ita in hoc quoque loco, dixit, esse humidiorum loci naturam, cumque sit sermo in eo loco Galeno peculiaris de ossium thoracis putredine, quam facit pus, quod in thorace suppuratorum continetur, fuisset alienum dicere, putredinem eiusmodi modo rheumatico fieri, siue more destillationis, sed sit propinqua partis contagio, quod omnino à destillatione diuersum est: facit autem aeris humor nimius circumstans, ut facile contagies illa communicetur, quoniam ossa humore nimio putredini obnoxia maxime redduntur. Nec erit alienum loci eius fidelem interpretationem asserre, cum Linacri interpretatio minus exprimere Galeni sententiam videatur, qui non priuatim de *Roma* loquebatur, ut ex Linacri versione accipitur, sed vniuersae, & promiscuè, & inquit. Etenim nouimus dispositiones huiusmodi in thorace non raro consistere: *Roma* maxime, qui locus est destillationibus obnoxius: quamobrem necesse fuerit os laborantis excindere. hac Galenus, atque ut sit promptum studiosis cum Graecis Latina conferre, non pigebit ipsam Galeni Graecam orationem transcribere *ἴσμεν, ὡς ἐστὶν τοῦ*

ταῖς τοιαύταις διαθίσις ἐν θάλασσιν οὐκ ἔστιν ὁμοίαν, ἐν πό-  
λει μάλιστα, τὸ πνεῦμα καὶ, ὡς ἀναγινώσκοντες τὸ παλαιὸν ἐκ  
ἰσθῶν. Est igitur ( ut redeam unde buc diuerti ) Roma lo-  
cus destillationibus obnoxius, ut ex Galeno iactatur, pro-  
pterea quod aer est humidior iusto, & praeterea crassus, &  
caliginosus est ( ut quidem asserunt ) item calidus, qui-  
pe australis, inequalisque, & idcirco insalubris, morbi-  
dus, atque pestilens, namque humoris nimij cum calore  
soboles pestilentia est: quapropter mirum non sit, in vrbe  
crebrimè, & p̄ breuia annorum interualla ( ut in eius-  
dem vrbi annalibus legitur ) pestilentiam grassatam esse:  
nam singulis fere decēnijs morbus hic urbem inuadere so-  
litus est; hoc enim proditum est de anno vrbis conditae ccxc.  
ccc. cccxviij. cccxix. cccxxi. cccxxvij. cccxliij. cccvi. cccx  
iij. cccxxij. cccxxxix. cccxci. cccxcij. ccccvj. ccccx. cccx  
xxij. cccxl. cccclviij. cccclxi. cccclxii. cccclxxvi. cccclx  
xxiix. ( omittimus reliquos quoniam historiam non texi-  
mus, hos verò tamquam exemplum ad rem illustrandam  
satis est attulisse. ) ut appareat, intra annos ducentos, nem-  
pè à ccxc. ad cccxc. pestilentiam vicies, & bis urbem af-  
flixisse, argumentum satis efficax ad docendum cali Ro-  
mani insalubritatem, quam etiam indicant diuersa mor-  
borum genera, quae videntur adeo in vrbe frequentia, ut  
consentaneum sit existimare, ab huius aeris vicio produci  
( si quidem Hipp. communes & populares huiusmodi mor-  
bos, atque pestem ab aere inquinamenti pleno proficisci,  
professus est, ut docuit lib. de flatib. ) scilicet ad ea, quae  
decantata sunt ex Calio Aureliano, quae prius ab Asclepia-

de tradita fuerē, nempe febres cum delirio, & sopore, item incubos, de quibus Silimachus, & semitertianas, de quibus Galenus Com. 2. in primum epidem. & lib. de morbor. temporib. c. 8. ad hac, inquam, podagra frequentissima est, coxendixq; & omne artuum doloris genus: frequens item est calculus, tum renum, tum vesicae, item sanguinis sputum, tabes (qui duo affectus saepe sola aeris mutatione sublati sunt) et furor. Alexander Petronius autem, medicus Romae celeberrimi nominis, lib. 4. de victu Roman. tria morborum genera, tamquam Romae vernacula, notavit, & multis exposuit, Capiplenium (hoc enim apud finxit vocabulum,) expletionem, languorem, siue celerem virium defectionem, quos affectus professus est ab aëro proficisci crasso, denso, tepido, frequenti flatu, & vehementi, pleniorque victu, quo qui Romam incolunt, necessario utuntur, ob vim debilem alimentorum, cum attoni haec copia eruditatem, & languorem, qui modò dictus est, producat. Alimentorum autem imbecillitatem docet hoc primum, quod aegri coguntur vberius hic, quam multis aliis locis nutrirī, quodque Hispani, copioso Romae cibo, propter imbecillitatem, adsuati, ubi in Hispaniam rediere, adducti consuetudine, parem illic ciborum copiam assumentes; qui longè magis, quam nostrates nutriunt; cum eos superare non possint, in graves citò morbos incidunt, & pleriq; moriuntur. quod eò maxime intelligitur sic evenire, quoniam paucis post annis eadem à Summis Pontificibus Sacerdota, prioribus defunctis possessoribus, impetrantur. Alimenta vero imbecilliora, quam alibi, Romae esse, ideo profi-

profitentur, quoniam cum sit aer humidus, vel ea hic nascantur, vel aliunde huc importentur, ipsa quoque humescunt, macerantur, mollia, fluidaq; efficiuntur. Certè proditum est ab Hippocr. lib. 2. de dieta; alimeora locis riguis nata leuius alere. Sed & cultorum corporibus idem accidere, videtur necessarium. Romanum vero humidum, crassum, densumq; aerem esse, facile quisq; sibi persuasferit, qui situm urbis respiciat: & obseruet, eam editis collibus ita circumdatam Vaticano, Ianiculo, Pincio, Capitolino, vt in quadam veluti conualle locata sit, & amphitheatri speciem veluti exhibeat: quamobrem par est, humorem multum, vapores, inquam, crassos, densosq; multos in hac plantie concludi. Nec propterea salubrior est montium habitatio, cum vinitores, & sacrarum adium, quæ in montibus sunt multæ, ministri, &, qui illic habitant, ceteri crebro, & grauiter egrotare consueuerint, quapropter nunc etiam grauis aer videtur, in quacunq; urbis parte verferis. Accedit agri Vaticani, ob insalubritatem infamis, habitatio frequens, & vndique, ob ædes Pontificias, ad eum locum concursus, quod noxium omnino videri debet. Est præterea obseruata magna huius aeris varietas, & inconstantia, & crebra in contraria mutatio, quam facile ferre natura hominis nescit, Galèno auctore lib. art. med. c. 86. & Hipp. lib. acutor. secundo: Idemque lib. de acre, aq. & loc. visus est illas regiones damnare, in quibus tempora magnopere, ac creberrimè mutantur. Sed Tiberis quoque insalubritatem huius aeris indicat, vt in parte efficit, nam saltem eam, quam alluit partem vapo-



ribus inficit, quos esse, perinde ac stagnorum, insalubres, non Celsus tantum lib. 1. c. 2. & Hipp. lib. de dieta tertio significauit, sed ipse Homerus quoque tradidit, si Plinio credimus, lib. 18. c. 6. Hi namq; fluminum auras, æque ac stagnorum, damnarunt, & Strabo lib. 5. Geograph. testatus est, Pastum Oppidum in extrema Italia fuisse fluuij propinquitate insalubre. Accedit his vulgata de huius aeris insalubritate inter Principes viros fama, qui æstate, & autumno consueuerunt Roma, tanquam insalubri, vel se se recipere in oppida, & villas, vel alias adire vrbes, quarum constet Calum esse clementius, & salubrius. Testimonium quoq; dat huius aeris insalubritati senum, qui Roma sunt, numerus per quam exiguus: nam crebra, grauesque agritudines, à quibus iuniores interimuntur, insalubritatem aeris demonstrare videntur. Neq; non venientium ad urbem multorum interitus, qui hoc solo nomine interire existimantur, quod Cali Romani grauitatem ferre non possint. Postremo & illud eiusdem rei argumentum videri potest, quod Plato dicebat, vbi leges multæ, ibi & crimina multa, & vbi medici multi, ibi & morbos esse multos. Romæ sunt medici magno numero, ergo magnus morborum numerus, quorum causa potior aeris insalubritas videatur.

Nescio an aliquid reliqui sit, quo Romanum hoc Calum in suspicionem insalubritatis venire possit. Iam locus exigat, ut quæ videntur posse aliud docere, exponantur, atq; in primis describendus est Urbis situs, tum nouus, tum antiquus, quod videri potest totius edificiij fundamentum, deinde Ciuum species, & valetudo expendenda; ex his enim



nō ex alijs, de aeris huius salubritate, et in salubritate licet  
 cognoscere, et iudicare. Erat igitur in montibus olim septē co-  
 leberrimi nominis vrbs locata (septēq; vna sibi muro circum-  
 dabit arces) qui sunt montes inter se fere pares altitudine,  
 aequita dispositi, ut si Capitolinū, rupēq; Tarpeia ascendas,  
 conuersus ad meridiē Auentinū aspicias: quē inter et Capi-  
 tolinū est, sed a meridie versus ortum hibernum declinans,  
 Palatinus, quem ultra Calius iacet. Ad ortum vero aequi-  
 noctialem conuersus Exquilinum cernas, & ad aestium;  
 Viminalē videas a sinistris quem sequitur Quirinalis  
 magis vergens ad Septentrionem. Ex eodem vero Capi-  
 tolino retro conuersus ad Septentrionem, & Occasum vi-  
 debis latē patentem planitiem, quam prisci Campum  
 Martium appellarunt, quae Tiberi alluitur ad Occasum,  
 & Colle hortulorum clauditur ad Orem, & Vrbis mœ-  
 nijs ad septentrionem: Hacque pars septimam, & no-  
 nam regionem (ut olim erat vrbs in xiiij regiones di-  
 stributa) continebat. Ultra Tiberim ad Occasum noua  
 vrbs olim, & primam dicta Leoniana, nunc vulgo Bor-  
 go appellata, in agro Vaticano posita est. inter Occasum  
 verò, & Meridiem ultra Tiberim similiter regio posi-  
 ta est quartadecima Transliberina, planitiem occupans  
 interiacentem Tiberim inter & Ianiculum. Hicq; tum  
 veteris, tum nouae vrbis est situs. Veterem voco, quae  
 fuit in montibus, nouam, quae in Campum Martium tran-  
 slata, & in agrum Vaticanum, & nunc frequentior  
 habitatur. Veteris autem sola colitur regio Transliberi-  
 na, & planities inter Capitolium, ac Tiberim iacens,

& altera inter Capitolium, & Collem Quirinalem, ac  
 Viminalem: nam reliqua regio in montibus deserta, &  
 sacris exceptis adibus, omnis est vineis dicata. Vetus  
 autem habitatio fuit olim adium amplitudine, & magni-  
 ficentia potius, quam dispositione earundem, ac viarum,  
 semitarumque spatijs, ac bonitate spectabilis, quod nos ip-  
 se docet M. Tullius in illa de lege agraria contra Rullum,  
 dum Campanorum superbiam luderet, inquit, Romam  
 in montibus positam, & conuallibus, canaculis sublatam,  
 atque suspensam, non optimis viis, angustissimis semitis,  
 prae sua Capua, planissimo in loco explicata, prae illis semi-  
 tis, irridebunt, atque contemnunt. haec ille, quibus doce-  
 mur, non adeo potuisse laudari urbis dispositionem. Aedium  
 vero laxitatem, & magnificentiam, quae supersunt ruinae  
 indicant, & Plinius lib. 36. cap. 15. egregie descripsit, in-  
 quiens, M. Lepido. Q. Catulo Coss. ut constat inter diligen-  
 tissimos auctores, domus pulchrior non fuit Roma, quam  
 Lepidi ipsius. At Hercule intra annos triginta quinque ea-  
 dem centesimum locum non obtinuit. Computet in hac aesti-  
 matione; qui volet, marmorum molem, opera pictorum,  
 impendia regalia, & cum pulcherrima, laudatissimaque  
 certanteis centum domos, posteaque eas ab innumerabili-  
 bus alijs in hunc diem victas. his adium Plinius magnifi-  
 centiam descripsit, cum qua tamen viarum, & semita-  
 rum non erat species comparanda, quod prae dicta à M.  
 Tullio, eo quoque intelligitur, quod de Nerone proditum  
 est à Suetonio, quasi offensum deformitate veterum aedifi-  
 ciorum (scilicet ita Neroni videbatur, cuius luxuriam

unus orbis terrarum non explebat) & angustiis, fle-  
 xurisq; vicorum incendit urbem, &c. Quae verò nunc ha-  
 bitatur, ipsa quoque laxitate aedificiorum, & magnificen-  
 tia, sed aedificandi ratione, viarum amplitudine, rectitu-  
 dineq; & reliqua dispositione (quod antiquae urbi defuit)  
 spectanda est, & (quod ad rem nostram pertinet) sanita-  
 ti conseruandę conducit, uel magis, quam vetus habitatio,  
 ut posterius dicetur. Sed non videtur situs urbis cumu-  
 late descriptus, nisi cum ipsa vniuersitate comparatur. Ita-  
 que sumemus è sideralis scientie auctoribus, Romam ab  
 insulis Fortunatis (quod longitudinis ciuitatum, & op-  
 pidorum initium statuunt) distare gradibus triginta sex  
 cum semisse fere: ab Aequatore autem (quod dicunt esse  
 principium latitudinis) distare gradibus ferè quadraginta  
 duobus, quot etiam ex ea polus supra horizontem elatus  
 conspicitur. ex his vero comperimus, urbem Romam in  
 Italia parte media sitam esse tam secundum latitudinem,  
 quam longitudinem; sed quoniam ~~de~~ de latitudine videri  
 potest difficultas, cum Roma tam propinqua sit mediter-  
 raneo vocato mari, tam verò ab Adriatico remota, in-  
 ter quae duo maria pars Italia maior excurrit: scire  
 licet, in Orbis terrarum descriptione, ut locus, & flumi-  
 na, sic quoque maria comprehendere, itaq; si Italiam sumas  
 totam, & maris partes utcumque ad eam pertinentes, ea  
 locum in latitudine exacte ferè medium obrinuit, quod hunc  
 in modum demonstrari potest. Constituatur figura quadrang-  
 ularis, cuius latus vnum ducatur per extremum Italiae  
 promontorium ad meridiem Leucopetram (hodie vocatur,

Capo

Capo dell'armi) & excurrat ulterius versus solis ortum, quantum ultra Leucopetram porrigitur Iapygium promontorium (hodie vocatur capo di S. Maria) & ex altera parte ducatur idē latus ad alterum Italiae extremum, quae scilicet annis Varus Italiam ipsam à Prouincia Narbonensi seiungit, sitq; linea. *AB* cuius longitudo sit partium quindecim



cuiusmodi trecentum sexaginta partiū est totius terrae ambitus, scilicet à gradu vigesimo nono, ad quadragesimum tertium, vt numerantur ducto ab Insulis fortunatis initio, vt ante dixi, huicq. parallela ducatur altera linea per extremos Italiae fines ad septentrionem (nam prior spectat ad meridiem) puta per Tridentum; sitque eiusdem figurae latus, *CD*, Deinde iungantur haec latera duabus item parallelis lineis, quae sint in eadem figura duo latera *BC*, *AD*, quae singula sint partium similium septem, & semissis, scilicet à gradu trigesimo nono, vt à Ptolomeo proditum est,

est, vsque ad gradum quadragesimum quintum, cum semisse : cum vero dicta sit Roma posita sub gradu longitudinis trigesimo sexto, & semisse, & latitudinis quadragesimo secundo : diuisis lateribus, AB, & CD, in parteis quindecim, ducatur à puncto E (qui est gradus longitudinis trigessimus sextus cum semisse) parallela E, H, lateribus AD, CD, secabunt se mutuò hæc duæ lineæ postremo ductæ nempe E, H, & F, I, in puncto G; quo loco Vrbs posita est, & est propositæ figuræ locus in latitudine exactè medius nam si à puncto F, lineam ducas F, G, bifariam diuiseris lineam E, G, H. Secundum longitudinem autem Crassiore quadam ratione locus medius dicetur in puncto G, quoniam satis magno interuallo distat ab extremis F, I. Est autem Roma quinti Climatis locus medius, cuius tum dies, tum nox longissima horarum est quindecim. Non dicam esse ex Astrologorum opinione subiectam illi parti, quam in circulo Vocato zodiaco, Leonem appellant, quoniam herere sensibus malumus, quam opinionibus. Constat autem duo esse climata omnium temperatissima, Gal. ad 3. aph. 16. laudauit, quod per Cnidum, & est idem, quod per Rhodon ferri dicitur, & vocatur quartum, & lib. 2. de temperam. c. 6. laudauit suam regionem (quæ in confinio est quarti, & quinti climatis) temperatam esse professus. At Auerroes lib. 2. coll. c. ult. quintum clima temperatissimum esse docebat. Ergo, si vniuersitatem spectemus, Roma posita est in temperatissimo climate quinto, & in huius quoque parte media : atque si solam Italiam spectes, posita quoque est (ut ostendi) in media eius parte:

¶ Et rursum diuisis lateribus AD, & BC, in parteis septem, & semissem, ducatur à puncto I, (qui est gradus latitudinis quadragesimus primus cum drance) linea IF, parallela lateribus AB, & CD.

C atque

atque adeo cordis instar loco positam nobilissimo profiteri  
valemus, quamobrem (quicquid Straboni visum sit, qui  
lib. 5. scripsit, necessitate potius, quam consilio Romam  
hoc loco positam) vel sapienti conditorum consilio, vel cer-  
te diuina providentia effectum est, ut hic locus ad habi-  
tandum eligeretur totius Italiae imperio obtinendo, atque  
regendo aptissimus, ut e corde virtus animae corpus guber-  
nat vniuersum. Huic profecto urbi, nec soli feracitas,  
nec maris (quod quindecim tantum millibus passuum di-  
stat) nec fluuij opportunitas deest; qui conditores inuita-  
uit, ut Palatinum, & Capitolinum, angusto à Tiberi di-  
stantes tramite, primum habitarent; est autem tam ma-  
ris, cum fluuij eiusmodi opportunitas, ut ex omnibus vni-  
uersi Orbis terrarum regionibus commodissime, & Utilis-  
sime annona huc importetur. Vitruuius hanc probauit  
sententiam lib. 6. c. 1. inquiens; Placuit, ut inter spatia  
totius orbis terrarum, regionumque medio mundi, Popu-  
lus Romanus possideret fines; namque temperatissima, ad  
vtramque partem, & corporum membris, animorumque vi-  
goribus pro fortitudine sunt in Italia gentes, quemad-  
modum enim Iouis stella inter Martis feruentissimam, &  
Saturni frigidissimam media currens temperatur; eadem  
ratione Italia inter Septentrionalem, meridianumque ab  
vtraque parte mixtionibus temperata, & inuictas ha-  
bet laudes; itaque consilij refringit Barbarorum vires,  
forti manu meridianorum cogitationes; Ita Diuina mens  
civitatem populi Romani egregia, temperataque regione col-  
locauit, uti orbis terrarum imperio potiretur. hac ille.

Dictis.

Dicitis verò consentaneum est statuerè, si vniuersitatem  
 spectemus, urbem loco positam saluberrimam, quoniam  
 in media mundi regione temperatissima; ac si cui hoc ar-  
 ridet, addatur, Vere quoque medio, nempe vndecimo Calen-  
 das Maias, edificari ceptam; ut huius loci temperies om-  
 ni ex parte dignoscatur. Vtrum vero tunc Sol taurum,  
 Luna libram, Iuppiter pisces, Saturnus, Mars, Venus,  
 Mercurius scorpionem perambularent, ut veteres re-  
 rum Romanarum scriptores, auctore Tarutio mathemati-  
 co, prodiderunt, hoc ijs curæ sit querere, quibus Chaldeo-  
 rum arrient commenta. Illud sideralis scientia studiosi  
 statuerint, Venus, & Mercurius potuerint ne scorpionem  
 perambulare, Sole taurum subeunte. Sed proditum est  
 quoque a M. Tullio lib. secundo de diuinatione, ex eiusdem  
 Tarutij auctoritate, tunc fuisse Solis, & Luna congres-  
 sum: & cum quidem edypticum fuisse, à Plutarcho in Ro-  
 mulo scriptum est. quem locum malè accepit Lapis Floren-  
 tinus, cum ait, Lunam defecisse; Atqui in Nouilunijs Sol,  
 in Plenilunijs autem deficit Luna. quod, qui vix de limi-  
 ne salutarit Astronomiam, ignorare non potest. Sed non  
 præteribo, quæ loco eodem Plutarchus scripsit, hæc quidem  
 fortasse, & huiusmodi, quia peregrina sunt, & magni-  
 fica, allicient illos magis, quam quia fabulosa, perturba-  
 bunt, qui in ea inciderint. sed hæc hætenus. Cum verò  
 Hippocrates, & Aristoteles Annum salubrem dicat illum,  
 cuius Vere, Æstate, & Autumno tempestiuè pluerit, &  
 Hiems neque nimis rigeat propter gelu, neque immodicè  
 caleat: summamq. ambo velint, Annum salubrem esse,



qui sit tum calore, tum frigore temperato, et humore pariter, ac siccitate temperata: etenim pluuia modo dicta, tempestiua ardorem aestiuum temperant, & moderantur, & siccitatis vitium emendant. Simili ergo ratione, cur non eam salubrem dicamus regionem, in qua vis nulla caloris, aut frigoris, humoris, aut siccitatis cultores exerceat? Sane Romae frigus non adeo pollet, ut pellium usum vulgò necessarium efficiat, ut in regione Trāspadana, nè de Germania dicam, & similibus locis: Neque calor aestiuus tantus est, ut à priuatis, publicisq; muneribus homines arceat, et in vmbra toto die cogat requiescere. Quidsi Aestate in meridie, ac tribus ferè horis ante, & post meridiem ardor percipitur, matutino tamen, & vespertino tanta est plerumque temperies, ut ardorem meridianum faciat tolerabiliorem, & noctes plerumque frigide, quinimo frigidiores, quam in locis Trāspadanis (quod aliquis fortasse mirabitur) diurni molestias ardoris mitigant; crebrique sunt aestate tum aquilonij flatus, etefias Graeci vocabant, tum occidui. Rara aestas sine pluuijs; quae non semper noxiae sunt, ut vulgus putat, nam cum vere pluit, aestate imbres salutares veniunt, nec (ut dicunt) aestum ingeminant, immo temperant, quod si copiosi fiant imbres per astatem, ne quis existimet, hoc esse Romae peculiare, quasi humidius Calum pluuias saepe afferat, immò è contrario saepe Calum perturbatur, pluuias minatur, cum tamen nubibus aliò conuersis extra urbem tantum pluat locis propinquis; inde autem aestus temperies ad urbem perueniat. aliàs humidior aestas aliquando, cuiusmodi fuit anni proximi aestas incipiens,



incipiens, & desinens (nam media sicca fuit) non ob loci naturam, sed ob anni constitutionem; quemadmodum nonnumquam summa est Romæ siccitas, imbres rarissimi, cuiusmodi hac æstate, anno scilicet hac ferente, quæ cunctis communia sunt tam salubribus, quam insalubribus regionibus, in quibus tamen imbres fieri solent. Cum ergo multa huic aeri eueniant, quæ locis penè omnibus salubribus euenire solent, propterea ægritudines nec frequentius, nec perniciosius in vrbe, quam alibi grassantur. quod nobis ipsi non fingimus, sed quia ita res habet, & quod est, narramus, & scribimus, & cum ijs loquimur, qui ipsi viderunt, & obseruare potuerunt. Annus seculi presentis sexagesimus octauus fuit perniciosus, popularibus febribus multis continuis cum maculis rubris, quas peticulas dicimus, quamobrem defuncti sunt magno numero, præsertim in Burgo Vocato, & in ea planitie, quæ posita est inter Collem hortulorum, & Tiberim; Annus verò sequens nihil habuit incommodi, nisi æstate variolæ, & morbilli grassantes multos interfecissent pueros, quod tamen non in vrbe tantum, sed extra quoque in oppidis multis euenit. Anno deinde septuagesimo hieme, & veris initio vis magna orta est pleuritidis, peripneumoniae, & angine, quæ multa hominum millia vtriusque sexus, & omnis ætatis interfecit, cum interim aquilonij flatus vis maxima, & assidue, & longo tempore irruisset, quamquam superiore anno per æstatem satis siccam in oppido Farnesij; vbi fortè fortuna versabar medicina gratia exercenda, cum vix ex adolescentibus excessissem, similis fuit, vel de-

terior

terior morborum constitutio, quando præter dictas egritudines, quæ nec sexui, nec ætati parcebant, multa femine orto in mammis anthrace intra dies quatuor peribant: cuiusmodi morborum constitutionem Roma hætenus non vidi. Non orti sunt autem ij morbi Roma ob peculiarem huius aeris naturam, sed ob illius anni propriam constitutionem. Fuit etiam insalubre anni septuagesimi primi ver. morbi varij, etiam acuti, & perniciosi, sed non adeo vt priore anno populares: cui non dissimilis fuit annus septuagesimus secundus. sequentes salubriores: sed septuagesimus quintus insaluberrimus, æstate præsertim, ob dysenterias, & acutas febres sopore accedente perniciosas. Anno septuagesimo sexto maior salubritas, & septuagesimo septimo longè maxima, neque non & septuagesimo octauo: Quibus annis non multo insalubrior fuit septuagesimus nonus. Sed nihil interim Romani aeris peculiare. Annus octogesimus aliàs saluberrimus, & post frigidissimã Cali constitutionem, vniuersalem tamen, Iulio mense desinente, apparuit vulgarissimus morbus, quem ridiculo nomine, Castrenum Roma dixerunt. Anno octogesimo primo per æstatem agrotarunt multi, vt alias per id temporis fieri solet, tertianis, quartanis, continuis cum exanthematibus, dysenterijssim Burgo autem longe plurimi agrotarunt, & perierunt, salubrior fuit annus octogesimus secundus: agroti pauci, & sanabantur plerique, & facili negotio: Huic non dissimilis octogesimus tertius. Octogesimus autem quartus vtrumque insalubrior, æstate accedentes ad urbem grauius, & diutius laborabant, fluores ventris, dysenteria,

tertiana, Ephemera, non multi moriebantur, alias egri pau-  
 ci. Octogesimus quintus, Vere præsertim, pueris noxius ob  
 variolas, ventris fluxus, et dysenterias, ceterum nihil in-  
 suetum, nihil proprium. Octogesimus sextus & incolis, &  
 ad urbem venientibus noxius, morbi varij, & acuti, &  
 longi, et pueri laborarunt variolis, et morbillis: mortui mul-  
 ti, sed, quæ in vrbe acciderunt, nuntiatum est, ubique ferè  
 similia euenisse. Fuit insalubris quoque annus octogesimus  
 septimus, sed mitius actum est cum egrotis. Morbi eius-  
 dem ferè generis; & Vere grauius laborarunt. Anno octo-  
 gesimo octauo egrotarunt plures, & perierunt vere, quam  
 æstate; non tamen fuit annus insaluberrimus; salubrior  
 hoc fuisset octogesimus nonus; nisi Autumnus pernitiæ mul-  
 tis attulisset è plebe præsertim. Insalubrior annus nonage-  
 simus, per æstatem enim acutis febribus multi morieban-  
 tur, & ij maximè, qui Collem Quirinalem incolebant, &  
 Vaticanum. nullo delectu sexus, vel etatis, aut ordinis,  
 sed & plebs, & patritij aqua sorte egrotarunt, quemadmo-  
 dum & vere, & æstatis initio anni nonagesimi primis cum  
 ex acutis febribus caput potissimum opprimentibus, &  
 alui fluore accedente, multi perierint. His comparatus an-  
 nus nonagesimus secundus salubris dici potuit, non tamen  
 defuerunt vere aliquæ febres acutæ, & interficientes, sed  
 rare, Autumnus grauis fuit accedentibus ad urbem, non  
 sine quorundam interitu. Anno nonagesimo tertio Æstas  
 insalubris morbo prius populari accedente, ridiculo nomi-  
 ne, Ut anno octogesimo, quamuis hic mitior esset, deinde &  
 oboreis tertianis præsertim, quas duplices vocant, quar-  
 tanis

tanis, dysenterijs, fluoribus ventris, & acutis febribus, qua aliquos interfecere. Biennio sequenti nihil rarum, aut insuetum: Anno nonagesimo sexto insalubrior aestas, acutis febribus, & interimentibus, non tamen crebris. Anno nonagesimo septimo non desuere agritudines pro anni temporum ratione: sed Autumnus grauior vulgari morbo ex distillatione illi simili, qui anno quoque nonagesimo tertio inuaserat, & ferebatur etiam grassatus Neapoli, Venetijs, Mediolani, & in tota Transpadana regione, sed sine periculo: non desecere acuta febres, & letales, sed & rara orta sunt, & paucos occiderunt. De prioris vero anni, ac presentis salubritate, ut de re omnibus nota, non est agendum pluribus. Nunc in Burgo, & inter collem hortulorum, & Tiberim egri multi: ut anno sexagesimo octauo, et alijs, quorum modo mentionem fecimus, aliàs salubritas maior in vrbe quàm vmquã, totis triginta annis exstiterit. Ex hac autem narratione intelligere est, vulgares, perniciosasq; agritudines vrbis proprias non esse, nec crebriores in ea, quàm in reliquis Italiae magnis vrribus fieri, immo, si opulentiã ciuitatis considerauerimus, quietis nesciam aulicorum, laboriosam plebis, et otiosam multorum nobilium vitã (sunt enim hę magne morborum causse) reperiemus, agros in hac vrbe, quàm in alijs multis magnis vrribus, pauciores. Sed rursus ex dictis intelligimus, urbem Romam nullo proprio agritudinis genere laborare, & aliàs grauius in ea homines egrotare, aliàs leuius, non proprio acris, & regionis vitio, sed pro anni varia intemperie, & constitutione: ubi enim grauis aer est, iidem numquam desunt morbi, statisq;

tempo-

temporibus fiunt: idcirco æstate fugiunt loca maritima par-  
 tum ab urbe distantia, hyeme non timent, ac vere. sed in  
 urbe nec iidem semper, nec eodem tempore nascuntur: ve-  
 rum, aliàs grauis æstas est, reliqua anni tempora salubria,  
 aliàs Autumnus solus morbos facit, aliàs tantum ver.  
 & accedentibus ad urbem non eque semper grauis æstas,  
 vel Autumnus. Sed ostendat aliquis grauis aeris proprias  
 agritudines: Non sunt hic tumidi ventres, lienosi, inflatis  
 cruribus, flauo, viridiuè colore exangues, cuiusmodi in mul-  
 tis sunt locis maritimis, quæ nemo ignorat. Est à Strabone  
 proditum lib. decimoquarto in Caria Cauniorum Ciuita-  
 tem æstate, & Autumno insalubritate aeris (quod erat  
 apud omnes vulgatissimum) laborare solitam propter ar-  
 dores, & fructuum vbertatem διὰ τὴν καύματα, καὶ τὴν ἀφθο-  
 νίαν τῶν ὡρίων: quamobrem Stratonici citharista vulgatum  
 est dictærium, cuiusmodi foliorum exortus, eiusmodi, &  
 virorum, græcus est versiculus οἴντις φύλλον γυναι, τὸν δὲ, καὶ  
 αἰσπῶν, dubia sententia, compararet nè multitudinem, an  
 colorem frondium, & virorum, cum tamen colorem intel-  
 ligi vellet: agrè autem ferentes Caunij, eorum urbem ita  
 proscindi carmine, & tamquam insalubrem contemni, de  
 Stratonico quesiti sunt, qui, grauiore dicto eandem insa-  
 lubritatem anigmate notans, dixit, se numquam ausurum  
 urbem insalubrem vocare, in qua mortui deambulent:  
 quod de Grossetto urbe in agro Senensi dixisse memini vi-  
 rum bonum, amicum meum, cum responderet Claudio Bur-  
 ghesio Senensi loci eiusdem Episcopo, & amico item meo, qui  
 eum interrogauerat, quid sibi de ea urbe videretur; bene

D      habet,

habet, inquit, *Reuerendiss. Domine*, quoniam video per istam urbem deambulantes defunctos. Sed hac ab urbe Roma longissimè absunt, cum in ea numero quidem frondibus, sed non colore comparari homines possint, & viuentes ambulent, non defuncti, degantq; bono habitu pradi, beneq; colorati, & speciosi tum viri, tum mulieres, senes, & iuuenes, formaq; & decora, & venusta; quamobrem diceret aliquis non iniuriâs, urbem non tam Marti, quam *Veneri* gratam fuisse, & idcirco fortasse Poetas cecinisse, primos auctores *Aeneam*, & *Ascanium* filium summo penè *Veneri* commendatos. propterea mirum non est, veteres auctores de urbe Roma ita locutos, atque si de huius aeris salubritate suspicio nulla umquam fuisset: *Serabo lib. 1. Geograp.* Latium, in quo Roma, vocat felix, feraxque, paucis tantum locis exceptis maritimis, & palustribus, & ideo insalubribus, cuiusmodi circum *Ardeam*, & qui locus est medius inter *Antium* (hodie *Nettuno* vocatur) & *Lauium*, & vsque ad loca quedam circa *Setiam*, *Circeum*, & *Tarracinam*. Hoc *Serabo* dixit, non taciturus; si qua de Romani aeris grauitate, & insalubritate suspicio extitisset; nam salubritatis locorum notare studiosus, hoc, agens de urbe Roma, non omisisset. Non omisit, cum de *Caunijs* ageret, ut ante dixi; cumq; de *Rauenna* scriberet in quinto libro, significauit, aerem in ea grauem esse, quoniam regio palustris, sed emendari, maris estu, & fluijs, quicquid canosierat in urbe, diluentibus: & addidit, esse dignum admiratione, quod in palustri loco aer esset inno-  
cuis, quemadmodum *Alexandria*, qua in *Aegypto* est, ene-  
nit,

nit. idemq; dixit, agrum Tusculanum, qua ad mare ver-  
git, esse minus salubrem: dixit quoque urbem Sybarita-  
rum insalubrem ob fluminis propinquitatem in paludes re-  
fusi. Nec omittenda, qua lib. decimo septimo dixit de Ale-  
xandria, que in Aegypto. Bonitas aeris notatu digna est,  
quam facit Nili incrementum tempestiuum, à quo vndiq;  
perfunditur: etenim alia vrbes iuxta paludes constructa  
per aestiuos ardores aerem habent grauem, & suffocantem,  
namque in paludum labris luctosa sunt ob vaporacionem à  
silibus excitatam: cenofo ergo elato sursum humore tanto,  
insalubris aer ducitur, & morbos prouocat pestilenteis. Sed  
Alexandriaestate ineunte, cum Nilus impletur, impletur  
& palus, & cenofo nihil remanet, quod vaporacionem  
prauam efficiat: sed & tunc spirant Etesia ex locis borea-  
libus, tantoq; pelago, quapropter optime per astatem de-  
gunt Alexandrini. Ergo cum hac tam diserite de Alexan-  
dria scripserit, de urbe Roma non siluisset, si quid aeris  
ratione notata dignum extitisset. immo dicendum est, Cum  
idem auctor lib. 6. dicat bonam, vel malam temperiem di-  
gnosci ex frigore, & calore, & his, qua inter hac media  
sunt, & idcirco Italiam commendet, quoniam inter sum-  
mè cōtraria media est; *ἡ μέση τῶν ὑπερβολῶν ἀμφοτέρων ἀμείνη*.  
Cum hec, inquam, Strabo scripserit, dicendum est, Romam  
in Italia medio locatam, & à summè contrarijs, & palu-  
dibus longè semotam. grauis aeris crimine condemnari non  
deberet quod demonstrandum sumpserimus. & eo quoque  
confirmari potest, quod Plinius notauit lib. septimo, cap. 40.  
vnum fuisse quinquennium, quo senator nullus Romæ mo-



reretur; ab Anno vrbis DLXXIX. Flacco, & Albino Censoribus: eſſet enim hoc incredibile in vrbe loco poſita inſalubri. Iam tandem ſunt rationes examinandę, quibus contraria ſententia declarabatur, & confirmabatur.

Prior ergo, ac fortasſe potior, ratio erat ex Galeno dicente, Romam ob loci humidioſiorem naturam, eſſe obnoxiam deſtillationibus. quę duobus præcipuè obſervationibus diluitur: Ac ſcire licet primò, ſi multos in vrbe deſtillationibus obnoxios comperimus (quod verum eſt) non protinus hoc aeri tribuendum, namque multis hoc euenit vitio parentum, & ſeminis, multis ob vitus negligentiam, & varios errores, in quibus verſantur: vbi ſatietas; quę Romę frequentiffima eſt, vt eſt vrbs opulenta, in qua lautè viuunt; ibi pituita producitur multa, & deſtillationes ſiunt, itaque multi vna vitus moderatione reſtituuntur, & à deſtillationibus liberantur. diſtinguendum igitur aeris ne vitio egrotet aliquis, an inſito à parentibus, an proprio errore. Deinde licet animaduvertere, quam nunc vrbeſem incolimus, longè eſſe aliam ab illa, in qua Galenus verſatus eſt, cuius ſeculo, vt antea ab eius origine, & conditu, & multis poſt etiam ſeculis, montes, & quę inter montes ſunt, conualles colebantur, nos verò montibus relictis, in planitie habitamus: oportet igitur eſſe memores, olim vrbeſem cęnaculis elatam fuiſſe, vt ex M. Tullio ante dixi, & male diſpoſitam, atque inſuper domos, quę erant in conuallibus, neceſſariò ob loci cauitatem, & profunditatem fuiſſe inſalubres, nam conualles profundiores fuere, quoniam colles eminentiores, cum nec dum valles repletę, &



in montibus ædes essent altissimæ, quas Romana potentia Cælo æquauit (inquit Poeta) conuallium vero profunditatem eruta ædium vestigia, & ipsa ruina, ac viarum strata effossa clarè demonstrant, docentq; conualles ipsas, amplissimis dirutis ædificijs, partim barbara manu, partim vetustate inuidiosa demoliente, repletas esse, & montes idcirco iã humiliores esse, quam olim fuerint, quod et docent ædium porticus vetustarum adhuc integræ, iam subterranea pro cellis viuarijs usurpata: eoq; intelligitur, quantum differt in eadem domo cubicula inferiora habitare, vel superiora: cum salubrius confessione omnium superiora habitentur: tantum differre, ob elatum nimis solum, inter presentem, & priscorum habitationem: atque adeo nostram (quoniam quasi succrescit, & attollitur planities) quam veterem, esse salubriorem, addo probam viarum dispositionem, & ædium ipsarum structuram: cum enim ea ab Architectis habeatur ratio, ut undique perflatus existant, nihil ad salubritatem aptius cogitari potest. Timuere olim aeris vitium: itaque fenestras domorum paruas, angustas, & raras, & in summis cubiculis struebant, vnde vix luminis aliquid cubicula illustrabat, quamobrem multis locis in ipso meridie, lucerna opus fuisse, omnino existimo: interim, qui domi erat inclusus aer perflatu carens, immotusq; manens, stagnantis instar aque, putridum aliquid concipiebat, quapropter homines grauitè agrotabant, & facile contagiosis morbis capiebantur. iam contra res habet, nam fenestrarum multitudo, & amplitudo, quibus etiam inter æ cubiculorum

ianua è regione respondent, quantum ad ornatum, & venustatem, tantum etiam conducit ad salubritatem, hocq; confirmatur euentu narrato à Varrone lib. 1. de re rust. cap. quarto, qui Varro Corcyra egrum seruauit exercitū, immisso fenestris nouis Aquilone, & obstructis pestilentibus, ianuaq; permutata; quoniam ergo amplissima fuere Galeni tempestate edificia in montibus, necessario quoque in conuallibus structe ades magna diei parte sole carebant, eoq; ut conuallium mos est, vapores nec à sole absumi, nec ab incolis vitari poterant iure itaque locus humidus dictus, & destillationum genitor; sed alia est presentis urbis status ratio, quod etiam firmitus declarabitur in his, que inferius dicentur; Ita tamen negamus, esse omnium humorum damnandum Romanum Cælum, ut non propterea siccum esse profiteamur. atque si quid est ex huius contrarietatis parte altera visū, ex humore potius esse affirmauerim; sed non est tantus, neque huiusmodi humor, qui proprios, siue vernaculos producat morbos; neque illud temere admittendum, esse densum, & caliginosum, neque etiam leuiter affirmandum, esse calidum, & australem, & inequalem, & ideo morbidum, & pestilentem. sed de morbis vernaculis dicitur posterius. fieri caligines Roma, non est negandum, sed fieri crebriores, & densiores, quam locis multis, de quorum salubritate non dubitatur, hoc affirmandum non est: natus in Transpadana regione, noui illic per hiemem crebriorem, densioremq; caliginem fieri, & audiui prudentes & doctos viros affirmanteis Neapoli longè densiorem à se visam, quam

quam Romæ, caliginem, immo hanc Vere, & Estate ferè  
 sæpius licet, quam hyeme Romæ cernere, & cum ita cre-  
 bro fit nihil graue timendum esse, ex observationibus Ale-  
 xandri Petronij accipere licet, cuius ea sunt lib. 1. de vi-  
 etu Romanorum cap. quinto, Verumtamen per id tempus,  
 aut etiam paullo prius, hoc est mense Iulio, vel Augusto,  
 si forte statu mitius spirante caligo crebra diebus aliquot  
 suboriat, quia calor æstuosus ob aeris tum crassitiem,  
 tam densitatem, deinde succedit, plurimos quidem, atque  
 hos affecto potissimum capite, febricitare, sed paucos, quia  
 breuem à caligine, & ab æstu occasionem habuerunt, peri-  
 re. Sin secus accidat, quod videlicet plerique intereant.  
 Id his, qui purgationibus importunis fatigati, vel in ve-  
 ternum quendam, vel in aliquod simile capitis malum,  
 non natura, sed medentium culpa, incidunt, euenire. Est  
 igitur aer hic crassus, & densus, cum caligo vagatur, sed  
 ea non semper, neque tam crebro fit, ut huius aeris pecu-  
 liare vitium dicendum sit, atque cum fit, nihil grauis, aut  
 perniciosi afferre solet. Aerem deinde hunc calidum, &  
 australe esse, ut calor significat excellentiâ, in vno  
 hoc verò negamus, & ante ostendimus, temperatum potius,  
 quam calidum, dicendum esse. estate calor vehemens est,  
 quid mirum? hieme etiam ex gelu non nunquam rigor est,  
 ningitq; non rarissimè, & ipsi Germani hiemem Romæ,  
 quam in Germania nonnunquam difficiliter ferunt. at  
 (dicent) hiems austro flante tepescit, rectè, sed hoc est  
 omnibus Italia locis commune. esse autem per æstatem æ-  
 lum impensè calidum, & omni tempore in meridie calorem  
 inst-

insigniter crescere, hoc nulli regioni non euenit: alijs ta-  
 men magis, alijs verò minus, ut regio quaeque ad meri-  
 diem siue aequatorem magis, vel minus accedit. Nec Ro-  
 manus aer vsque adeo australis est, ut non frequenter  
 aquilone frigescat, quamòbrem aliquando ipso Iulio men-  
 se hiberna vestis, & Solis, uè dicam ignis, consuetudo gra-  
 ta fuit. Sed saepe Fauonius spirat, & Zephyrus, ut al-  
 tera ex parte Cacias, & Eurus, & Euronotus, & la-  
 pyx, & lybicus: Et idem Petronius magnam constitutio-  
 num varietatem notauit, nam alias Aquilonius, & sic-  
 cus aer est, alias Aquilonius, & humidus, & alias Au-  
 stralis, & humidus, alias Australis, & siccus, alias aesti-  
 tis alia, autumnique alia constitutio est, & alia, atq; alia  
 aliorum anni temporum, quae cum sit tam multiplex con-  
 stitutio, non facile affirmandum est, & vitio dandum Ro-  
 mano aeri, quod australis sit. Sed cum iidem affirmant,  
 inaequalem esse, negant esse simpliciter australem. Sed quae-  
 cunque inaequalitas est, ea perniciosa non est, ut poste-  
 rius dicetur. Neque temerè assentiendum dicenti crebro  
 Roma pestilentiam grassari: nam hoc de nostro seculo dici  
 non potest, cum iam annos plures septuaginta nulla affli-  
 xerit Romam pestilentia. quod verò de superioribus, ac  
 primis praesertim seculis narratum est, id cautè accipien-  
 dum est: Namque cum veteres rerum Romanarum aucto-  
 res crebrò pestilentiam incidisse per urbem narrant, vel  
 pestilentiae, siue pestis vocabulo abusi sunt, vel cerè non  
 aeris vitio, sed ab alia peculiari causa ortam docebimus,  
 dicamus autem prius de pestis vocabulo: quod propriè  
 signi-

significat genus morbi, quod & popolare sit, & contagio communicetur, & quos arripit, vel omnes, vel plerosque interficit, quapropter & Mortalitas à nonnullis dicta est: sic enim S. Cyprianus libellum scripsit de Mortalitate, hoc est de pestilentia. Alias pestis minus propriè dicitur de quocumque gravi quidem, & populari morbo, sed ex quo plerique liberari solent. primum genus tam crebro Romæ contigisse, atque proditum est, hoc mihi persuaderi non potest, quoniam aliud ex auctoribus accepimus, qui, ut contagij nonnumquam meminerint, ut Linus lib. tertio, D. 1. Coss. L. Ebutio, P. Seruilio, inquit, Ministeriaque inuicem, ac contagio ipsa vulgabat morbos, & lib. quarto, D. eiusdem agens de consulatione A. Cornelij Cossi, & T. Quintij Pæni. 1. 1. vulgariq. contactu in homines morbi, ita enim inquit: Sic alias nulla contactus ratio habitata, ut Coss. C. Iulio II. & L. Virginio; nam, & si ait Linus lib. eod. quarto, D. 1. magnum fuisse motum vastitatis in urbe, & agris; tamen, omissa contactus mentione, eodem tempore Dictatorem ait creatum, & Fidenas captas: ut credi non possit, grassante morbo, qui contagione communicari posset, tantam rem perfici potuisse. Sed lib. septimo, D. tertio Coss. M. Marcello V. & T. Quintio Crispino, aperte satis nostram interpretationem confirmat, inquiens: Eo anno pestilentia grauis incidit per Urbem, agrosque, quæ tamen magis in longos morbos, quam in perniciosos euasit. At pestis non perniciosa, propriè pestis non est dicta; quæ postis propriè, perniciosa est. At pestilentiam, hoc modo sumptam, frequen-

ter euenisse, non est mitum, neque nouum; namque nostro quoque seculo similia contigisse, nemo potest ignorare, namque ex ante dictis possumus annum dicere pestilentem nonagesimum primum, nonagesimum, octogesium primum, octogesium, septuagesimum quintum, septuagesimum, sexagesimum octauum: cum his annis morbi inciderint populares, & letales, quamobrem non ex plebe tantum, sed ex patritijs, & principibus viris multi mortui sunt. Itaque pestis sæpè vocabulum translate acceptum existimo. Quod si denique persuasum aliquibus sit, veram semper pestilentiam fuisse, quæ tam crebro narrata est, non propterea statuere oportet, aerem Romanum pestilentem esse: cum satis constet ex his, quæ auctores narrant, ab alijs causis exortam. Namque quo anno Coss. fuerat A. Corn. Cossus T. Quintius Penu grassata pestis est, quam Linius lib. quarto Dec. 1. dixit aperiè à siccitate ortam esse, quemadmodum & lib. 1. D. eiusdem L. Valerio Potito M. Manlio Coss. dixit pestilentiam ortam in agro Romano ex siccitate, & caloribus nimijs: ergo non ab aere, quem humidiores esse statuunt. item lib. quinto D. 1. tristem, inquit, hiemem, siue ex intemperie Cali, raptim mutatione in contrarium facta, siue alia de causa, grauis pestilensq. omnibus animalibus æstas excepit: at si peculiare huius aeris vitio incidisset, non fuisset dubitandum, ex intemperie Cali nè, an alia de causa. lib. quoque octauo D. eiusdem Cl. Marcello: T. Valerio Coss. sedus annus seu intemperie Cali, seu humana fraude fuit, ergo non infuso vitio, sed ob peculiarem illius anni intemperiem,



periem, ut ob nimiam siccitatem, vel calorem, ut alia  
dixit, aut ob fraudem Matronarum, quas narrat depre-  
hensas, cuiusdam indicio ancillæ, in Senatorum perniciem  
venena coquere. Sed non tam est agendum testibus, quam  
rationibus; itaque si verè pestis tam crebro incidebat, at-  
que hoc aeri tribuendum fuit, vel fieri idcirco debuit,  
quia in aere vis aliqua pestilens per se inerat, quod non  
est dicendum, quoniam singulis annis, ac perpetuò debuis-  
set pestis Roma fieri, quod factum non est, vel aliundà  
vis ea pestilens proficiscebatur, aut à vaporibus, quos ter-  
ra exhalabat, qui ob montium sublimitatem, adiumque  
amplitudinem, & altitudinem, absumi à Sole non pote-  
rant; atque ideo humana corpora inficiebant; sed & hoc  
perpetuum fuisset; nam Status idem Urbis erat perpe-  
tuus. aut proveniebat à siccitate, vel aestu, (ut Livius  
aliquando dixit) aut alia quacunque anni constitutione,  
que per singulos annos varia occurrit, & quæcunque sit,  
ab ea potest morbus aliquis in affecto utcumque corpore  
produci, hoc autem non est huius aeris proprium, sed com-  
mune omnibus regionibus, in quibus, ut alia semper est  
constitutio hiemis, & alia æstatis, ita quoque alia est hoc  
anno, alia futura est altero anno constitutio, & alia ter-  
tio, & ita deinceps. Nec Hippocrates libro de flatibus di-  
cebat, populares morbos a proprio loci vitio, sed promiscue  
ab aere nasci: cum distinguendum sit, proprium ne vitium  
regionis sit, quod non populares solum, sed vernaculos  
etiam eosdem morbos producat: an vero commune sit, a  
quo non vernaculi, sed qui solum populares sint: cuiusmo-

di hi sunt, de quibus disputatum est hactenus; profectis-  
 fiantur. Esse autem Romanum calum communibus aeris  
 affectibus; & inquinamenti obnoxium, ut negandum  
 non est; ita vitio ei dari non debet. Quod si tandem ali-  
 quis hoc sibi persuadeat, fuisse vitium Romani proprium  
 aeris, cum iam longe rarior postremis, quam prioribus se-  
 culis, Roma pestilentia oriaturo (ut notum est) salubrius  
 quoque iam Calum esse Romanum, dicendum est, quam  
 fuerit olim ob mutatas sedes à montibus & conclusis con-  
 vallibus, in apertam planitiem; De cuius loci salubritate  
 præter ea, quæ ante dicta sunt, nonnulla quoque dicen-  
 tur posterius. Ergo sumptum à pestis olim crebro in urbe  
 exortu, argumentum, ad aeris Romani insalubritatem  
 demonstrandam, satis dilutum videtur. Iam perpenda-  
 mus quæ de morborum quibusdam generibus dicebantur,  
 quos morbos Romæ vernaculos cum veteres quidam, tum  
 recentiores auctores testati sunt: quos oportet intelligere,  
 hoc ipsum nè Romanum Calum; an aliud causse genus ef-  
 ficiat. Sermo erat primus de comprehensione, quæ à  
 Græci appellant, quam cum febre quotidiana Romæ fre-  
 quenter accedere, Asclepiades testatus est. Verum, non eo  
 demonstratum est, id morbi genus esse Romæ vernaculum;  
 nam si dixerò tertianam, quartanam, fluxum ventris;  
 intestinorum difficultates, & alios non paucos Romæ fre-  
 quenter euenire, nemo me arguet quasi mendacem; sed si  
 eosdem dixerò morbos esse Romæ vernaculos, nemo senten-  
 tiam non damnaverit; nemo non explosit: visa sunt ali-  
 quando frequentes in urbe, nostro quoque sæculo, febres  
 quoti-



quotidie accedentes cum sopore lethargo simili, immo dum  
 hac à me scribuntur, aliqua videntur, cuiusmodi ab Ascle-  
 piade descriptæ sunt, sed nec omni tempore, nec singulis an-  
 nis apparent, uti morbi vernaculi solent, quos Græci  
 ἰσχυροί, & ἰσχυροί vocant, & ἰσχυροί qui ab his longè dis-  
 ferunt, qui vulgares dicuntur, ἰσχυροί, vel ἰσχυροί, ita-  
 que febrem illam Asclepiades vulgarem quidem, sed non  
 vernaculam fuisse indicavit. Nec alia ratio est Incubi ap-  
 pollati, & semiterstiane, etenim morbi quodvis genus  
 vulgare potest non esse vernaculum, idemque dicemus de  
 podagra, & cæteris artuum doloribus, de spūta sanguinis,  
 & reliquis ante memoratis: Sed & sanguinis spūtum,  
 & tabes peculiare aeris Romani vitium minime docent,  
 licet sola nonnunquam æria mutatione sublati dicantur;  
 nam hoc morbi genus, ubique nasci solet, & longum est;  
 in eaq. celi mutatio cuiuscunq; ab Hippocrate laudata est.  
 accedit quamvis vel omnes, vel aliqui vernaculi iure di-  
 cantur, posse tamen eos ab alijs causis, non ab aere profi-  
 cisci: Quis enim nescit Venere, & Baccho vires eneruari,  
 pedes tentari? Sed pravi nonnunquam cibi, potus, genus  
 aliquod vulgareis alias producit ægritudine, quod à mul-  
 tis proditum, nemini ignotum potest esse, ipseq. Petronius caus-  
 sas exponens morborū, quos esse Romæ vernaculos professus  
 est, non existimavit factum satis, aerem dixisse, sed adie-  
 cit ventorum impetum, copiam alimentorum, Solem, qui  
 Romæ, ac præsertim æstate, & in meridie semper validus  
 est, atque Vinum; Cum autem reliquæ causæ evidentiores  
 sint, quæ verò de aere dicuntur longè minus pateant, eo  
 maiorem

malorem in reliquis causis culpam, quam in aere inesse, intelligimus. Vtrum verò aeris vitio alimenta Roma nutrant minus, quam alibi, hoc esset paullo diligentius examinandum. Non enim tanta videtur vis argumentorum, quæ ad hoc probandum, proponebantur, ut persuadeant. Etenim, agros Romæ uberius, quam alibi nutrirî; Verè quidem dictum est; sed scire licet, Neapoli quoque uberius multo nutrirî, quam in Hetruria, & vniuersa Gallia Cisalpina; immo uberius Neapoli, quam Romæ; nec tamen insalubre existimatur Cælum Neapolitanum, aut eiusmodi, ut, quæ illic sunt alimenta minus, quam alibi, nutrire dicendum sit. Sed (dicendum semel est) & Neapoli iusto uberius, & in Gallia Cisalpina, atque Hetruria parcius, quam par est, agros nutriunt; Romæ ratio quedam media seruatur, quæ optima, & saluberrima est; non quidem, quoniam nutrimenta sint infirmiora, sed quoniam hoc à recta postulatur ratio, à qua longius recedunt, tam qui parcius, quam qui uberius agro alimentum offerunt; sed non hoc uno peccatur à medicis non paucissimis. ob male accepta veterum auctorum documenta: de qua re alibi disputandum est; Ausimq. asserere, si quis deposito contentions studio, rei periculum faciat, id, quibus locis parcius agri nutriuntur, euenturum, quod Romæ nostro euenit seculo, ubi ante annos quinquaginta parcissime medici agros nutriebant perinde atque locis ante dictis; cum primus omnium (quos nouimus, & fama est) Franciscus à Nursia animaduertit insalubrem esse victus illam rationem, quâ medici passim agris laudabant, & ex ea plures,

quam

quam vi morbi perire: quamobrem ausus agros uberius nutri-  
 re oblati contusis carnibus, et plenioribus ferculis, ma-  
 gni medici nomē in hac vrbe, et opes magnas consecutus est,  
 quem imitatus Alexander Petromius, præter cetera inge-  
 nij monumenta, quibus de humano genere meritus est, in-  
 ter medicos primas omnium calculis obtinuit: cum verique  
 non defuerint aduersarij veteris, plebeiique opinionis adser-  
 tores, quos tandem plebs, patresque, & ipsum seculum,  
 docente vſu, à recta aberrare ratione cognouit, & statuit,  
 & duorum, quos nominavi, medicorum sententiam com-  
 probauit. Sanè (hoc vñum dixerim, nam de ea re interpre-  
 tando Hippocratis præcepta, quæ præsertim in aphorismis  
 continentur, abunde disputatum est) Hippocrates prædi-  
 cat offerenda agris eadē, quibus per bonam valetudinem  
 adsueuerunt, solum curandum, vt ita parentur, ab imbe-  
 cilliore vt virtute tractari, & euinci possint, & nihil  
 tam damnat, quam importunam vasorum vacuitatem,  
 xana sunt, & obſcurior; & minus arguendum medicum do-  
 cet, qui uberius, quam qui parcius agros nutriat, sed hæc  
 hætenus. Quod de Hispanis iactatur, in eo quoque nom-  
 nihil laet, quod eſet penitus inspicendum: Videant di-  
 ligenter, an à ciborum natura periculum oriatur, an quia  
 Roma laborant plurimum, vt acquirant (labor autem sa-  
 nitatis est custos) acquisitis verò amplis sacerdotijs, otio-  
 so in Hispania degunt (otium verò sanitatem oppugnat,) &  
 & de consueta ciborum mensura nihil demunt, licet non vſ-  
 que adeo magis nutriant, quam Romana alimenta: propter  
 rea breui moriantur? Differre autem alimenta inter se ob  
 loco-

locorum varietatem, hoc negare, prorsus ineptum existimo. Usque sunt alimenta alia infirmioris, alia valentioris materiae, & alia media; ita idem alimenti genus alibi, atque alibi infirmius, aut valentius dritur: Plus vero nutriunt, quae aqua mole plus habent succi alendo idonei, aut etiam in minore mole, vel maiorem, vel parem copiam eiusdem habent succi, & huiusmodi oportet esse, quae pari mensura plus habent ponderis, & concoquuntur difficilius; saltem magna ex parte, solidioraque sunt, & diutius in eodem loco manent incorrupta. Esse autem ex loco hanc alimenti differentiam Theophrastus disertissime docuit, cum lib. de plantis octavo; cap. quarto dixit. Athletas in Beotia vix Tritici sextarios ternos absumere, qui Athenis quinos comederent, differentia profecto maxima: sed quid inde accipimus; quod aerem Romanum condemnare possit? neque Triticum, neque carnes (tactio pisces) Romae nascuntur; sed in agro: at nostra de aere urbis, non agri disputatio est; quod si frumenta, & carnes ex agro Romano minus alunt, quam Hispaniarum alimenta; hoc ad urbis aerem non pertinet, nec docet huius aeris labem esse aliquam, quapropter insalubris existimandus sit. At (dicunt) aliunde huc delata, hic flaccescere, quam alibi, citius, macerarique; & promptè putrescere; Sed illud prius fuit declarandum, an hoc ab aeris, nascatur, an terrae vicio, ubi frumenta nascuntur; nam Theophrastus differentias frugum agnoscebat praesertim ex loci, hoc est terrae natura, ex seminis robore, & imbecillitate, ex aeris temperie, ubi facta sunt, non ubi post mes-

sem

*sem* conduntur: non tamen hoc dico, quasi verum existimem loca, ubi conduntur fruges, non conducere ad perennitatem: cum Varro lib. 1. cap. 47. admoneat: Triticum condi oportere in granaria sublimia, quæ perflentur vento ab exortu, ac Septentrionum regione, ad quæ nulla aura humida ex propinquis locis adspiret: & Columella lib. 1. cap. sexto, inquit. Granaria scalis adeantur, & modicis fenestellis Aquilonibus inspirētur, nam ea Cali positio maximè frigida, & minimè humida est, quæ utraque perennitatem conditis frumentis afferunt: Sed non idcirco concluditur, cum horrea debeant esse sicca, & frigida, Romanum verò Calum calidum, & humidum sit: ergo celeriter fruges hic corrumpentur; Hoc, inquam, non efficitur; nam contra, videor mihi videre conditas fruges Romæ non aliter, quam alibi, durare, si horrea benè habeant, Calum autem Romanum temperatum esse docuimus, non calidum, & humidum. Sed quod est temperatum, vocant aliqui calidum, & humidum, comparatione frigidi, & siccī, quoniam media contraria extremis dicuntur esse. Sed de re eadem posterius dicenda quedam remanent. Hactenus declaratum est, morbos, qui vernaculi putantur Romæ, ab aeris vitio minimè nasci: & cum alimenta sint Romæ, quam alijs quibusdam locis, infirmiora, hoc pariter non fieri Romani aeris culpa, qui non est simpliciter calidus, & humidus, ut assumitur, sed temperatus, atque adeo salubris. Sed persuaderi videbatur, humidum debere Calum Romanum existimari, quia Roma in conualle serè quadam locata est, & montibus, instar amphitheatri, cingitur:

tur : quapropter in ea densi, crassiq. vapores multi inclu-  
 duntur, & reliqua antedicta. cuius argumenti iam indi-  
 cata infirmitas est. nam, ut in angustiis, profundisq; con-  
 uallibus, & quæ verè conualles sunt; hac fieri necesse est;  
 ita Romæ fieri negamus, quoniam non est conuallis; nisi ve-  
 limus conuallem quoque vocare Galliam Cisalpinam to-  
 tam, cum planities sit posita inter Apenninos montes, at-  
 que Alpes; ampla est planities, in qua Roma posita est,  
 & satis est magna inter colles distantia, quod est à conual-  
 lium natura alienum: est enim Vallis angustus inter edi-  
 to montes locus, concauus, quem ἀλλήρα Greci appella-  
 runt, ob angustiam, & similitudinem quamdam vocalis  
 instrumenti, quod Greci ἀλλήν appellant, ubi non angu-  
 stia solum, & longitudo, sed & concauitas est consideran-  
 da, Eustathio auctore ad Iliad. λ. & P. & Odiss. x. cu-  
 iusmodi non est hic locus, ubi nunc Roma locata est, ac pro-  
 pterea undique perflat, neque minus admittit frigidos,  
 & siccos flatu, quam humidos, & calidos, ac nullum est  
 flatu genus, cui aditus non pateat, ut ipsa observatio-  
 ne probari facile potest, & auctor potest esse idem Petro-  
 nius lib. 1. de victu Roman. cap. tertio, ubi ventos urbem  
 exercentes promiscuè memorat Aquilonem, & Boream,  
 Austrum, & Africum, quamobrem si ventos respicias,  
 Roma non minus Aquilonia, quam Australis dicenda sit.  
 Itaque nec crassi, & densi vapores in urbe, ut conualli-  
 bus continentur, sed à Sole toto die urbem illustrante ab-  
 sumuntur, & à flatibus quoque undique spirantibus dis-  
 sipantur. Quod verò de Vaticano dictum est, ubi vocatus  
 Burgus



Burgus est positus, hoc etiam rectè accipiendum est; nam insalubrem dixerim partem illam, quæ ipsi monti Vaticano subiecta est, & porrigitur ad Ianiculi radices, ubi fornaces existunt, etenim vapores, quos Tiberis propinquus exhalat, partim à Sole vergente ad Occasum illuc trahuntur, partim à flatu tum ortiuo, tum aquilonio pelluntur, & in angulo veluti quodam clauduntur; vnde nec Austro obiectu Ianiculi, nec Zephyrus, vel Favonius obiectu Vaticani potest illos repellere, & omnino dissipare, sed pars reliqua, quæ maxima est, in ampla satis planitie posita longè salubrior est: accedit non perpetuo, nec singulis annis, nec in omni anni tempore in ea Urbis parte morbos grassari, nec genus aliquod morbi vernaculum illic esse, ut de reliqua urbe dictum est superius; quamobrem, de ea Urbis parte non aliter, quam de reliqua uniuersa statuendum est: quod via nonnulla in Urbe tota ob angustiam, & ob adium altitudinem vel flatu aliquos non admittant, vel Solis vim non usque adeo sentiant, ut & moderate calefieri, & à densis vaporibus expurgari possint, & contra esse aliquas soli nimium expositas, quamobrem æstate non absque periculo frequentantur; iam hoc est commune urbium omnium vitium, non aeri, sed architectis tribuendum. sic quoque non aeri Romano tribuendi sunt morbi, qui montium cultores exercent, sed annis, qui multa ferunt venientes, & multa adimunt recedentes: propterea non perpetuo, nec singulis annis ita passim in montibus morbi nascuntur, nec idem genus semper oritur, ut quibus locis vere gravis aer est, euenire solet.



De inconstantia quoque quod propositum est, ut verum esse fateor, ita profiteor ex eo, longe aliud effici, quam contraria opinionis adsertores sibi persuasferint: Etenim varietas, & frequens contrariorum successio temperiem, & mediocritatem quandam, atque ideo salubritatem inducit: ita enim contrariarum vis caussarum frangitur, ut obesse non admodum possint: quos morbos ab Aquilone, vel ab Austro fieri notabat Hipp. lib. aphorism. tertio, non videmus produci, nisi cum diu alteruter status spirauerit; non ubi alter alteri post paucos dies, aut eodem die succedit: & illa, quam putant ab Hipp. damnatam varietatem, quoniam Autumno similis sit, quod matutino, & vespertino Caelum hoc sit frigidiusculum, meridie caleat vehementius; saluberrima est, neque propria Autumni est (quicquid de ea re magni viri statuerint) nam in omni anni parte varietas eiusmodi sentitur, æstas sit, vel hiems, Autumnus, aut ver. nox die semper est frigidior, itaque hyemi comparatur; à nocte vero maxime distat meridies æstatis similitudinem exhibens, atque ut Ver, & Autumnus media sunt inter contraria anni tempora, ita matutinum tempus, & vespertinum sunt inter meridiem, & noctem media, & quemadmodum per anni tempora caloris sit, ac frigoris optima, & necessaria temperatio, ita fit per dies singulos, diei partibus sibi perpetua serie succedentibus. quæ fuit etiam Hippocratis sententia lib. secundo, & sexto Epidem. ubi ostendit, esse dierum, & annorum proportionem, & Autumnum ait esse vespertino tempori similem, ut inde reliquam similitudinem colligamus, quod & fecit Theoph.

Theoph. lib. sexto de caus. plant. cap. 24. cum ait odores meridie sentiri minimè, maximè matutino, minus vespertino; atque ut cum diei horis, ita cum anni temporibus proportionem mutari; itaque intelligimus hanc quotidianam frigoris, & caloris vicissitudinem esse naturalem, & in omni anni tempore (pro temporis tamen ratione) apparere: hyeme meridie sereno tepor est aliquis, mane & vespere frigus maximum; æstate contra, meridie æstus, mane, & vespere æstus aliqua temperies. Sed neq; Hipp. dixit usquam, Autumnum esse inaequalem, aut docuit ob inaequalitatem morbos fieri in Autumno perniciosissimos, & alias exponebam, Autumnum perniciosum ob recessum Solis, qui vitæ fons esse dicitur: certè precipuum est Diuinæ prouidentie ad vitam communicandam instrumentum, ut enim accessu vitam, & recessu interitum, sic & sanitatem accedens; ideo Ver saluberrimus & perniciosas recedens affert ægritudines, itaque veri contraria Autumni natura, quod attinet ad salubritatem. si queras, cur non sit hyems perniciosior Autumno, cum longius Sol abest, respondebo; nec æstatem esse saluberrimam, cum sol propinquissimus nobis est. quamuis autem Autumnus non differat ab alijs anni partibus inaequalitate; Hoc tamen non efficit, quin vere dictum sit, morbos autumnales expectandos cum aeris inaequalitas est, & ut eadem die modò frigus, modò calor sentiat. Sunt enim duo diuersa, & que seiungi possunt, autumnum esse grauem, & si inaequalitas non adsit; & constitutionem inaequalem morbos autumnaleis significare. ubi & aliud notandum est; differre, futuros morbos, & futu-  
ros

ros huius, Vel alterius generis. futuros morbos non est facile ad prædicendum, sed si futuri sint, facile est genus illorum prædicere. Etenim ex grauibz constitutionibus non ægrotant omnes, sed propensi quidam: at quid si nemo sit alicubi propensus? nemo ægrotabit, ergo si prædixeris futuros morbos simpliciter, facile errabis, neque docet hoc Hippocrates: at, si futuri sint, docet Hipp. quod genus expectare oporteat. Docet scilicet ex quibus causis, qui morbi fieri solent, sed sæpe causarum vis irrita. Sed ad rem, noxia est eodem die caloris, frigorisque crebra successio, sed non quæ uno die, vel altero tantum, sed si fuerit multorum dierum & veluti vniuersalis constitutio, quæ longè alia est ab ea, quam Romæ obseruarunt; quoniam mane, et vespere aer frigidior sit, meridie calidior: quæ cum frequens, & quotidiana sit, & naturalis, & salubris varietas est, quæ verò insalubris est, quam modò descripsi, ea nec quotidie Romæ fit, nec aliqui frequenter: si fiat aliquando, non est mirum, quia Romæ quoque pars est huius vniuersitatis, quæ vbique varietati obnoxia est: nec est propterea Calum Romanum insalubrius cæteris existimandum. illud verum est, non vsque adeo Romæ diuturnas esse eiusdem generis constitutiones & eadem anni parti fieri transitum à frigore ad æstum, & contra, & non ita multos dies boream spirare, aut Notum, & omnino varium hoc Calum dicendum esse. nec inuentu difficilis causa, si credimus dictis ab Hippocrate lib. de aere aquis, & locis, sunt enim Colles vario situ ad Austrum, ad Aquilonem, ad Ortum, et Occasum, sunt & inter hos plana, & conualles eadem varietate, atque idcirco vario modo aerem

aerem moueri, variosq. cieri ventos necesse est. Neque varietatem hanc tunc insalubrem notabat Hippocrates, immo laudabat, quod homines produceret viriles, magnanimos, audaces, & bellicosos. Mutationes vero in contraria damnatas esse tam à Galeno, quam ab Hippocrate; hoc verum quidem est; sed hi loquebantur non de quacumq. subita mutatione, sed magna, & immodica *ἐξαιτίας*, inquit Hippocr. *μέγιστο πολλῶ τῷ μετρίῳ μεταβαλλόμενα*, ut à maximo frigore ad aestum, & contra, sic in aphorismis quoque τὸ ἐκ τῶ πολλῷ καὶ ἐξαιτίας, quæ patet Galenum quoque subitam damnasse alterationem intelligimus; sed est hæc aeris Romani varietas intra quamdam mediocritatem, quæ (ut experimentis compertum est) sine incommodo ferri potest, & plerumque salutaris est, ut ante dicebam.

De Tiberi: qui vapores exhalat insalubres; quid dicendum sit, is intelliget, qui animaduuerit, non in Italia solum vrbes amplas iuxta magna flumina positas; sed in Germania, Gallia, Hispania, & in omni orbis terrarum parte, nec propterea insalubritatis nota iniustas esse. Non potest igitur vniuersæ, & promiscue dici, et statui fluminum propinquitatem insalubrem esse, sed Celsus peculiariter loquebatur de his, qui stomacho sunt imbecilli, & Hippocrates de victus ratione per æstatem obseruanda: monebat enim Soles vitandos, & frigora tum matutina, tum vespertina, quæ flumina, aut stagna, aut niues exhalant: non quia vitiosum, & insalubrem simpliciter aerem efficiant, sed quia per æstatem calida corpora non absque periculo in locis frigidioribus versantur. Nec Strabo dixit (si mentem eius inspicias

spicias diligenter) *Pastum* insalubre ob fluminis propinquitatem, sed ob paludes potius propinquas, in quas refundebatur fluvius, & regerebatur: quod de urbe *Roma* dici non potest. Nec difficile est interpretari consilium illorum, qui per *æstatem*, et *Autumnum* *Roma* esse nolunt: trahit enim illos sæpenumero villarum amenitas, & recreandorum animorum honesta, & laudanda cupiditas: Neque *Horatius* veritus est ea de causa invitare *Augustum* ut *sumum* fugeret, strepitumq. *Roma*, & nonnumquam altiore consilio alij caussati quidem sunt aeris insalubritatem, sed abierunt, ut *Summi Romani Pontificis* severitatem declinarent, quod factum est præsertim sedente *Urbano* eius nomine *Sexto*.

De senibus vero, quos paucos dicunt *Roma* reperiri, duo sunt exponenda: Verè ne dictum sit, pauciores hic senes esse, quam alibi, atque si ita res habet, hoc ab aeris vicio, an aliunde proficiatur. quod ergo ad numerum attinet senum, hoc constat, ubique paucos reperiri senes. quia plerique ante senium decedunt: quod si ætates annorum numero definire velimus, & senes vocemus, qui annum superant quinquagesimum, hos innumeros tam *Roma*, quam alibi reperimus: Si senes tantum dicere velimus, decrepitos, hoc est ultra annum septuagesimum, & octogesium, hos ubiq. paucissimos videre est, et qui de longævis scripsere, operæ pretium putarunt non eos tantum, qui annum centesimum superarunt, commemorare (qui sanè ubique rarissimi reperiuntur) sed nonagenarios, et octogenarios: Sic enim *Hieronè* vixisse aiunt annos nonagintaduos, & *Platonem* octoginta annos

cum utrūq; cum longeuū adnumerēt. Cuius ætatis homines  
 Romæ numquam defuerunt iam inde ab eius origines quan-  
 do Numam, & Tullū reges octogenarios, & Tarquinium  
 item Regem nonagenario paullo maiorem inter longeuos Li-  
 cianus memorat. M. Varro, ut de se ipse scripsit, anno octo-  
 gesimo scribebat libros de re rustica: M. Cato annos natus  
 octuagintaquinque excessit è vita (ut est à M. Tullio pro-  
 ditum) ne Perpenam memorem, qui vixit nonaginta octo.  
 & M. Valerium Coruinum, & Metellum Pontificem, qui  
 centum annos vixerunt: Pollio Romulus centesimū annum  
 excessit, ille, qui rogatus ab Augusto, quam ratione maxi-  
 mè vigorem illum animi, corporis que custodisset, respondit.  
 Intus mulso, foris oleo. memorat quoq; sœminas, ut Liuiam  
 Rutilij, quā ferūt excessisse annos nonaginta octo, Statiliā  
 nonaginta nouem, Terentiam Ciceronis centum & treis, Clo-  
 diam Osilij centum & quindecim, Luceiā mimam, quæ an-  
 no centesimo pronuntiavit in Scena, Gæliam Copiolam,  
 quæ producta est in scena agens annum centesimū quartum;  
 Samullam, quam Plinius, Asconio Pediano auctore, scri-  
 psit, vixisse annos centum & decem. Neq; huic seculo de-  
 sunt, qui in amplissimis dignitatibus (quod est difficillimū)  
 annum octogesium exceßerunt ut Gregorius XIII.  
 Pont. Max. qui obiit anno ætatis octogesimo quarto, Paul-  
 lus Quartus, qui vixit annos octoginta tres, & Paullus  
 Tertius, qui vixit annos octoginta vnum: Viuuntq; ho-  
 die multi ex patritiorum quoque numero, qui excessere an-  
 num octogesium: quod si inferioris ordinis homines excus-  
 seris, et plebem ipsam, incides facile in aliquem cœtenarium,

nedum nonagenarium : atq; adeo intelliges Romam eisdem natura muneribus, ac iuribus frui, quibus vrbes fruuntur aliae, de quarum salubritate non dubitatur : Quod si tandem, pauciores in vrbe senes reperiri contenderis, esto vt lubet, quae caussa? non aer; sed viuendi ratio duplici praesertim nomines nam, vt in vrbe opulenta, luxus plurimos perdit, & voluptas; nec minus obest honorum cupiditas, & ambitio. His enim de caussis multi tantum à salubri victus ratione aberrant, vt & senescant celeriter, & moriantur; propterea visus est mihi Alexander Petronius rectè existimasse; cum libro quinto de victu Romanor. scripsit, si quis aptam viuendi rationem seruauerit, victurum non modo annos septuaginta, sed centum, & plures, & restatus est à se cognitum, qui vixerat annos centum & quinque, & alterum, qui centum & vndecim, & tertium, qui centum & vigintiunum; vixit autem ipse Alexander annos octoginta & vnum, diutius victurus, si potuisset illa vitare incommoda, quae morbum grauem, & curationi rebellem induxerunt, qui morbus cum toto postremo quadriennio detinuit. scripsit autem lib. 3. de victu Rom. c. 24. paucos esse in vrbe senes, non ob aeris insalubritatem, sed quoniam plerique sunt in iuuentute, & reliqua vita intemperantes.

De accedentibus autem ad urbem dicturus, accipiam primo, vulgatam esse opinionem, eidem periculo obnoxios esse recedentes, atque accedentes, sed non toto anno, Verum per aestatem dumtaxat, quapropter multi magna religione dicam, an superstitione observant hoc quasi preceptum, siue regulam: Aestate scilicet neque veniendum ad urbem, neq;



ex eadem recedendum : tamen si non leuia sunt contra hanc opinionem argumenta . Nam qui huc accesserunt , iter vel longum , vel breue peregerunt . Ex longo itinere non est mirum aliquos , itinere peracto , egrotare , & inierire , aer licet Romanus insalubris non sit : namque locorum mutationes , & victus egritudines pariunt , ut libro de octimestri partu scriptum est ab Hippocrate . & quemadmodum sola celi mutatio , in deterius licet , nonnumquam sanat , ut legere est in Corn. Celsi lib. 2. c. 1. (peffimum , inquit , calum est , quod agrum fecit , adeo ut in id quoque genus , quod natura peius est , in hoc statim , salubris mutatio sit ) ita in melius mutatio nonnumquam insalubris potest esse . Sed hac est omnibus regionibus communis ratio : nec est propterea calum Romanum accusandum . cui accedit , in longis itineribus , errata committi multa , quae iter facientes fatigant , & morbis obnoxios reddunt , quibus etiam , itinere peracto , capiuntur : ac , si longius iter peragendum fuisset , in ipso itinere capi potuissent : ut multi quoque in diuersorijs , & hospitij , ante perfectum iter , perierunt , quod nemo ignorat . Egrotant etiam aliqui ob subitam mutationem à labore , motu , & agitatione ad multam quietem , ut recte notatum est ab Alexandro . Petronio lib. 4. c. 21. de victu Roman . Sed & aliqui ob solam aeris mutationem egrotant ( fateor ) sed non aeris vitio , verum peculiari contrarietate , & naturali quadam , priuataq. inimicitia , quae non in omnibus , nec in plerisque ( quippe non ab aere ) sed in paucis reperitur . Alij demum ob insuetos tum cibos , tum potus , & ( vno verbo ) ob mutatam victus rationem ab Hippocrate indicatā mor-

bis capiuntur: quæ ad aeris salubritatem, vel insalubritatem non pertinent, nec Romani aeris propria, sed omnibus regionibus communia sunt. quod est, & ipsum notissimum. Accedit, quotidie per æstatem multos Romam accedere, & ex ea recedere, ex tantoque numero paucissimos morbis corripì. postremo quædam etiam sunt annorum constitutiones. (ut ante quoq; indicavi) in quibus locorum sunt mutationes magis, aut minus salubres. quapropter, qui tam facile de aeris Romani salubritate diiudicant, videtur ad illos dixisse Aristotel. πρὸς ὀλίγα βλιπόμενος πάλιν ἀποφύγεσθαι. Hæc. de longis itineribus dicta sunt. ex brevibus autem idem timere periculum, videtur esse hominis studio-bonæ valetudinis intemperanter abutentis, constatq; tota æstare Roma Tibur, Tibure Romam iri, Roma Tusculum, Tusculo Romam nullo prorsus bonæ valetudinis detrimento. Qui in huiusmodi mutationibus in ægrotudines incurrunt, hos reperies alijs potioribus de causis ægrotudini obnoxios fuisse, & ægrotasse. Cur autem pari loco habeant discessum Romæ, atque ad eandem accessum, non satis percipio. Si namq; aer insalubris est, deferri quocumque debet tempore, ac magis, cum insalubrior existimatur. hæc sane paritas nullo auctore iactatur. Ratio quoq; infirma, tam esse timendam migrationem ex insalubri in salubrem, atq; ex salubri in insalubrem. immo e contrario, in omni nature parte mutatio ad meliora plerumq; saltim probatur. accedit, iam satis. (ut arbitror) demonstratum esse, aerem Romanum insalubrem non esse. At (inquiēt) nititur vulgata opinio experimētis. Sed paullo ante aperte satis indicatum est, aliam esse

eviden-

evidentiores, & efficaciores morborum his, qui peregre præfiscuntur, causas, quam aeris vitium.


Postremum erat, nescio an ioci gratia propositum argumentum; Multos Romæ medicos esse; ergo & morbos esse multos; & idcirco aeris insalubritatis suspicionem augeri. Verum hic illud esset prius definiendum, sint nè Romæ medici multi, quia necessarij omnes, an quia Vrbe ipsa indigeant, & Sportulis multi, Speq. magis, quam pane nutrian-  
tur? Sed sint multi necessarij, vt verè sunt; ergo morbi multi; rectè, sed eò non efficitur, aerem damnandum, quoniam morborum, qui Romæ fiunt, vel communes, vel proprij, causa sunt alia manifesta; cibus, potus, somnus, Venus, labor, vltra mediocritatem ab Hippocrate probatam; Neque par est ratio legum, & medicorum, multa leges, ergo, multa crimina, rectè, multi medici, ergo multi morbi, non efficitur; nam leges singule pro singulis criminum generibus necessario statuuntur; at singulis morborum generibus non est opus singulis medicis, quia vnus omne genus morbi potest curare; Et euenit aliquando, Medici ut sint plures, quam egroti.

F I N I S.

# EIVSDEM AVCTORIS

## C A R M E N.

**H**IS Ego tentabam vanos de mentibus, vltor  
Mendacis fama, sensus, vanumq. timorem;  
Vt sua Romano constaret gratia Calo;  
Vellere, tu interea dū ALDOBRANDINE (Senatus  
Grande decus sacri, & Romana gloria pubis)  
Ter magni curas patrui, minuisq. labores,  
Atque studes primum, enixe & contendis amatam, at  
Criminibus foedam infandis, lustrarier Urbem,  
Expertam nuper crudelia funera, nobis.  
Credita vix, queis Scylla ferox, & saeuus Agyrtes,  
Impius atque Typhon, Rhasusq. infamis habetur;  
Non Eriphyle una ostendet iam vulnera nati,  
Non semel inuisti fratres, natique, patresq.  
Dicentur posthac (nec sunt ea crimina Cali  
Romani, sed quisque volens sibi retia fingit  
Queis capitur, sibi quisque dolos meditatur, & arte  
Sape sua moritur) diras auertite pestes  
Sancte pater CLEMENS, et tu spes altera PETRE,  
Dent fontes scelerum penas, mancant sua dignos  
Premia (quod facitis) nam prisca, et auita Quiritum  
Pectoribus virtus vestro rediuiua virescet  
Munere, quo iam & dicta magis, quam visa, redibunt  
Tempora, Saturno (vt fama est) regnata, nec vlla  
Præclarum nomen reticebunt secula vestrum.



ORTVS

SEPTENTRIO



MEDIES

OCCASVS

MVTIO MATTHAEO  
FELICI ALMERICIO  
MVTIO BVFALO

Almæ Urbis Conseruatoribus



*Marsilius Cagnatus S. P. D.*



QVOD faustum, felix, fortunatūq; sit S. P. Q. R.  
cum saluberrimus annus (si multis alijs com  
paretur) Tiberis inundationem portentosam  
(vt vulgus opinatum est) secutus sit, licuit mi  
hi, exacto annuo interpretandi labore, his  
æstiuis diebus paullo liberius otio frui litte  
rario. atque interim, cum amicos nonnullos sæpe audiuerim  
repetere illam, quam habui de dictæ eluuiōis minis, opinio  
nem; quas nihili æstimandas iudicaui, & scripsi in ea, quæ pau  
cis ante mensibus à me edita est, de inundatione Tiberis di  
sputatione; tacita quadam hortatione sum adductus ad id præ  
standum, quod amicis item quibusdam aliquando fere pollici  
tus eram; atque adeo de Romani aeris salubritate præsentem  
commentariolum exaravi, quo vulgarem de eiusdem insalu  
britate aeris opinionē vel conuellerē, vel utcūq; labefacta  
rem. quod tam gratum futurum, quam potest esse vtile, P. R.  
mihi persuaferam. Hoc quidem feliciter mihi contigit, vt vo  
bis Coss. hæc me proderentur: quos vt peculiari quadam  
obseruantia colo, ita mei studiosos esse, non obscuris argumen  
tis intellexi. quapropter fuit optandum, quod euenit, vt ali  
qua ratione meam cum erga vos, tum erga S. P. Q. R. volun  
tatem significarem, eiusdemq. voluntatis publicum tandem  
aliquod monumentum exstaret. Valete Romæ Idibus  
Augusti.

# I N D E X R E R V M,

*Quæ in hoc commentario continentur.*



## A.

|   |            |  |        |
|---|------------|--|--------|
| <b>A</b> ccedentium ad urbem, & recedentium paucissimi morbis capiuntur.        | 52         | caligine Romæ.   | 31     |
| Aegri Romæ vberius nutriuntur.  | 38         | Alexandri Petronij de causis morborum Romæ vernaculorum.   | 19.37. |
| Aer grauis suos statò tēpore producit morbos.                                   | 24.25      | Alexandriæ Aegypti aer innoxius, & cur, à Strabone dictus. | 27     |
| Aer inclusus aquæ stagnanti similis.  | 20         | Alimenta quæ plus alant.                                   | 40     |
| Aer Romanus varius, in constans.  | 11         | Alimēta inter se loci ratione differunt.                   | 40.39  |
| Aer Romanus, vide Romanus aer & Romanum cælum.                                  |            | Alimenta locis riguis nata leuius nutriunt.                | 11     |
| Aerē esse animam veteres putarunt.  | 5          | Alimenta Romæ nutriunt minus, qua de causa.                | 11.34  |
| Aeris grauis propriæ nō sunt Romæ ægritudines.                                  | 25         | Alimēta Romæ nutriunt debilius non aeris Romani vitio.     | 38     |
| Aeris mutatio noxia quædam ob peculiarem contrarietatem & priuatam inimicitiam. | 51         | Animam esse aerem veteres putarunt.                        | 5      |
| Aeris salubritas commēdata.   | 5.6        | Annorum, & dierum similitudo.                              | 44.    |
| Aeris varietas, siue inæqualitas non omnis damnāda.                             | 44.& inde. | Annis quibusdam mutationes insalubres.                     | 52     |
| Aestate neque veniendum ad urbem neq. recedendum putatur.                       | 50         | Annorum plurium salubritas, & insalubritas describitur.    | 21     |
| Alexandri Petronij laudata sententia de vita longa.                             | 59         | Annus salubris quis dicatur.                               | 19     |
| Alexander Petronius Francisci e Nursia opinionem amplexus est.                  | 39         | Artuum dolores non sunt Romæ vernaculi.                    | 37     |
| Alexandri Petronij observatio de  |            | Asclepiades de catalepsi.                                  | 36     |
|   |            | Athenis triticū minus alebat, quā in Beotia.               | 40     |
|   |            | Autumnus cur perniciosus.                                  | 45     |
|   |            | Autumni non est propria inæqualitas.                       | 44     |

H

Ca-



## C.

**C** Aligines Romæ sunt, sed nõ  
est peculiare eius vitium. 30  
Caloris, frigorisq. eadem die suc-  
cessio quæ naturalis, & salubris  
45. quæ insalubris. 46  
Capua melius extructa, quam ve-  
tus Roma. 14

Κατὰ λυφίς, vide comprehensio.

Cauniorum vrbs in Caria in salu-  
bris. 25

Celsus de aura magnorum flumi-  
num. 47

Cæli Romani insalubritatem vi-  
detur morbi varij significare.  
10.

Cælum Romanum destillationib.  
obnoxium. 7

Cælum Romanum humidum, cras-  
sum, densum, quomodo probe-  
tur. 11

Climata temperatissima. 17

Comprehensio Græce κατὰ λυφίς,  
non fuit morbus Romæ ver-  
naculus. 36

Comprehensio morbi genus. 36

Contagij mentio apud Liuium.  
33.

Conuallis quid. 42

## D.

**D**estillationes Romæ omnes nõ  
ab aere sed ab alijs causis.

28.

Dierum, & annorum similitudo.

44.

Domus olim Romæ pulcherrima.

14.

## E.

**E**pidemici morbi. 37

Επιδημικοί morbi. 37

Επιδημικοί, & Επιδημικοί morbi. 37

Επιδημικοί morbi. 37

## F.

**F**ama de aeris Romani insalu-  
britate. 11

Femina quædam Romæ longeuza.  
49.

Fluminum propinquitæ aeris in-  
salubritatem non inducit. 47

Franciscus e Nursia primus Ro-  
mæ vitiosam victus rationem  
animaduertit. 38

Frigoris, vide, calor.

Fruges locis quibusdam melius  
seruantur. 41

Frugum differentia vnde. 40

## G.

**G**aleni de cælo Romano opi-  
nio. 7.8

Galeni de cælo Romano locus in  
5. lib. methodi perpenditur. 8

Granaria cuiusmodi triticum ser-  
uunt. 41

Grossetum vrbs in agro Senensi  
grauis aere. 35

## H.

**H**ippocrates de frigore ex  
fluminibus. 47

Hispani cur Romæ plus comedant,  
quam in Hispania. 10

Hi-

Hispani Romæ in Hispaniam re-  
uerſi multi cur breui morian-  
tur. 39

Horrea, vide Granaria.

I.

**I**næqualitas non eſt Autumni  
propria. 44

Inæqualitas ſive varietas aeris nõ  
omnis damnanda. 44

Inconſtantia Romani aeris ſalu-  
taris. 44

Incubus non eſt Romæ vernacu-  
lus. 37

Inferiora loca inſalubrius habi-  
tantur. 29

Italiam Strabo cõmendat ob me-  
diocritatem. 27

Iter breue minus noxium quam  
longum. 52

Iter longum periculofum. 51

L.

**L**atium felix à Strabone dictũ.  
26.

Longũ quidam habiti. 48.49

M.

**M**epidi domus pulcerrima.  
14.

M. Tullius de vrbe Roma. 14.19

Maritima loca vitantur æſtate. 27

Matronarum fraude peſtem ali-  
quando Romæ ortam. 35

Medici Romæ multi. 12.53

Montium Romæ incolæ non ægro-

tant, proprio aeris Romani  
vitio. 43

Montium Romæ habitatio in ſalu-  
bris. 11

Morbi Romæ à veteribus auctori-  
bus, & recentioribus obſerua-  
ti. 9.10

Morborum, qui Romæ ſunt, cauſ-  
æ quædam. 37.53

Mortalitas dicta eſt peſtis a qui-  
buſdam. 33

Mutatio crebra in contraria non  
facile fertur. 11

Mutatio in contrarium non om-  
nis damnata. 44

Mutatio in deterius nonnũquam  
ſalubris, & contra. 51

Mutatio ſubita periculofa. 47.51

Mutationes locorũ & victus mor-  
bos pariunt. 51.

N.

**N**eapoli Vberius ægri nutri-  
untur quam Romæ. 38

P.

**P**æſtum oppidum cur inſalubre  
12.48.

Peſtilentia Romæ noſtro ſeculo  
non graſſatur. 32.36

Peſtis improprie crebra eſt Romæ  
33.34.

Peſtis proprie dicta nõ ſemper ab  
aere orta eſt Romæ. 34

Peſtis proprie, dicta Romæ non  
adeo frequens. 33

Peſtis Romæ à ſiccitate. 34

Peſtis Romæ quando frequens. 9

Peſtis vocabulum, quid proprie

H 2 ſignificet

# I N D E X.

|  |       |  |        |
|--|-------|--|--------|
| significet.  | 32.33 | Roma in Italiæ medio posita.   | 13.    |
| Piruita a satietate.   | 28    | 17.  |        |
| Plinij locus de vrbe Roma.   | 14    | Roma in medio est quinti climatis.   | 17     |
| Plutarchi locus male acceptus a Lapo.                                    | 19    | Roma non est conuallis.  | 42     |
| Pluuiæ æstiuæ non semper noxiæ.  | 20.   | Roma non minus aquilonia quam australis.   | 42     |
| Podagra non est Romæ vernacula.  |       | Roma Nouilunio ædificari cepta.  | 19     |
| 37.  |       | Roma nullo morbi proprio genere laborat.   | 24     |
| Prædicere futuros morbos difficile est.                                  | 46    | Roma nunc alia, quam Galeni seculo.  | 28     |
| Prædicere morborum genera non est difficile.                             | 46    | Roma olim male disposita.  | 14     |
| Principes viri ætate, & autumno Roma discedunt 12. cur.                  | 48    | Roma recedentes existimatur æque, atque accedentes periclitari. 30. dubium hoc esse. | 19     |
| R.   |       | Roma vere medio condita.   | 19     |
| <b>R</b> Auennæ ær grauis a Strabone dictus, ac quomodo emendetur.       | 26    | Romæ ægros alendi ratio optima.  | 38.    |
| Regio, in qua crebro & magnopere tempora mutantur ab Hippocrate damnata. | 11    | Romæ alias ægri parcissime nutriebantur.   | 38     |
| Regio quæ salubris.  | 20    | Romæ aliquando quinque annis senatorem nullum mortuum.                               | 27.    |
| Regionem, in qua quisque versatur, obseruare debet.                      | 6     | Romæ conditores veneri commendatos.  | 26     |
| Regionis rationem habendam Hippocrates docuit.                           | 6     | Romæ longitudo, & latitudo.  | 15     |
| Roma ætate & autumno cur a quibusdam deferatur.                          | 48    | Romæ nouæ pulcra, & salubris dispositio.   | 15     |
| Roma bono consilio in eo situ, in quo est ædificata.                     | 18    | Romæ pestis, quando frequens.  | 9.     |
| Roma cur Galeni tempore humida.  | 28    | Romæ præsens dispositio salubrior, quam verus.                                       | 15. 19 |
| Roma discedere atque ad eandem accedere non esse paria.                  | 52    | Romæ qui habitant, sani sunt, & speciosi, &c.  | 26     |
| Roma status omneis admittit.   | 42.   | Romæ situs opportunitas.   | 18     |
| Roma in Italia, est cordis instar in animalibus.                         | 18    | Romæ situs vetus & recens.   | 13     |
|  |       | Romæ temperies.  | 20     |
|  |       | Romæ temporum variæ constitutiones.  | 32     |
|  |       | Romæ   |        |

# I N D E X.

Romæ vberius ægri nutriuntur  
quem alibi. 10. 38  
Romæ veteris dispositio minus  
laudata. 14  
Romam salubrem esse, concludi-  
tur ex Strabonis auctoritate.  
27.  
Romani aeris inæqualitas perni-  
ciosa non est. 46  
Romani aeris notata inconstan-  
tia salutaris est 44  
Romani aeris in salubritatis apud  
veteres auctores nulla suspi-  
cio. 26  
Romanum cælum destillationibus  
obnoxium. 7. 8. cur. 9  
Romanum cælum humidum, cras-  
sum densum, quomodo probe-  
tur. 11  
Romanum cælum non est simpli-  
citer calidum, & australe. 31.  
32.  
Romanum cælum non est simpli-  
citer crassum, & densum. 30. 31  
Romanum cælum vergit ad hu-  
midum, sed non ut producat  
morbos vernaculos. 30  
Romanus aer varius non tamen  
insalubris. 46

## S.

**S**anguinis sputum non est Ro-  
mæ vernaculum. 37  
Satietas Romæ multa. 28  
Semitertiana non est Romæ ver-  
nacula. 37  
Senes an pauci Romæ sint. 48  
Senes paucos Romæ non ob verè  
esse. 50  
Senes Romæ pauci. 12

Strabo de Caunijs, 25. de Latio, 26  
de Rauenna, 26. de Alexandria,  
27. de Italia. 27  
Strabo de fluminis propinquitate  
12. 48.  
Strabo de consilio ædificatorum  
urbis, non recipitur. 18  
Strabo de Romani aeris in salu-  
britate nihil. 26  
Strabo studiosus notandi loca in-  
salubria. 26  
Stratonici dictum de Caunis 25  
Suetonij locus de vrbe. 14  
Superiora loca salubrius habitan-  
tur. 29

## T.

**T**Abes Romæ propria non est.  
37.  
Tarutij Mathematici de urbis na-  
talibus. 19  
Temperatum aliqui vocant cali-  
dum, & humilum. 41  
Temperies bona vel mala ex qui-  
bus dignoscatur Strabone au-  
ctore. 27  
Temporum variæ constitutiones  
Romæ. 32  
Theophrasti de alimentis docu-  
mentum. 40  
Tiberis exhalatio in salubris. 17.  
quomodo. 47  
Tiberis opportunitas. 18  
Trigicum Athenis miuus alebat,  
quam in Bzotia. 40

## V.

**V**Allis quid sit. 42  
Varietas siue inæqualitas ac-  
ris non omnis damnenda. 44

Va-

# I. N. D. E. X.

Varietatem aeris laudauit Hippo-  
 crates. 47  
 Varronis experimentum de aeris  
 salubritate. 30  
 Vaticanis insalubritas. 1. vt ac-  
 cipienda. 43  
 Venientium ad urbem multi mo-  
 riuntur. 13  
 Venti omnes Romæ spirant. 42  
 Vere medio Roma condita. 19  
 Vernaculi morbi a vulgaribus dif-  
 ferunt. 33. 37  
 Vernaculi morbi non omnes ab  
 aere. 37  
 Vernaculi Romæ morbi a multis  
 causis de Petronij sententia.

10. 37.  
 Vernaculi morbi omnibus annis  
 fiunt, & omnibus temporibus.  
 37.  
 Viætruii de urbis situ sententia.  
 18.  
 Vicius ratione sola multi à destil-  
 lationibus Romæ liberantur. 1  
 28.  
 Urbis Romæ situs vetus, & re-  
 cens. 13  
 Vulgares morbi non omnes ver-  
 naculi. 37  
 Vulgares morbi Romæ proprii  
 non sunt. 24

# F. I. N. I. S.







R E G E S T V M.

A B C D E F G H.

*Omnia sunt folia integra.*



R O M A E,

Ex Typographia Aloyfij Zannetti. M. D. XCIX.

---

SVPERIORVM PERMISSV.



D E  
VRBANA FEBRES  
CVRANDI  
RATIONE  
COMMENTARIVS  
APOLOGETICVS.

Auctore

MARSILIO CAGNATO



ROMAE, Apud Aloysium Zannettum. MDCI.  

---

SVPERIORVM PERMISSV.

DE

VRBAN / FEBRU

C. V. A. N. D. L.

R. A. T. I. O. N.

CO. M. M. T. A. N. T.

A. V. O. D. E. L. L. I.

A. J. O. R.

A. J. O. R. A. N. T. I. O. N.



ROMA - 1874

P E T R O  
A L D O B R A N D I N O  
C A R D I N A L I A M P L I S S .

C L E M E N T I S V I I I .  
P O N T . M A X .  
N E P O T I

*M A R S I L I V S C A G N A T V S . S . D .*



VM ad splendidissima tua munera ,  
Princeps Amplissime, Camerarij decus  
augustum accesserit, ideoq; Vrbana-  
rum præsertim rerum, & (quæ non est om-  
nium postrema) publicæ salubritatis perpetua cura fu-  
tura sit tua; propterea libellus hic, in quo de Vrbana  
febris medendi ratione differitur, vt in tuo nomine  
appareret, maxime consentaneum visum est. qua er-  
go soles humanitate studiosorum conatus amplecti,  
nouum clientis tui laborem excipere, ne recuses, oro,  
atque obsecro. Quod tibi, pro fausto & felici ex splen-  
didissima, & amplissima legatione reditu, meæ sit  
debitæ gratulationis argumentum. Vale.

Reuerendiss. Pater,

Commentarium apologeticum Marfilij medici doctiss. iussu Reuer. Paternitatis tue (cui mea semper parendi mens) sedulo, & summa cum voluptate perlegenti, nil mihi in eo obiectum est, quod ad rem medicam non pertineat, quodque tutò & Christianè legi nequeat, tamquam ex veræ Christiana mente depromptum, & id quidem diserte adeo luculenter, & appositè explicatum, vt omni ambigendi occasione abiecta, prælo committi posse, merito suo iure, dignissimum censeatur, vsui & pergratum futurum si per ora hominum increbrescat.

Reu. Pat. tue humillimus seruus,

Io. Baptista Comparottus.

---

*Imprimatur, si videbitur. R. P. M. Sacri Palatij*  
B. Gypsius pro Vicefg.

*Imprimatur*  
Fr. Angelus Baronius Venetus Mag. & Socius R. P. M. Sacri  
Palatij Ord. Præd.

D E  
VRBANA FEBRES  
CVRANDI RATIONE  
COMMENTARIVS APOLOGETICVS.

Marfilio Cagnato medico auctore.



*EMPER* aliquid *Vrbs* Roma  
parit, quod excitat admiratio-  
nem, & praenouitate, tam ad-  
uenarum, quam ciuium animos  
commouet, ingeniaque sollicitat.  
Quo ex genere vox quoque est, quam,  
& e summo quidem loco missam, nuper audiui-  
mus, Urbanos errare medicos, quia, in febribus praesertim  
tertianis, medicamentum iubent purgans potari vo-  
catum lenitiuum, siue minoratiuum, & quia hoc an-  
te venae sectionem efficiunt, & inde longum nimis  
spatium, ac tempus terunt iura exhibendo, quae vo-  
cant alterata, neglecta interim humoris vitiosi va-  
cuatione: & quia, postremo, vino agrotis interdicunt;  
Quae vox populum fere vniuersum, ac viros praesertim  
principes, & purpuratorum Senatum commo-  
uit quidem primum, & suspitione perculit non leui  
A (quippe

( quippe de communi salute agebatur ) sed ( ut saepe in Vrbe in fumum abire contingit lucem ) eadem non multo post timeri minus cepit : ac iam sua imbecillitate obsoleuisset penitus, & oblitterata esset, nisi nuper litterarum commendatione visa esset vires aliquas resumere, ac veluti respirare, ac reuiuiscere. Quod, quia non praesentibus solum, sed posteris quoque prodesse, aut obesse potest, propterea, ut antea satis videbatur obuiam itum reprehensionibus, voce & voci reddita, ita nunc res postulare visa, ut litteris aduersus litteras certamen suscipiatur : ut, quid populo salutare sit, cognosci, & statui ab ijs possit, qui in curanda hominum valetudine studium, atq; operam ponunt. Quod munus egregie praestitisse videri poterant Ioannes Cecchius, & Iosephus a Luna, praecleari, ac nobiles medici, qui, scriptis iam editis, hoc argumentum prosecuti sunt : sed quia neuter mandatas litteris reprehensiones expendit, quod illis scribentibus edita nondum essent, propterea operam non, fortasse, lusero, si illas ego ad disquisitionem reuocauero. Quem suscepi laborem non meo, ac proprio ingenio adductus, aut inuitatus otio ( quod qui me norunt testabuntur ) nihil enim à me tam alienum est, quàm otium, & contentio- nis studium : sed multis hoc à me expectantibus, qui sibi persuaserint, posse me, cum ob aetatem, & diuturnam in Vrbe commorationem, de ratione curandi ab optimis medicis seruata, testimonium dare : tum publici muneris ratione, nostram medendi methodum cum illa,

illa, quæ à vetustis auctoribus, magnis viris, tradita est, conferre, & veteres de recta medendi ratione sententias mediocriter interpretari. Sed fortasse res tam longa præfatione, & excusatione non indiget. propterea rem confestim aggredior.

Cum autem prima sit questio de purgatione, quæ vocatur minoratiua, & ante venesectionem damnatur; primum loco primo excitatam de nomine questionem examinabo, deinde de huius generis medicamenti usu, & opportunitate disputabo. Ergo aiunt minoratiuum, aut lenitiuum vocari medicamentum illud non debere, quod ante missionem sanguinis exhibetur: etenim minoratio (ita enim loquuntur) ex Galeni, & Hippocratis præceptis 2. aph. 29. & lib. de optima secta ad Thrasybulum cap. 29. 40. & 41. morbi causam respicere debet, & ob id humorem peccantem: hoc autem ipsi non intendunt (hoc de Urbis medicis dicitur) cum non nisi præcedente concoctione illam moliendam esse censent. hæcque prima est reprehensio, cuius summa est, minoratiuum dici non posse, quia nolunt eo noxium humorem minuere, quoniam minime concoctus est. huic vero altera subiungitur, quæ usum & vires eiusdem medicamenti respicit; eo nempe humorem noxium minui non posse, quia primas mensenterij venas vis eius non pertransit, ideo humores intra venas, vel in ipso hepate peccantibus educere non potest, præsertim biliosos: Sed & probatur speciatim non esse dicendum lenitiuum, cum experi-



mento constet, sæpius stante corporis dispositione humores æruginosos illo medicamento fuisse eductos. & hæc de nemine.

Non fuit  
contēden-  
dum cum  
solis Urbis  
medicis.

Hic autem primum licet mirari, hanc concitatam cum medicis Urbanis litem, tanquam ij soli hanc, quæ damnatur, medendi rationem sequantur, vel ea ab Urbis schola peculiariter manauerit. Si quidem constat, in schola Patavina, Bononiense, Papiense, Pisana, & cæteris Italiae scholis, immo & in omnibus Europa gymnasij tandem doceri, & à medicis, qui ubique sunt, usurpari, ut ex ijs, quæ mox dicenda sunt, intelligetur. Sed illud quoque mirum est, quibusdam verbis dissimulari vocem illam, minoratiuum, nempe his. Nescio sub quo nomine, aliqui enim ipsum minoratiuum appellant, aliqui lenitiuum. Ego vero plane ignoro. quo bono consilio res vulgatissima dissimuletur. Medicamenta vocata minoratiua recipiunt Germani, consule Andernacum in secundi commentarij dialogo septimo. recipiunt Galli, consule Fernellium l. b. meth. med. 3. c. 9. qui Conciliatorem imitatus, diff. 126. tibi distinguit medicamenta purgantia in valida, mediocria, & mitiora, ut intelligas postrema hæc esse, quæ ab alijs vocantur minoratiua. Sed, ne dubia sit Gallorum sententia medicorum, Rondeletius in sua methodo promiscuo usu horum vocabulorum, lenientia, minuentia, minuerene materiam, hoc ipsum indicavit, quod dissimulatur, ac tandem aliquando Rondeletius usurpauit ipsam vocem minorati-

Minorati-  
ua medica  
mæta pas-  
sim rece-  
pta.

5  
num, ut in synochi curatione licet videre. Hollerius  
leuia appellat id genus medicamenta, latinitatis (ve  
puto) studio, sed in suis ad Hollerium notis Duretus  
minoratiua vocare veritus non est. recipiunt eadem &  
Hispani, quandoquidem Vallesius ad lib. 2. acut. 9.  
& 10. medicamenta in ea distinxit, quæ proprie ex-  
purgant, & ea, quæ vocant lenientia, cuius distin-  
ctionis fecit quoque mentionem ad prima sect. aph. 22.  
sed longe vberius Ludovicus Mercatus lib. 1. de Indica-  
tione medica differis de minoratiua purgatione. Quid  
vero de Italis dicam? sed fortasse nostri seculi aucto-  
res probabuntur minus: itaque satis esto, Vetustiores  
memorasse quosdam.

Notarunt Thadæus Florentinus, Iacobus Forli-  
uiensis, & Vgo Senensis in eorum questionibus ad pri-  
me aph. 22. & secunda aph. 29. Purgationem aliam  
esse minoratiuam, aliam eradicatiuam, nec dubium,  
quin ea sit minoratiua, quam Auicenna lib. 4. Fen. 1.  
tract. 2. c. 7. appellauit lenificationem, ut mirum non  
sit, lenitiui quoque, aut lenientis medicamenti nomen  
promiscue pro minoratiuo receptum. Sed & Galenus  
origini allusit huius vocis minoratiuum ad aph. 2.  
sect. 29. inquit, quo citius coctiones fiant, melius  
esse per initia vacuare, ut minorem redditam eo modo  
materiam (ἐλαττωμένην ὑλὴν τροφίμου) facilius  
possit natura concoquere. Ergo, quia minor materia red-  
ditur, dictum est minoratiuum: quapropter vox ea  
nulla ratione dissimulari debuisse: de vocabulo leni-  
tiuum

Lenifica-  
tio apud  
Auicennā.

Minorati-  
uo quæ ma-  
teria edu-  
catur.

tiuum inferius differetur. Sed obijcitur, non posse vo-  
cari minoratiuum, quod humorem noxium non educit,  
& Vrbis medicos nolle hoc tentare, quia initio non est  
concoctus humor, qui non est, nisi concoctus sit, eua-  
cuandus. Sane Galenus ad 2. aph. 29. (cuius verba  
modo retuli) indicauit, initio vacuatione minorem ma-  
teriam eandem reddi, quæ concoquenda est, Itaque  
nonnulli, vt Senensis, ad primam aph. 22. describere, mi-  
noratiuum euacuaticnem illam esse, quæ partem ma-  
terie morbi educit, non autem totam, vel tantam, vt  
propterea morbus remoueat, quam descriptionem  
laudarunt aliqui ex posterioribus. Verum enim vero  
etsi ea potest descriptio sumi ex dicto Galeni loco, non ta-  
men inde efficitur, minoratiuum dici non debere nisi  
materie concoquendæ portio educatur: etenim cum Ga-  
lenus dicat, utile esse materiam concoquendam minue-  
re (vnde accipiunt minoratiuum vacuationem mate-  
rie noxiæ partem aliquam auferre) non propterea ne-  
gat, utile esse minuere materiam non concoquendam:  
si qua sit, quæ alias copia ladat, etsi morbum ipsa, for-  
tasse, non efficiat; Vnde accipi possit, vacuationem non esse  
minoratiuum, si materie non concoquendæ portio adi-  
matur, Ut gratia exempli, Si in tertiana, bilem con-  
coquendam initio minuere, salutare est, non idcirco  
inutile est, sanguinem non concoquendum, qui copia  
sit grauis, minuere, quam proprie minutionem aliqui  
præsertim Arabes vocant. Itaque Thadæus Florenti-  
nus ad 2. aph. 29. dixit, Vacuatione minoratiua ple-  
thoriam

thoriam auferre (quamuis minus proprie dixerit plethoriam) quo significauit, ea, quam vocat minoratiuam vacuationem, non auferre humorem, qui morbum facit, sed quemcumque, qui, quacumque de causa potest agro molestus esse, cui Galenus alludit lib. meth. ij. c. 15. cum ait, in omn febre putrida salutarem esse venæ sectionem, vt facilius, si quid concoquendum est, concoquatur. illic enim humor minuitur non concoquendus, sanguis scilicet, non vt qui morbum fecerit, sed, vt qui copia molestus sit, & noxiij humoris, à quo morbus nascitur, concoctionem, siue maturationem impediat. quo ex loco Auicenna 4. p. c. 20. hæc scripsit. Multoties præterea in febribus phlebotomia, licet necessaria non sit, efficit vt natura fortis fiat super materiam; atque ideo damnandi non sunt, qui vacuationem initio factam, vocant minoratiuam, licet morbi causa proprie non minuatur, sed illa tantum excrementa educantur, quæ sunt agro corpori vtcumq; molesta. Sed & ratio altera est penitus falsa, eo medicamenti genere humorem noxiū non posse minui: nam si febris tertiana, exempli gratia, oritur a bile flaua, quotidiana à pituita, quid prohibet, quominus mel rosaceum soluens vocatum, electarium catholicon, & quæcumque huiusmodi noxios humores in ventriculo, & intestinis, vel etiam (quod in reprehensionibus conceditur) in venis mesenterij contentos educat? immo & ex remotioribus locis, si maiore mensura offerantur; vti contra, quæ medicamenta creduntur peculi-

res humores violentius educere, ut scamonea, si parcius fumantur, vix commune intestinis contentum cibi excrementum duxerint, quamvis enim medicamenta differant inter se genere, & facultate, multum est tamen positum in mensura: Itaq. Hipp. 4. acut. 64. inquit, si murmurante ventre, excrementa quoque fuerint biliosa, scammonio modice purgato, innoxia purgetur, sed & minus quam modice hoc posse fieri credimus experimentis: sed dicto medicamento genere, idonea oblato mensura, tum biliosa, tum pituitosa educi. itaque & materiam noxiam euacuari, experimentis item compertum est, & ab auctoribus probatum: exempli gratia audi Mesuen, Casia fistula clementer & innoxie bilem & pituitam purgat leniendo, Tamarindi bilem purgant. Manna bilem clementer purgat. Epithymum atram bilem, Thymus pituitam crassam: ergo id genus medicamento noxios humores educit, nec potest hoc impediri, licet hoc ipsum medicus nolit, nam additum est in reprehensionibus ( nolle medicos humorem crudum euacuare ) namque si potest sirupus rosaceus bilem siue crudam siue coctam ducere, ducet vel inuito, si ager sumpserit, medico: Itaq. negari nequit, noxios humores ab hoc genere medicamento educi. quod etiam confirmatur eo, quod in eisdem reprehensionibus subiungitur, his medicamentis saepe humores æruginosos educi, & ideo lenitiua dici non debere: sed æruginosi humores biliosi sunt, & molesti, & ideo vacuandi, cumque vacuentur eodem medicamento

dicamenti genere, certe constat materiam noxiam, eodem genere vacuari, & minui posse: Sed & præterea in hac reprehensione male acceptum est lenitiui vocabulum, non enim ideo vocatur lenitiuum, quia noxios humores non educit, sed quia blande ac leniter, & citra violentiam (si cum altero genere comparetur) hoc præstat: Itaque Mesues dicebat in primi libri theoremate primo, pruna, myxa, cassiam fistulam, & similia leniendo expurgare: quamquam lenientis, siue lenitiui vocabulum vulgo pro eodem accipitur, quod minoratiuum appellatur: atque licet Mes. leniens accipiat pro genere quodam medicamenti, quod secernitur ab alijs generibus, quæ purgare dicuntur, alia soluendo, alia comprimendo, alia lubricando, tamen quia lenientia dicta sunt, quoniam leniter purgant, blandeque & sine labore receptum est, ut, translata voce, omne genus, quod minoratiuum quoque dicitur, lenitiuum appelletur, quod consilium medici videtur esse blande, leniterque purgare, etsi non leniendo ut cassia, sed purget comprimendo ut myrobalani, vel lubricando, ut psyllium; promiscue igitur minoratiua & lenitiua vocantur: Itaque & Auicenna genus hoc purgationis (ut ante dixi) lenificationem appellauit. Quod vero in eadem reprehensionis parte de humorum cruditate & concoctione dictum est, illud posterius expendendum est. Atque his factum satis videri potest questioni, quæ erat de nomine excitata, & demonstratum, iure merito mendicamenta quedam vocari

Lenitiuū  
cur diu.

minoratiua, posseque humores noxios ab eisdem educi. Omitto interim, quod alibi exposui, medicamenta omnia, quantum ars medica requirit, minuenda tantummodo esse, nullum, quod radicitus humores noxios educat. Iam de eiusdem medicamenti opportunitate differendum est. Cum ergo medici accusantur, quod in febribus præsertim tertianis ante venæ sectionem medicamentis vtuntur, dubitari primum potest, Vtrum initijs morborum purgatio salutaris sit, de qua re non videtur differendum, quoniam in reprehensionibus omnino laudatur purgatio initio facta, quæ sententia Hippocratis est loco vulgatissimo 2. aph. 29. Itaque dubitatur insuper, vtrum ea debeat purgatio venæ sectionem præcedere, & de hoc in præsentia sumus disputaturi.

Vtrū ante  
venæ se-  
ctionē pur-  
gatio sit  
opportuna

Duo vero sunt rerum capita seorsim consideranda; nam primo de toto febrium genere ea dicuntur, Veræ artis, ac methodi ratio postulat, vt ab vniuersalibus ad minus vniuersalia sit procedendum. Cum ergo vtraque multitudo in febribus putredinis causa est, & omnium humorum, quæ plethoria appellatur, & vnius, quæ cacoehymia, propter dictam regulam, in euacuationibus hic ordo seruari debet, vt prius plethoria, quam cacoehymia euacuetur, illa autem per sanguinis missionem fit; Cum vero hæc ita prodita sint, hoc loco prima posset facti quæstio moueri, expendendumque, vere ne dictum sit, plerisque medicos, qui præsertim in Vrbe medicinam faciunt, eam serua-



re rationem, quæ damnatur; ac quid ego facere con-  
 fugerim, alijs dicendum relinquo, quid plerique alij  
 præsent, non ausim affirmare; quamuis, nec sim iuue-  
 nis, nec ociosus, & sæpe socios medendo habuerim, qui  
 de me, vt de illis ego, testimonium dare possunt. Sed  
 non suscepi rem hanc testibus agendam, perpendimus  
 rationes. Itaque cum alia sit ratio febriuni intermit-  
 tentium, & alia continuarum, ac præsertim quæ acu-  
 torum genere continentur; ausim profiteri, multos qui-  
 dem aberrare, cum in acutis morbis initio, siue ante,  
 siue post venæ sectionem, medicamenta præbent, etsi le-  
 nientia, ad purgandum: hoc enim alienum est maxime  
 à veterum auctorum documentis: nam cum Hippocr. 2.  
 Aph. 29. vniuersæ dixerit, initio morbi, si videatur,  
 mouendum esse, quod pertinet promiscue, (Galeno in-  
 terprete) ad venæ sectionem & purgationem; ab eo  
 præcepto non exemit quidem morbos acutos, namque in  
 ijs quoque initio purgandum est; immo in valde acu-  
 tis, si turget, eadem die, nec differendum statuit, 4.  
 aph. sed rarum purgationis usum debere esse in acutis  
 admonuit. 1. aph. 24. quoniam huius generis morbi re-  
 medium est peculiare sanguinis missio 4. Acut. 19. in  
 quam sententiam Galenus disertissime loquutus est ad  
 2. acut. ij. inquit, Vbi igitur non solum acutus  
 morbus fuerit, & cuiusmodi est pleuritis; verum &  
 cum febre vehementissima multo magis vitanda est  
 purgantis medicamenti administratio, atque per se-  
 ctionem venæ vacuandum magis, etiam si ad hypo-  
 condrium

In acutis  
 purgatio  
 damnata.

condrium dolor pertingat, nempe etsi minus quidem auxilium, quam per purgationem, securius tamen multo existet, immo nullum ex eo, quod per venæ sectionem fit, periculum impendet, eo discrimen maximum subeunte, quod per purgationem tentatur. *hæc Galenus, quæ maxime conveniunt cum dictis ab Hippocrate ad docendum, quantum periculi sit in usu purgationum in acutis præsertim morbis: cum tamen medici multi, non sæpe solum, sed semper, & in omni morbo, licet acuto, medicamentis purgantibus utantur, siue clementer, siue violenter noxios humores educant. sed quod in hac parte peccatum est, non est proprium Urbis, sed est orbi vniuerso commune. audi Vallesium ad 1. sect. aph. 24. de eare differentem, Mihi tamen, inquit, longe aliam sententiam videtur Hippocrates modo ferre, eamque, quantum ego censeo, verissimam, & cuius ignorantia gravissime peccant hoc tempore medici. Nimirum in morbis acutis raro esse utendum medicamentis expurgantibus; quia talium medicamentorum usus febribus perpetuis & magnis est aduersissimus. hæc Vallesius. Ergo in acutis morbis suspecta purgatio est, est tamen interdum in eisdem necessaria: sed scire est, cum in acutis purgare licet, purgationem ex Galeni sententia præire, & sanguinis missionem sequi: nam scriptum est 4. aph. 10. medicare in valde acutis eadem die, si turget: itaque si turget, initio, & antequam sit missus sanguis, purgatio præbit sanguinis missio.*

missionem: cumq; purgationem in acutis initio Gale-  
 nus opportunam ex eo præsertim statuat, quod turget,  
 cumque raro turgeat, raro erit locus purgationi: sed  
 cum erit, purgandum prius erit, quam sanguis mit-  
 tendus, quia turget: nam, quando turget, confestim  
 purgandum, Hippocrates docet. Est tamen in hac re  
 difficultas aliqua ob vocabulum, turget, sed hanc ali-  
 bi examinabam. Saltem habemus, recepta Galeni in-  
 terpretatione dicti Aph. 24. sect. 1. purgandum in acutis  
 prius, quam sanguinem mittendum. Si vero agatur  
 de intermittentibus, ac præsertim de tertianis, qua-  
 rum alie dictæ sunt exquisitæ, alie nothæ, Vnde hæ-  
 betur, in tertiana exquisita sanguinem mitti prius  
 oportere? num ab auctoribus? Atqui Galenus in eius-  
 modi tertiane curatione describenda, sanguinis nus-  
 quam meminit, soletque dubitari, an conveniat, in  
 hoc febris genere sanguinem mittere. Num igitur ab  
 experimentis? ac scimus, infinitos ex tertiana exquisi-  
 ta liberatos, omissa penitus sanguinis missione, & alios  
 multos eadem purgationi postposita, ve illos præteream,  
 qui neutro auxilio adhibito sanati sunt. Sorderent for-  
 tasse nostræ observationes, consulat studiosus lector  
 Petri Foresti observationes de febribus lib. 3. obseru. 5.  
 7. & 15. ubi narrat aliquos hac febre liberatos absq.  
 ulla venæ sectione, & in reliquis de febre huiusmodi  
 observationibus narrat quidem sanguinem missum, sed  
 sumpto prius purgante aliquo medicamento. Vnã in  
 obseruat. 12. narrat, huiusmodi febrem, in qua san-  
 guinem

In tertia-  
 na exquisi-  
 ta sangui-  
 nis  
 nō semper  
 mittendus.

Tertiana  
nocha.

Quartana.

Plethoria  
non est in  
omni pu-  
trida febre

guinem mitti prius curauit, postea vero purgans medicamentum offerri. cum tamen omnes liberatos affirmet. De tertiana vero notha Galenus lib. 1. ad Glauconem inquit, Si oportuerit, sanguinem ab initio statim mittes; ergo cum dicat, si oportuerit; demonstrat, non esse vena sectionem in eo morbi genere semper necessariam. Si dicat aliquis, Galenum in Quartana sanguinem mittere, & ideo querat; cur non & in tertiana notha mittendus sit, is animaduertat, ab eodem dictum, si sanguinis abundat, si crassus, & niger est, quo significauit non semper faciendum, neque per se indicari à quartana sanguinis missionem, quod de tertiana pariter dicendum est. At saluberrimum est in omni febre putrida sanguinem mittere (ita enim ex Galeni lib. xi. meth. c. xv. vociferantur) fateor, sed duo sunt notanda, alterum, etsi quid est salubre non tamen semper necessarium: alterum finis, cuius gratia Galenus ait saluberrimum, ait scilicet, ut natura exonerata ab eo, à quo tanquam à sarcina premitur, facilius concoquat, & expellat: hoc est, si sanguinis adsit copia, quæ natura officia impediat. Sed potest non adesse, ergo non semper sanguis mittendus, atq; si quis persuasit sibi, in omni putrida febre promiscue, & absq. ullo discrimine adesse vocatam plethoriam cum cacochymia, sane is à scopo longissime aberrat: ita enim liceret concludere, febris adest putrida ergo & plethoria, quod tamen non licet, nisi plethoria signa appareant; quæ Galenus enumerat libro præsertim de plenitudine, que

que non in omnibus reperiuntur: atque adeo, ubicumque plenitudo ea non adsuerit, non erit utile, non erit saluberrimum sanguinē mittere; si præsertim plethorice nomine mittendus sit: Ergo non semper expedit in putridis febribus sanguinem mittere; Sic idem Forestus lib. eiusdem. obseru. 16 inserit historiam mulieris, cui non est in tertiana notha sanguis missus, à quo præstidio abstinuit quoque in eo, de quo obseru. 18. ut abstinuit in quotidianis etiam, de quibus agit in obseru. lib. eiusdem. 20. 21. 22. 23. 25. 26. 27. qui etiam in hac postrema obseru. inquit, Venæ sectionem hic non adhibuimus, cum in hac febre minus conueniat. Sed abstinuit quoque in quartana, de qua in obseru. 37. 38. 40. & 42. cum in alijs quibusdam quartanis sanguinem missum affirmet, licet prægressa purgatione, ut de Tertianâ ante dixi. Sed quia nonnumquam in diutis febribus expedit sanguinem mittere, & ij damnantur medici, qui prius adhibent purgationem, quam venæ sectionem, hoc iam speciatim consideremus. Ac sane Hippocrates 4. acut. 20. in varijs, quas ibi memorat, affectionibus, docet prius mittendum esse sanguinem, postea dandum medicamentum, quo ex loco posteriores cuncti rei medicæ cultores accepere, tãquam vniuersale documentum, sanguinem prius esse mittendum, quam purgantia medicamenta offerenda, quod & Galenus indicasse videtur lib. 1. ad Glauconem scribens de tertiana notha, in cuius initio docuit, sanguinem confestim mittendum esse, hoc est ante purgationem

Veux sectione. ante purgationem in febribus non acutis.

nem, quibus similia dixit lib. ij. methodi c. 14. & 15. sed ad 6. Epid. sect. 1. t. 6. hæc inquit, quod si utroque auxilio homo indigeat, à venæ sectione incipiendū esse, patet. hicque idcirco esse ordo seruandus dicebatur, quod ab vniuersalibus ad particularia procedendum est, arguta sane ratione, tanquam functio, quæ singularium est, doctrina, quæ vniuersalium, par existat, & indicium eorum, quæ agenda sunt, petendum sit à præceptis, non autem à morbis. Esto, careatque difficultate (cum fortasse non careat, sed non sunt omnes questionēs huc transferendæ) sanguinis missione omnis ex æquo humores euacuari, tamen non est sanguis mittendus prius, quia communius sit hoc facere, quam priuatim bilem, vel pituitam ducere: sed quia res exigit, aut non, faciendum hoc, vel illud est, si videlicet adsit copia sanguinis noxia, vel suspecta, sanguis est mittendus, si nō adsit, nō est mittendus, sed solum id, quod nocet, educendū, quod Hippocrati p. aph. 2. docuisse, Galenus est auctor, cuius interpretationē reliqui interpretes probarūt, et receperūt: ac sane docet ipsa natura, quæ molesta sunt, illa excuti debere. itaque non ab vniuersalibus ordiendā est medicina, sed à noxijs, & molestis. si interim sit, quod toti corpori noceat, illud sane auferendum prius, quam partis alicuius affectum proprijs auxilijs. demolendum aggrediaris. Sed hoc non est, de quo agitur, & aliud est vniuersale in corpore, de quo modo dicebam, aliud in remedijs, de quo differitur: & illud quod dicitur vniuersale in corpore, potest

potest esse morbus non ex sanguine, sed ex bile, aut pituita, citra sanguinis abundantiam, itaque purganda bilis erit, vel pituita, & erit vniuersalis (vt ita dicam) euacuatio, quia aufert id, quod uniuerso corpori noxium est, et si sanguis non est: sic Mesues in curatione doloris capitis vocabat purgationem vniuersalem, non ratione materiae, sed ratione corporis, quod vel vniuersum, vel eius pars aliqua purganda sit: quae visa quoque est interpretatio Gentilis ad 4. p. Auicennae cap. 4. cum inquit, euacuatio vniuersalis est duplex, quae euacuat à toto, vel à pluribus partibus, & de ista loquitur Mesues, non autem de euacuatione per flebotomiam. voluit dicere, alteram vacuationem dici vniuersalem ratione materiae, tanquam sanguis vniuersalis, bilis, pituita sit particularis, & de hac Mesuen non esse locutum. Cur autem sanguinis missio proponenda sit, melioribus (puto) rationibus declaratum est à Francisco Vallesio lib. 2. meth. c. 3. nam cum adest redundantia simul, & vitium, sapius sanguine missio vtrumque scopum attingimus, quam sola purgatione; nam per sanguinis missionem extrahitur simul vitiosum cum sanguine, per expurgationem autem non extrahitur sanguis cum vitioso. & melius preparat sanguinis missio ad expurgationem, quam expurgatio ad sanguinis missionem: haec enim laxat vias, quo maxime corpus expurgandum indiget: illa debilitat vires, quo nihil ad mittendum sanguinem periculosius. Hec valde probabiliter



Nō est per  
petuū, san-  
guinem  
prius mit-  
tendum,  
quem pur-  
gandum.

*Vallesius* differēbat, quibus consentanea scripserat lib.  
7. controuers. c. 9. quæ tamen non persuadent, hoc per-  
petuum esse: namque idem loco eodem *Vallesius* causā  
attulit, quā obrem interdum contrarius ordo ser-  
uandus sit: Nisi, inquit, contigerit expurgatione con-  
citari ardorem nouum in visceribus, tunc enim ni-  
hil consultius, quam ab expurgatione sanguinem  
mittere. quamquam, hoc medentium errore continge-  
re, opinatus est, purgans medicamentum ante sangui-  
nis missionem offerentium: Sic enim nouum ardorem  
excitant, augent scilicet febres. Verum enim vero po-  
test hoc bono quoque consilio fieri: nam si biliosus, aut  
pituitosus aliquis sit, in hoc *Auicenna* 4. p. c. 4. c. cap.  
20. timuit sanguinis missionem ante purgationem: cuius  
timoris rationem illis attulit verbis cap. 20. Et  
summopere tibi caue, ne agrum ad vnā duarum  
perducas rerum, scilicet humorum cholicorum  
ebullitionem, & frigidorum cruditatem. ergo potest  
in acri corpore feruor aliquis incrementum, si sanguinis  
missio prauenterit purgationem: voluitque biliosos hu-  
mores ante venæ sectionem educi. eoque docuit, non  
semper, aut solum ardores oriri ob prægressam purga-  
tionem, sed etiam ob prægressam venæ sectionem. sed  
hec fere obiter hoc loco. Satis vero ex dictis diluta vi-  
deri potest, ratio, quæ nonnullis persuasum est, purga-  
tionem oportere semper à sanguine missione præueniri.

Sed neque sunt efficaciora, quæ dicta sunt ad repre-  
bendum vulgatam illorum rationem, qui idcirco  
prius

prius aluum medicamento lenire aiunt oportere, quam  
 sanguinem mittere, quoniam vetustissimum documen-  
 tum est præsertim Galeni lib. 9. meth. c. 5. & lib. 11.  
 item Meth. c. 14. cuius Celsus etiam meminit lib. 2. c.  
 10. crudo non esse sanguinem mittendum. quod egregie  
 sane dictum est. Sed arguuntur, quoniam creditum  
 est, hoc ab illis acceptum de cruditate humorum, cum  
 Galenus de cibis crudis verba fecerit. atqui ego,  
 de ciborum cruditate, hoc ab illis omnino dictum,  
 puto, nec crediderim. Galeni studiosum aliquem  
 aliter sentire: nam si iidem negant, humores licere  
 crudos expurgare, quomodo vtuntur ante venæ sectio-  
 nem medicamento ad cruditatem demouendam, ne eius  
 modi cruditas venæ sectionis beneficium impediât? sa-  
 ne de ea, quæ tunc auferri potest, eos loqui, consenta-  
 neum est: ea vero ciborum cruditas est, & communium  
 excrementorum congeries, quam auferre necesse est,  
 quod in acutis quam commodissime præstatur clystere  
 infusus, in diuturnis vero, & alias non acutis, licet  
 non diuturnis (sunt enim aliqui breues non acuti) cu-  
 mulatius præstatur medicamento citra violentiam pur-  
 gante. immo (quando huc venimus) ex Galeui sen-  
 tentia in hoc morborum genere, ante quam vena inci-  
 datur, vtendum est purgante medicamento; saltem blan-  
 do & facili (quamuis initio violentis quoque, si res pe-  
 sularret, vti expediret: neque hoc pugnaret cum vete-  
 rum sententijs: de qua re disputatum est ad p. sect.  
 aph. 22.) namque in ea questione, utrum curatio a

Crudo san-  
 guis mit-  
 tendus non  
 est.

Venz se-  
ctio fortius  
purgatio-  
ne prae-  
dium.

Venz se-  
ctio ante  
purgatio-  
nem.

debilioribus, an à fortioribus praesidijs inchoanda sit, concluditur, à fortioribus inchoandum in acutis, & valde periculosis morbis, in quibus affert mora periculum, ubi vero leuior morbus est, & in eo mora periculosa non est, tentandum prius curationem lenioribus: est autem vena sectio Galeno fortius purgatione praesidium (quamuis quod ad utendi modum attinet, securius) quod eo probatur, quoniam ipse, ubi vena sectio non adhibetur, quia vel aetas, vel vires, (ne timorem dicam quorundam) eam non ferunt, adhibet vicariam purgationem lib. 4. de san. tu. c. 4. non autem sanguinem mittit loco purgationis: ac licet in purgatione molestia maior percipiatur, gravius tamen negotium faceffit missio sanguinis, qua natura thesaurus profunditur. Ergo ante vena sectionem purgantis medicamenti, eiusque lenientis usus non est simpliciter, & absque discrimine damnandus. Quod vero Hippocrates lib. 4. acut. 20. docuerit, in quibusdam morbis praemittendam esse vena sectionem purgationi: hoc nos libentissime, tanquam saluberrimum praeceptum, recipimus: Sed est illud eo loco praeceptum particulare, ut patet ex Galeni interpretatione dicentis illic catalogum exponi morborum, Qui prius sanguinis missionem, deinde ab ea purgari postulant: quamobrem intelligere est, morbos quoque esse alios, qui vel sanguinis missionem non requirant, vel non ante purgationem. Est quoque illud particulare documentum, quod habetur lib. 6. Epidem. 1. 6. nam de renum doloris curatione, agebatur, ubi li-

cet mirari, priore loco factam purgationis mentionem,  
 eique succedere mentionem sanguinis missionis; Iuue-  
 nes, inquit, veratro purgare, poplitem incidere;  
 tamen Galenum ad eundem locum enuntiasse illud tan-  
 quam vniuersale præceptum, vbi vtroque auxilio ho-  
 mo indigeat, à venæ sectione incipiendum esse;  
 quod etiam tanquam commune documentum aliqui re-  
 ceperunt. cui tamen non omnes acquiescunt; & distin-  
 ctione opus esse arbitrantur: hocque illa docent, quæ  
 ante dicta sunt, innumeris experimentis compertum ef-  
 se, purgationem salubriter præmissam venæ sectioni,  
 quod ante indicatū est ex Foresti observationibus: item  
 in acutis purgandum prius, si turget; docent quoque  
 superius repetita ex Vallesio & Auicenna: nec quia  
 Galenus in præteritis febribus infinite dixerit, statim  
 initio sanguinem mittendum, idcirco pugnat cum his,  
 quæ modo exposui: nam probamus & nos maxime do-  
 cumentum illud, sanguinem mittendum prius, quam  
 purgandum, sed ijs exceptis, quæ narrata sunt. quod-  
 que Galenus inquit, vbi vtroque auxilio homo indi-  
 geat, à venæ sectione incipiendum, intelligitur, posita  
 indicationum paritate, ac si dixisset, vbi æque vtroque  
 indigeat: quæ fuit Auicennæ sententia 4. p. cap. 4. cum  
 inquit, Et ad summam, si humores fuerint æquales,  
 præmitte minutionem. Ac si maius periculum  
 vtrumque imminet ex sanguine, nemo dubitabit,  
 quin à sanguinis imminutione inchoandum sit, quod si  
 maior vis ad ledendum sit in alijs humoribus, consen-

taneum

raneum est rationi, nec alienum est ab experimentis,  
 nec ab auctoribus, incipere à purgatione; sic enim loco  
 eodem inquit Avicenna, quod si æquales non fuerint,  
 in primis super abundantem euacua humorem, do-  
 nec æquatur, postea minue, quamquam Galenus vi-  
 deatur veritus hoc dicere, nam lib. 4. de san. tuenda c.  
 4. in curando affectu pleuroso, si cum sanguinis copia  
 crudi quoque succi fuissent, sanguinem prius mittere,  
 deinde docet, aluum deiciendam, quod si solus vitio-  
 sus adfuisset succus, dumtaxat opus esse purgatione, Er-  
 rursus si sanguis exiguus sit, succum vero crudum plu-  
 rimus, monet, à sanguinis detractione abstinendum.  
 Si verò sanguis copiosus, & succus crudus exiguus,  
 prius item venam incidendam, deinde aluum deicien-  
 dam, his ergo locis aut solam proponit alui deiectionem,  
 aut post sanguinis detractionem, non ante, quamvis co-  
 pia succorum adsit crudorum. quapropter illud est à  
 Galeni sententia maxime alienum, quod aiunt, si aque  
 utraque necessitas erget, prius expurgandum esse:  
 hoc enim recta est contrarium ijs, quæ Galenus docuit.  
 Pone, inquit, in eodem cap. 4. lib. 4. de san. tu. homi-  
 nem ex mala victus ratione lassitudine affectum,  
 deinde ex ijs, quas retulimus, notis, in venoso va-  
 sorum genere apparere subesse illi copiam semicru-  
 dorum succorum, in reliquo vero corpore multitu-  
 dinem horum sanctorum, quos lassitudo se-  
 cuta est, auctus præterea quodammodo & sanguis  
 cito, detrahare primo de sanguine oportet, deinde  
 succum

succum illum educere, qui superare videtur. his ver-  
 bis describitur par copia sanguinis & aliorum humo-  
 rum, nisi etiam maiorem indicauerit aliorum copiam;  
 quos tunc in venis; tum in corpore vniuerso ponit abun-  
 dare, de sanguine vero; tantum; inquit, auctius quo-  
 dammodo esto; nec tamen prius purgandum voluit; sed  
 primo de sanguine detrahendum. quod & indicauit ip-  
 se Galenus lib. epid. 6. sect. 1. t. 6. qui praterea in omni  
 febre, tam putrida, quam continens; sanguinis missio-  
 nem extulit, purgationem vero longe minus aestima-  
 uit: quod facile intelliget; qui ea, quae de curandis  
 febribus ab eodem tradita sunt libro methodi nono, &  
 undecimo, libro primo ad Glauconem, & libro Artis  
 medicae diligenter perleget, & expendet. Nec dicen-  
 dum est; illum veritum esse medicamenta, violentem  
 soluentia, nam quae benigne expurgant; non fuisse Ga-  
 leno ignota, ut posterius demonstrabitur. Nec mouet  
 nos illa ratio, quae nec Galenum mouit; & si multa  
 persuasit si prima regio scateat excrementis, futurum;  
 ut, praemissa venae sectione purgationi, regionis illius  
 excrementa in venas trahantur; sedumque sangui-  
 nem reddant; non timuit hoc Galenus licet vniuer-  
 sum corpus, & ipse vena, nedum sola prima regio,  
 succis abundaret crudis; ut ante diximus solum in las-  
 situdine, cum qua sanguis bonus exiguus est; crudi ve-  
 ro succi plurimi sunt; de qua differit lib. 4. de san. tu.  
 cap. 5. Sed ita timuit, ut perinde alui deiectionem,  
 atque sanguinis missionem damnauerit; & prohibue-  
 rit

Benigna  
 medicamē  
 ta Galeno  
 notha.

rit inquit. Si in lasso corpore sanguis exiguus sit, crudi humores plurimi, huic nec sanguis mittendus, nec alui deiection, aut exercitatio, aut omnino motus, aut balneum adhibendum; quippe incisa vena bonum sanguinem emittit, malum qui in primis maxime venis, circa iecur, & quod mesenterium vocant, colligitur, in totum attrahit corpus. deiection vero in talibus tormina, & rosiones facit, animique deliquia, cum eo quoque quod nec notatu quippiam dignum educit, quando crudi omnes succi pigri, atque ad motum inepti propter crassitiam, frigiditatemque sunt; & quamvis in his postremis verbis succos memoret frigidus ob peculiarem rationem enarratam; quia sunt ad motum inepti, tamen paulo superius in cap. 4. promiscue memoravit crudos & mordaces, à quibus oriri & tormina solent. & rosores, & animi deliquia, quæ Galenus timebat ab alui deiectione in casu proposito. & hæc dicuntur ubi succi pravi abundant, & sanguis exiguus est. Vbi vero par necessitas sit, (de qua re nunc differitur) timorem huiusmodi neglexit, & sanguinem prius mittendum statuit. Aliam attulit Auicenna rationem in dicto capite quarto, periculum esse, ne crassi succi, frigidique abundantes, præmissa vena sectione purgationi, euaderent crassiores, sed ei periculoso facile obuiam iri potest, modo sanguinis missioni adhibito; neque enim semper tam profuse mittendus sanguis est, ut animi defectus inducatur, quo in contrarium statum corpus agitur



agitur, & celerrime refrigeratur, vt Galenus nota-  
uit lib. methodi nono cap. 4. Idem vero cum de febribus  
differeret, consilium habuit omnino à recentiorum sen-  
tentia diuersum, quo adductus quam celerrime, omis-  
sa penitus purgationis ratione, sanguinem mittere pro-  
perabat: timebat enim, ne mora sanguis putredinem  
conciperet: itaque ad egrum nocte vocatus intempesta,  
vt narrauit lib. 9. meth. c. 4. confestim sanguinem mi-  
sit, quod ei optimum factu visum est, antequam, in-  
quit, putredo inciperet, quod longe magis est facien-  
dum, vbi iam putredinem adesse constat: ne plus iusto  
augeatur, vnde grauius periculum immineat, quam  
ex humoris crudi raptu intra venas: quem tamen non  
timebat, vbi par esset sanguinis & humorum copia  
crudorum, sed tantum, vbi sanguis exiguus esset. at-  
tendebat tamen Galenus ciborum quoque cruditati in  
febribus, sed non vt medicamento ad purgandum vte-  
retur, sed solum vt tamdiu vena sectionem differret,  
quantum, inquit, satisfacere tum ad eorum conco-  
ctionem, tum vt excrementa descendant, videretur.  
Sed nec Auitenna ausus est, alui deiectionem per medica-  
mentum proponere, sed vomitum laudauit, & clysterem,  
ita enim 4. p. c. 20. inquit, à minutione praterea ca-  
uere debes super cibi repletionem, ne materiam non  
maturam trahas loco eius, quod ab eo euacuasti, &  
oportet etiam, vt tibi caueas ab eo in repletionem sto-  
machi, & intestinorum facta ex fece iam consecuta,  
& propinqua. immo in eam vacuando stude; & il-

Galenus cō-  
siliū de  
purgatione  
in febribus

Galenus  
curhabere  
rationē cru-  
ditatis ci-  
borum san-  
guine mis-  
surus.

Mouere &  
non eua-  
cuare utrū  
pernicio-  
sum.

lud quidem, quod est in stomacho, aut coram eo, vomitu, & quod in intestinis inferioribus, quo poteris, & si non alio saltem clystere; *Sed non semper adest ea cruditas: atque cum adest, si breui inedia tolli potest, vanum est existimare, purgationem venæ sectioni pramittere, semper oportere. Verum enimvero, saepe quoque locum esse purgationi ante venæ sectionem, superius dictum est satis, quam purgationem moderatam esse debere, Hippocrates & Galenus perspicue docuerunt. Sed clamant ex Galeni sententia ad lib. 2. acut. ij. perniciosum esse mouere, & non sufficienter vacuare, medicamento autem, de quo differitur, ante venæ sectionem oblato, commotionem fieri potius, quam euacuationem, & inde in febribus exanthemata apparere, ex humorum, putridorum commotione, tertianas febres duplicati, ad tertium & quartum mensem protrahi. hec ita iactantur. Sed quod extat testimonium, damnato in propositis reprehensionibus vsu lenientis medicamenti, saepe orta exanthemata? duplicatas febres, & in longum tempus protrahatas? quam facile hoc dictum est, tam potest neganti credi. Et nos in hac luce viuimus, & saepe obseruauimus febres diurnas, geminatas tertianas, orta exanthemata, & quod grauius est incommodum pretermissum; multos defunctos. Sed morborum exortum, quo argumento potius imputandum medicamento, quam huius vniuersitatis, & hominum præsertim natura? scilicet obseruatum est, ab Hippocrate,*

ac litteris traditum, in pluuiarum multitudine fieri longas febres: vnde igitur accipitur, fieri medici culpa, quod Hippocrates constitutioni temporis tribuendum docuit? Solent in quibusdam annorum constitutionibus vagari febres letales, cum exanthematibus, cur vitio medentibus vertitur, quod temporum prauitas secum affert? Quartana morbus est longus, & fieri solet aestate, & autumno, ergo si cui quartana accesserit, medicus accusandus, qui die secundo, hoc est post primum febris accessum, medicamentum dederit, non damnabitur aeger, qui volens, aut nolens, commissis quibusdam in id morbi genus, quod ab huiusmodi quadam causa necessario, & in illa anni parte oriri solet, inciderit? num etiam statuunt, debere pharmacis initio morbos extinguere, illorumque progressum omnino cohiberi, & intercipi? mens ea profecto Galeno minime fuit, qui morbos docuit salubreis quatuor necessario temporibus distinguere, initio, cremento, vigore, decessu, nec propterea inutilis est medicina, quae vel est maxime necessaria, vt alibi demonstratum est. hoc enim loco de his obiter. Sed cum agitur de tertiana febre nominatim, voluissim distinguere inter notham, & legitimam, siue exquisitam: nam febrem tertianam exquisitam crebro degenerasse in febrem letalem, non est facile demonstrare, aut persuadere: dixi autem crebro, nam, interdum hoc, & raro fieri non negauerim, quamuis nullam huiusmodi febrem in suis observationibus Forestus narrauerit. at deberet, hoc

crebro contingere, si medicorum culpa contingit, cum id crebro committant crimen, quo accusantur. Si vero non sit exquisita, non est mirum: neque medici vitio semper fieri, dicendum est, si degenerat in letalem morbum, aut in longum tempus producit. Sed testari valemus, in curanda tertiana sine ullo incommodo alijs seclam venam prius, quam oblatum medicamentum, alijs oblatum prius medicamentum, alijs alterum tantum, alijs neutrum adhibitum, vnamque victus rationem praescriptam, omneis tamen pari conualuisse felicitate. cumque Hippocrates narrat, Epicratis uxori febrem perductam ad diem octogesimum, & Cleonae Etidi Parionis filio ad centesimum vigesimum, quo etiam obiit & huiusmodi (multos enim egros memorat, quorum alij post totidem dies sanati sunt, alij interiire) item cum alios quarto, vel sexto, vel septimo defunctos scribit, statuemus illa euenisse Hippocratis errore, an causarum, à quibus morbi vel oriuntur, vel augentur, vitio? Sed quid haec ad Urbis potius, quam vniuersi orbis medicos attinebant? Febres ubique annis venientibus oriuntur pravae, & maligne vocatae, & exanthemata, de quibus copiose scriptum est ab Hispanis medicis, à Gallis, à Germanis, ne Italicas scholas, praeter Romanam, commemorem. Atque non negauerim, bonum quoque Homerum interdum dormire, quando & Hippocrates deceptum se à futuris fassus est, & proprijs litterarum monumentis commendauit: ita si quis persuadeat sibi, egros mori medi-

medicorum erroribus potius, quam morborum violentia; is sane artis medica vires, ac limites nescit, & vim huius vniuersitatis reatricem ignorat, moriendum aut senio; aut morbo; aut violentia quacumque: nec sanari aegri omnes valent, licet vel rectissime curentur. Memor illorum es, quae Aristoteles initio libri Rhetoricorum primi dicebat, cum artem dicendi similem esse medicinae accipiebat, ut, quid interesset finem inter, & officium oratoris, doceret. quantumuis enim egregiam medicus operam nauet ad sanandum phtisim; quod illius officium est; & in eius potestate positum est; hoc tamen assequi non potest, qui finis est, quem assequi non est in eius potestate positum. Non est in medico semper releuetur ut ager. Narratas vidi duas amplissimorum virorum historias, qui laudata methodo sanati sunt; quasi millia Romani medici narrare nequeant item methodo sanatos sua. ne contra dicamus, non deesse exempla virorum, & quidem illustrium, quos laudata in reprehensionibus methodo curatos, quidem, sed defunctos nouimus. Sed quae ista est quæso tam salutaris methodus? Ut scilicet, initio confestim sanguis mittatur, deinde offeratur medicamentum, quod recipit decoctum ex tamarindis, floribus, & fructibus cordialibus (ita enim vulgo hæc appellantur) manna. sirupum de rosis, rhabarbarum, triferam perficam, Hæc est laudata methodus, & videtur quoque ratio in Vrbe seruata, tanquam empiricis a deo nota, ut relatum sit, in S. Spiritus Valetudinario pharma-

pharmacopolam, ob tardio rem medici aduentum, agris  
 quæ essent offerenda præscripsisse, illorumque nihil à  
 medico accedente immutatum, iudicio, Urbanam  
 methodum carere ratione. At quis nouit, an ille medi-  
 cus aliquid in rem suam dissimulauerit? potuit quoque  
 fieri, ut in illa uisitatione nihil grauius occurreret, quo-  
 niam in prægressa uisitatione medicus ea præscripsisset,  
 quibus in sequens tempus prouisum esset, quod creber-  
 rime contingit. Sed ex unius fortasse errore de om-  
 nibus est iudicandum, tanquam ingenium, iudicium,  
 disciplina, eruditio, ars ipsa denique in animis homi-  
 num imprimatur, ut in aere signa imprimuntur, simili  
 omnino imagine, parique pondere, ac magnitudine. Sed  
 quæ ratio faciliior curandi, & quam non quiuus tan-  
 tum de triuio medicus, sed agyrta quiuus, & pharma-  
 copola imitetur; quam, cum primum ad agrum ve-  
 neris, sanguinem mittere, & quarto deinde, vel sexto  
 die medicamentum ante descriptum exhibere? an non  
 est ullum morborum discrimen, non naturarum, & cor-  
 porum, non ætatum, & regionum? Qui diligenter ob-  
 seruat motus, moresque agritudinum, is facile intelli-  
 get, alias salubriorē venæ sectione purgationem, alias  
 cōtra, alias, scilicet misso sanguine nihil de morbo dem-  
 ptum, sed cum exceperit sanguinis missionem purga-  
 tio, confestim agrum restitutum esse, alias contra, præ-  
 gressam nullo euidente commodo purgationem, secutam  
 salutarem venæ sectionem, quæ statim sustulit mor-  
 bum, alias neutrum auxilium manifeste profuisse, sed

Euentuum  
 varietas.

- tam

tam-

tamdiu, morbum durasse, ut vulgus existimauerit, dicta praesidia frustra adhibita. ex qua euentuum varietate apparet, vniuersam illam medendi rationem nec in omnibus, nec in plerisque recipiendam esse. Atque cum Hippocrates scriptum reliquerit, medicina neque principium esse, neque medium, neque finem, id, quod est, indicasse, alias à vena sectione incipiendum, alias à purgatione, alias alteram tantum, alias ambas, alias neutram vsurpandam. cuius varietatis medicos Urbis esse conscios, persuasum est mihi. Cum vero damnatur vsus medicamentorum leniter purgantium, quia commouent illa potius, quam euacuent; cupiebam enarrari, quæ exstet ratio idoneam euacuationem mensurandi: cumque decantatum sis Galeni documentum; nihil esse, quod medicinam aequè coniecturalem efficiat, atque cuiusque praesidij mensuram; quam habent copiosarum vacuationum studiosi rationem iudicandi de idonea earundem mensura? an nihil faciens est Hippocrates, cum, inquit, prodeuntia non sunt in multitudine aestimanda? decepit ergo idem nos, qui laudauit vacuationes modicas τὸ κατὰ ὁλίγον ἀσφαλές, admonens in paucitate securitatem inesse, & contra damnauit τὸ κατὰ πολὺ quoniam est τῆ φύσεως πολέμιον. Sensim & occulto euo natura res suas promouet: quid ergo vulgus oblatrat, modicas vacuationes commouere solum, non perficere, & expedire? tantum expediunt, quantum mouent, atque ut Galenus repetitam sanguinis missionem laudauit, ita & Hippocrates

Mensura  
vacuationum,

De cur. rat.  
per sangu.  
miss. c. 12.

1. aph. 13.



Medica-  
menta be-  
nigna Ga-  
leno co-  
gnita.

tes iteratam purgationem maxime probat. Nec etiam Galenus ad 2. acut. ij. laudat profusas vacuationes, qui scribens ad Glauconem in tertiana notha contentus fuit ijs, quae moderate aluum subducunt ἐμυών ὑπολάττω (quod faustum felixque sit negantibus, nota Galeno medicamenta benigne vacuantia) quibus se continue usum esse, loco eodem proficitur; Sed, primum, damnabat in illo 2. acut. in acutis affectibus purgationem; quo à nobis stat illa auctoritas; deinde, cum in eisdem morbis purgandum est, laudat solum mediocrem purgationem, cuiusmodi solet his fieri medicamentis, de quibus actum est saepius, inquit Galenus; Quibus igitur dare quadrabit, his medicamenti tantum propina, quantum in plurimis mediocriter vacuare, tum nouissi, tum sis expertus συμπίπτως κινῶν. Cum itaque ibidem damnantur, qui mouent, & sufficienter non euacuant, ex eo non efficitur, euacuationem debere esse copiosiore illa, quae praestari possit medicamentis ante dictis: nec putandum, voces, moderate συμπίπτως, & sufficienter κινῶν, quibus ibi Galenus usus est, contrarium aliquid significare; sed ipse voluit nos intelligere, medicamentum vacuare sufficienter, si moderate vacuet. Atque hactenus dilutam satis existimo reprehensionem illam, errare medicos, qui ante venae sectionem medicamentis, illisque lenientibus, vtuntur.

Iam caput illud aggredior, in quo illi damnantur, qui, ab exhibito primis diebus medicamento  
tempus

tempus dicuntur terere iura exhibendo, quæ altera-  
ta vocantur, & lapidem bezaarticum, & oleo ex  
eorticibus citri mali cor illinendo, neglecta cura hu-  
morum noxiorum vacuandi: decepti Hippocratis  
auctoritate, qui docuit, Concocta medicare, & mo-  
uere, non cruda &c. ac tandem, cum exactus fuerit  
dies quartusdecimus, vno melle ros. egros euacuant;  
& euacuunt, eo licet tempore solutus morbus sit, ob  
timorem recidiuæ, cum initio purgandum sit, &  
vtendum medicaminibus bilem educentibus. (*sci-  
licet sermo erat potissimum de febris tertianis*) nec  
moueri de hac sententia debere ob dictam Hippo-  
cratis auctoritatem, quæ vera tantum est de usu me-  
dicaminum, quæ deleteria vocantur, quæ si forte  
non euacuent, in humoris noxij naturam vertuntur,  
cuiusmodi scamonea, turbit, elleborus, colocyn-  
this, hermodactilus, & huiusmodi, non autem de  
vocatis benedictis, quæ si non euacuent, facile in  
alimentum vertuntur, cuiusmodi sunt manna, casia,  
tamarindi, rosæ, violæ, & præ cæteris rhabarbarum:  
hæc enim initio possunt exhiberi, quapropter Hip-  
pocrates 2. aph. 29. dixit, inchoantibus morbis, si  
quid videtur mouendum, moue, etiam si materia  
non turgat. etenim cum hoc documentum com-  
prehendat maxime sanguinis missionem, sanguis  
nec dicatur turgere, etiam si non turget, initio mo-  
uendum Hippocrates voluit, ac si sermo de turgent-  
te materia fuisset, non docuisset, sanguinem quoque

mittendum, quem non licet mittere turgente materia, ne sanguine misso materia intra venas rapiatur. multa verò sunt in Hippocrate & Galeno, quæ docent, initio vtendum esse medicamentis purgantibus, minimè expectata humorum concoctione, quos omnino minuere per initia oportet, vt natura exonerata, quod reliquum est possit facilius concoquere. & hac est eorum summa, quæ aduersus Urbis medicos dicebantur. Sed ea sunt inani prorsus labore repetita, namque ab hac sententia noui Urbanos medicos minime abhorreere, etsi Roma, vt alibi vbiq̃ue, viget difficultas ex illo aph. Concocta medicare, quam diluit hætenus nemo aliter, quam medicamentorum discrimine, quoniam alia deleteria, & alia benedicta vocentur, quã tamen opinionem ab Hippocratis consilio alienam esse, in nostris ad eundẽ aphorismum repetitionibus ostendimus. Video autem in modo repetitis reprehensionibus primo recepta & probata, quæ in prioris disputationis parte refutabantur medicamenta, quæ dicuntur minoratiua, cum scriptum sit, debere minorationem causæ præcedere cuiuslibet morbi curationem, quem putris humor excitauit. sic enim natura exonerata quod residuum est, apte concoquet, quæ vulgatissima est medicorum Vniuersitatis sententia. Nec dicendum, medicamenta, quibus nostri vtuntur, non habere eam vim, quæ requiritur ad minuendam noxiam materiam, si quidem non alijs vtantur, quam ijs, quæ superius nominatim proba-

Concocta  
medicare.

Minorati-  
ua purga-  
tio in re-  
prehensio-  
nibus pro-  
bata.

ea accepimus, nempe manna, cassia, rosa, viola, tamarindis, rhabarbaro quoque, & si hoc rarius aliquando ob pretium, aliquando ob suspicionem de seplasia integritate, aliquando ob varietatem opinionum, ne imputetur eis; quod morbi vitium est, cum possint eundem scopum assequi rosa, casta, tamarindis, manna, melle rosaceo, vel sirupo rosaceo solventibus, vel melle, ac sirupo violaceo; cum ergo hac ita probentur initijs morborum ad minuendam materiam, hac est ipsissima ratio medendi, qua Urbani medici, & omnis Europea schola utitur. Sed est & alterum animadvertendum, quod sumptum est in reprehensionibus, debere semper missionem sanguinis præire, quam sequatur purgatio, quod tamen negatum est in eisdem, faciendum turgente materia, & additum, ubi adest multitudo; semper præsumi adesse turgentiam, turgēt enim materia cum multa est, maxime biliosa, quæ in tertianis febribus præualet. Cum ergo hac dicta sint, quid est quamobrem arguantur medici initio cassia, rosa, viola, & similibus ante minuentes materiam biliosam, quam vena scēta sanguinem mittant? forte quia non eo consilio hoc faciunt? at licet non eo consilio facerent, faciunt tamen, & recte, ut ex modo dictis apparet. Ex ipsis ergo reprehensionibus habemus, minoratiuam purgationem admittendam, & purgandum sæpe prius, quam vena aperiatur, quod est Urbanorum methodum medentium adprobare.

Sed dictum est tempus teri iuribus alteratis. at iura alterata.

cur tempus dicitur feri? nos contra profitemur hoc esse  
 aptissimum. Victus humidus febrientibus omnibus  
 commodus, vulgatissima Hippocratis sententia; cur,  
 ergo, danda iura, negatur? num quia nutriunt? sane  
 acri nutriendi. at in accessione abstinendum, recte;  
 sed Hippocrates & illud seruandum docuit, si eger suf-  
 ficiat, nam si non ferat eger longiorem inediam, licet  
 quaque in accessione aliquid offerre, atque inde orta  
 est questio, Quonam accessione tempore, citra deces-  
 sionem, (in qua non est dubitandum, quin liceat agram  
 nutrire) expediat magis acri aliquid præbere, initio  
 ne, an cremento, an vigore. at illis miscetur succus  
 ptisane, & contusa caro, & sic acri in accessione vi-  
 gore nutriuntur. Sane cur hæc dicantur prorsus ignoro:  
 nemo est enim mihi notus, tam rudis, & tiro, qui pro-  
 fiteatur, acrios, vigente accessione, alendos esse. Sed  
 nonnumquam acri deficiunt, & decessionem expectare  
 nequeunt, idcirco per vigorem potus aliquis, aut sor-  
 bitio exhibetur aliqua. id quod reprehendi nequit, nisi  
 velimus Hippocratis quoque, Galeni, & veterum om-  
 nium documenta euertere. De alexi pharmacis vero;  
 & cordis illitu non disputabo, quod non reprehendun-  
 tur quasi noxia, & inutilia, sed quia interim negli-  
 gitur humoris noxij euacuatio. Sed negamus dicti humo-  
 ris vacuationem contemni, aut præteriri, quod patet  
 ex prima reprehensione, qua damnabatur vsus medi-  
 camentorum lenientium, quibus materiam minui no-  
 xiam, satis ostendimus. Sed tribuitur Urbanis me-  
 dicis.

*dicū, non esse purgandam initio materiam non concoctam, cum Hippocrates, & Galenus docuerint, licere materiam quoque crudam initio medicamentis educere, nec obitare aph. p. sect. 22. concocta medicare. nam medicamenta quædam deleteria, quædam sunt benedicta. Hippocratem ignorasse genus secundum, ideo negasse crudam initio educendam, non negaturum si nouisset. egregium certe documentum, quo ostenditur, Hippocratem ex dimidio medicum fuisse. Sed fari liceat hoc loco, & mihi dent veniam hanc æqui lectores, nemo hactenus satis Hippocratis in eo aph. consilium percepit. medentes recte faciunt, cum initio exhibent medicamenta, & rectius vtuntur leuioribus, eodem Hippocrate auctore 2. aph. 1. sed non recte sentiunt, dum putant, medendi rationem hanc dicti aph. 22. sententia suspectam, quasi neget Hippocrates, initio licere. vti medicamentis purgantibus, quod est maxime alienum, cum alias docuerit, incipientibus morbis mouendum esse, & hoc documentum tamquam firmissimum assumpserit in eo aph. 22. quæ maxime & ex eiusdem aph. verbis accipiatur, initium esse tempus purgationibus accommodatissimū: quamobrem nec egemus dicto medicaminum discrimine, vt tollatur contrarietas, quæ nulla est, quod vna cum reliquis, quæ modo attigi, satis in commentariolo nostro in eundem aphorismum demonstratum est, ex quo illud tantum hoc loco profitemur, recte medicos vti purgatione initio, quæ vocatur minoratiua, illaque esse quibus*

Concocta  
medicare.

quibus vtuntur medicamenta apertissima, dum habeant morborum rationem, & reliqua obseruent veterum documenta. de his vero habtenus.

Vtrum vera medicamenta benedicta verti possint; in alimentum, & deleteria in humorem noxiu, pluribus non persequar, quod est ab instituto presente alienum, dicam tantum de benedictis, non esse promiscue enunciandum, quia ignotum est mihi, rhabarbarum, aloen, polypodium posse in sanguinem verti: sed nec illud satis percipio, scammonium posse in bilem verti, & veratrum in pituitam, quod si fiat etiam, quantum augeri potest pituita, vel bilis exiguo scammonij aut veratri pondere? Quod autem additum est, post diem decimum quartum vno melle & rosa agros purgari, hac non est iuris questio, sed facti, & imponitur Urbani medicis, quod nec vtantur rhabarbaro, nec alijs, quorum sit vis efficacior, quam rosa; quam tamen in reprehensionibus probatam legimus, inter ea, quae bilem educunt, vt ante notatum est: plena sunt enim pharmacopolarum officinae libris, in quibus seruantur medicamentorum, quibus medici Urbis vtuntur, descriptiones: Seplasia est in Vrbe frequens, & est simplicium medicamentorum vndique perpetuus ad Urbem concursus, argumento Romae in vsu, vel plusquam satis frequenti, esse omnis generis medicamenta. facile est verba profundere, sed iuste reprehendere, & vera dicere & docere, hoc opus, hic labor est. Sed nec ridenda vacuatio soluto morbo facta ob timorem recidiua:

nam



nam Hippocrates admonuit, fieri recidivas, & recidivarum signa docuit: Ergo, cur non sit iuste timendum, ne fiat, quod fieri solet? cur non sit imminens periculo opportunis auxilijs occurrendum? at hoc facilius initio, recte; sed initio quoque factum, ponitur oblato medicamento, quo minuitur humoris copia, egro molesta, quamobrem expeditius natura morbum superet: quo eiecto, vna reliqua est, recidivæ non prætereunda suspicio: interim vero testimonium daturæ reprehensio, consueta medicis Romanis methoda ægros sanari, dum enim ridetur purgationis usus post diem decimum quartum soluto morbo, hoc docet; ea methoda morbos solui posse, ergo non est temere damnanda. Sed tandem affertur ratio, quamobrem subrideri visa est purgatio soluto morbo, nempe, ubi facta est integra iudicatio, nihil mouendum esse. Verum hoc loco querendum est mihi ab Universa schola medica, Vbi gentium Hippocrates docuerit, quæ perfecte sunt indicata, non esse mouenda? namque res ea nulla egebat admonitione: etenim perfecte ille iudicatus est, qui plane resistutus est sanitati absque recidivæ suspitione. sic enim Hippocrates in historijs Epidemicis saepe dixit ridias in æthiopia, perfecte iudicatus est, cum penitus desijt agriendo, & dumtaxat in æthiopia, iudicatus est, cum recidivam narrat secutam, & sacra est admonitio, bene valenti non est opus medico, de medio tamen sumpta, nam quivis sanus medicis legibus obligari recusat. sed respondet bunc (scio) prædictum hoc p. apb. 20. quæ iudicantur,

cantur, & indicata sunt perfecte, &c. At ad eum locum facio ostendi, nullum esse verbum de perfecta indicatione: num vox illa æquos, nusquam apud veteres auctores eo sensu accepta reperitur, ut latine verti possit; aut debeat, perfecte, sed ubique idem significat, quod latinum adverbium, nuper: quamobrem ex illius Aph. sententia non potest damnari purgatio facta soluto morbo, eo nomine, quod indicatio perfecte facta sit; cum dicto Aphorismo damnetur solum vacuatio facta, dum sit indicatio, aut cum nuper est facta, quia tantisper quiescendum sit, donec observari possit, reliquum ne aliquid sit; quamobrem recidiva timeri debeat, iuxta documentum vulgatum, Quæ relinquuntur in morbis post indicationem, recidivas facere consueverunt. Itaque non est damnandum, sed probandum maxime ( quicquid initio prestitum fuerit, vel secta vena, vel oblatum medicamentum, vel utrumque; vel, fortasse, neutrum ) si morbo sine signis opportunis soluto, post spatium, ac tempus, quo indicari potest, timendum recidivam, medicamentum aliquod exhibeatur.

Vini vsus  
in febribus

De Vini autem vsu in curandis febribus ( quod postremo loco propositum erat ) fuit sane vetus inter auctores controuersia, quam etiam definiunt adductis; hominum, vinorum, morborumque, & casuum, qui morbos sequuntur, differentiis, ut intelligatur, alijs congruere, alijs minime; quæ à multis tractata, & probe digesta, non existimo, repetenda, eoque præsertim, quod nec in reprehensionibus laudatur vinum, tamquam

quam febrientibus omnibus commodum, & salutare, immo quod nec in tertiana exquisita, sed tantum in illegitima laudatur, nec quodcumque, sed aquosum dumtaxat, vt Sabinum, Albanum, Neapolitanumque Aminæum, quæ quoque refrigerare dicuntur. à quâ sententia noui Urbis medicos non abhorrere, qui non in tertiana solum illegitima, sed in legitimâ quoque nonnunquam pro agrorum natura, & morbi tempore (nam Galenus non ante coctionis indicia, vinum in ea febre exhibendum, docuit, scribens ad Glauconem.) immo & aliquando in continua, & acuta febre (ne de quartana dicatur) tenue, & aquosum vinum concesserint: quod vini genus à Galeno probatum esse in febribus, nemo est tam rudis medicinae studiosus, qui ignoret. Neque nouum est Romæ vinum agris, & febrientibus, (seruatîs veterum documentis) offerre, hoc enim non hodie tantum seruatur, sed seruatum nouimus à primarijs olim medentium, qui multis iam annis vitam cum morte commutarunt, fuereque nobis duces, & rectam agros nutriendi rationem ex vetustis auctorum monumentis indicarunt, de qua re ante hos decem annos nonnulla scripseram in eo libello, quem inscripsi, Romana Epidemia. Esse autem vini genus aliquod frigesaciens, non est negandum, siue Galenum, siue consulamus Hippocratem: nam is lib. 2. de diæta, acida, quæ sunt, ait, frigesacere, οἱ οἶνοι ἀπὸ τοῦ ψύχρον: ille vero lib. de cibis boni & mali succi cap. ij. ait aperte, quædam vina sensibilibiter

Vini frigesaciens.

Aminęum  
vinum.

Pauciferi  
vini du-  
plex ratio.

Aminęum  
vinum, vbi  
nasce retur

frigesfacere *ἡ ψυχρὰ ἀδυνάτω*, dubia sunt, quę de vinis  
speciatim laudatis dicta sunt: namque Aminęum pri-  
sci inter generosissima retulerunt, ut legere est apud  
Columellam lib. 3. cap. 2. Firmissima dixit Virgilius,  
& Galenus lib. 1. de san. tu. c. 5. Sabinum, Albanum,  
& Aminęum refert inter vina Senibus aptissima, quę  
docet esse debere calidioris natura; alibi tamen refert  
inter illa, quę substantia constant tenui *λεπτὸν κατὰ οὐ-  
σιν*, ut lib. de bono & prauo succo. cap. ij. & lib. 12.  
meth. c. 4. quę & aquosa vocari affirmat, & paucife-  
ra, *ὡς ἀδυνάτω καὶ ὀλιγοφόροι*. Verum illud fuit animad-  
uertendum, esse aliqua vina aquę simillima quidem  
aspectu, nempe colore, & pelluciditate, quę tamen  
epota & calefaciunt, & caput mire petunt, & men-  
tem facile tentant, itaque nec paucifera sunt, si vis il-  
lorum frangenda sit. Sed paucifera quedam dicuntur,  
quę infirma sunt, & aqua modica vini vim exuunt;  
quedam vero pauca aqua vini vim non quidem depo-  
nunt, sed suauitatem; ut nonnulla quoque sunt, quę  
aquam satis multam sustinent, non quia potentia, sed  
quia sapida; hocque facile in vini natura expendenda  
decipi possumus. Aminęum Neapolitanum hodie voca-  
tur Gręcum, sicut nigrum (erat enim Aminęum quo-  
que nigrum, ut accipi potest ex Plinij lib. xiiij. c. 3.).  
Lacrima, dicebaturque Neapolitanum, quia iuxta  
Neapolim nascebatur, ut Galenus ait lib. 12. meth. c.  
4. erat autem præterea Aminęum tum Siculum, tum  
Bithynum, ut idem scripsit Galenus lib. 1. de antido-  
tis.

eis . c. 3. Sed natum Aminæum in Pausilypo colle, ut  
 aliqui opinati sunt, non est demonstratum ex eod. lib.  
 1. de Antid. ubi non est scriptum, ut illi dicunt, nasci  
 post Puteolos, in collibus Neapoli vicinis; quasi de uno  
 vini genere, vnoque, in quo proueniret, loco loqueretur;  
 sed & duo loca, & duo vini genera indicauit,  
 quod facile intelliget, qui eius orationem attente legerit:  
 ea vero est, Quod in Gauro monte nascitur, qua  
 parte Puteolos Urbem spectat: quodque in collibus  
 Neapoli vicinis oritur, Aminæum quidem nuncupatum.  
 hac ibi. ex quibus accipimus, alterum vini genus  
 in Gauro monte, Aminæum vero in ceteris collibus.  
 Sed longe dilucidior græca est oratio. ὁ γαυραῖος ἐστὶ  
 τῶν ποπύλων λόφος γινόμενος, ὅτι ἐν τῇ πόλει, κατὰ τοὺς ὑπο-  
 κρημῖνους αὐτῆς λόφους; ἀμινῆος μὲν ὀνομαζόμενος, hoc est,  
 Gauranum in Puteolorum colle exortum, & quod  
 Neapoli in collibus ei subiectis, quod Aminæum vocatur,  
 &c. Constat autem, fuisse vinum Gauranum, &  
 Aminæum diuersi generis, in dictis tamen Galeni verbis  
 pro subiectis, libentius legerim. imminentibus, &  
 pro græco vocabulo ὑποκρημῖνους legerē ὑπερκρημῖνους quia  
 lectio ea consentanea magis est dictis ab eodem lib. de  
 cib. bo. & mali succi c. ij. ibi enim Aminæum dixit ori-  
 ri in colle Neapoli imminente κατὰ τὸν ὑπερκρημῖνον αὐτῆς  
 λόφον. neque congruens est, montes dicere Neapoli sub-  
 iectos, qui sunt ea vrbe eminentiores. Is autem est  
 collis, qui Vesuius dictus olim est, hodie Somma vo-  
 catur, quod conijcere est ex traditis à Strabone lib. 5.

vbi describens Neapolim, Nolam, & vicina loca, illis, ait, Vesuvium vocatum montem imminere, ijs pene verbis, quibus Galenus ἡσπικταὶ δὲ τοῖς τόποις τοῦτον θεός τὸ δυνάμειον: sed quid opus est coniecturis, & argumentis longius petitis? Columella lib. 3. c. 2. cum scriberet de Aminearum generibus vitium, de gemellaq; speciatim, Campania, inquit, celeberrimos Vesuvij colles, Surrentinosque vestit: non igitur in Pausilypo nascebatur. Amineum ergo album Neapolitanum, colore & perspicuitate aquam referebat, & aqua modica suavitatem deponebat, (quod hodie contingit graeco) eoque nomine aquosum & pauciferum vocabatur, sed interim vini generositatem, viresque, sola suavitate deposita, retinebat. Albanum nostrate flavum, & nigrum longe distat ab Amineo natura: atque adeo, si Galeno visum est Amineo esse simile, Albanum priscum longe aliud à nostrate fuisse, quemadmodum & Sabinum (quod nullo hodie est in honore) dicamus licet: Sed de vinis ex antiquorum sententia, non est tam tenuiter, ieiuneq; differendum, cū longe alia de vinis tradita sint à Veteribus, quam posterioribus seculis compta sunt: Namq. apud Gracos, auctore Aristotele, ferebatur, Vinum dulce non inducere ebrietatem, cum iam conslet, vina esse multa dulcia, quae hoc maxime praestant: nisi dicamus, illud negatum comparate, non simpliciter, cum Hippocrates lib. Acut. sect. 3. dicat vinum dulce vinoso minus capiti graue esse, & minus mentem tentare, ἡσσον ὅσον ἀπὸ μέλιτος, quod est tamen & ip-

Vina dulcia ebrietatem inducere.

Et ipsum dubium, nisi comparatio fiat eiusdem generis vini, cuius alterum dulce, alterum vinosum sit: namque sunt anni, quibus vite ex eadem vinum exit dulce, & quibus vinosum fit, idemque interdum primis mensibus dulce, postea vinosum euadit, ut de Apianis vult Plinius dixit lib. 14. cap. 2. Vina primo dulcia, austeritatem annis recipiunt, & rubra fiunt. alioqui constat, vinum Corsicum dulce tentare magis mentem, quam Albanum nostrate vinosum, & græcum ex Aenaria dulce similiter mentem magis mouere, quam Asperinum vocatum, vel idem Albanum, & alia multa vinosa quidem, sed dicto græco longe viribus inferiora; sed & à Galeno proditum est, alba vina nulla esse dulcia, & rursus crassa nulla esse dulcia, quæ non etiam nigra existant, de quibus sententijs non iniuria dubitatur. Sed aliud ea res oculum desiderat. In febribus igitur, ubi tuto licet vinum offerre, Albanum quidem nostrate, quod fieri etiam solet, exhibuerim, Aminæum vero, hoc est Græcum, nequaquam.

## F I N I S.

---

*Errata, et si leuia, sic tamen, amice lector, emendato.*

Pag. 4. linea 3, de nemine, lege de nomine. 7. 6. in omni, in omni. 12. 22. in acutis, in acutis. 14. 10. si sanguinis, si sanguis. 18. 26. sanguine, sanguinis. 21. 15. putridis, putridis. 24. 15. paulo, paulo. ibid. 17. rosiores, rosiones. 26. 16. duplicari, duplicari. 30. 6. occurreret, occurreret. 43. 21. ut inquit, ut inquit.





# REGESTVM

¶ A B C D E F.

*Omnes sunt duerniones præter ¶ quod est dimidium*



ROMAE, Apud Aloysium Zannettum. MDCI.

---

*SUPERIORVM PERMISSV.*





DE MORTE  
CAVSSA PARTVS  
MEDICA QVIDEM  
DISPVATIO  
SED FORENSIBVS NEGOTIIS  
tractandis necessaria.

Auctore  
MARSILIO CAGNATO.



ROMÆ, Apud Aloysium Zannettum. MDCII.

---

*Superiorum Permissu.*

DE MORBIS  
CAUSIS PARTIBUS  
MEDICINA QUIDEM  
DISPUTATIO  
SICUTI ENIM HIC NEGOTIUM  
EST

MAKSIMO CAGNATO



ROMAE, Apud Venerabilem Sanctissimum. MDCL.

Superiorum Permissu.

D E  
MORTE CAVSSA  
PARTVS DISPVATIO  
AVCTORE  
MARSILIO CAGNATO



**I**N contractibus societatum ab officio no-  
men habentium (quod est tam frequens,  
quam Vrbi Rome, & Romanae curiae  
peculiare) si vita mulieris alicuius no-  
minata sit, illius periculo, qui pecuniam  
commodat, ea solet exceptio apponi; dum neq; ex partu,  
neque causa partus moriatur; eaq; de causa saepe Me-  
dici requiruntur, qui cognoscant, & iudicent, Vtrum  
mulier ex huiusmodi causa interierit. Itaque non erit  
minus vtile, quam iucundum inuestigare, & definire,  
quae nam mulieres dici debeant ex partu, & causa par-  
tus decedere. Et quia magna est partus, & grauidita-  
tis coniunctio, atque cognatio, & solet in eisdem con-  
tractibus exceptio grauiditatis adhiberi, & par virius  
que ratio videtur esse, de grauiditate quoq; disseretur.

Videtur autem in primis statuendum,

Vtrum partus & grauiditas censenda sit res natu-  
ralis, an praeter naturam, namque, hoc ignorato, non

poteſt vere, ac firme id, quod proponitur, definiri.

Grauiditas  
videtur mor-  
bus.

Que igitur mulieres vterum geſtant, neque non ea, qua pariunt, vel peperere, tot aſſiſtantur laboribus, tã que graua patiuntur, vt videri poſſit vtraque res præter naturam. Sane conſtat, grauidis caſus eiſmodi euenire, cuiuſmodi paſſim exercere ſolent agrotos, horrores ſcilicet, faſtidia, abſurdarum rerum appetitionem, vomitiones, doloresque varios, & febres ipſas: quæ, ſymptomata à Græcis dicta, morbum vt umbræ corpora (trita ex Gal. ſimilitudine lib. de ſymptomat. differ. c. 1.) comitantur. quamobrem grauiditas morbus quidam videri poteſt, à quo ſæpe mulieres interficiuntur.

Partus vide-  
tur morbus.

Sed & partum ſæpe caſus ſequuntur grauiffimi, & mors ipſa alias dum pariunt, in ipſo ſcilicet partus articulo, alias ſimulatque peperere, alias ſerius. ſolent autem puerperis accidere purgationes immodicæ, vel nulla, vel non pro naturæ modo, item febres, dolores ad vterum, ad lumbos, ad corpus vniuerſum, vlcera, & apoſtemata, (vt à medicis dici ſolent) quæ ſequitur animi deſectio, & nonnumquam interitus. Nec deſuere, qui diſerte, & palam docuerint partum eſſe morbum, vt Aponenſis Conciliatoris diff. 106. ex Auicenna vi. 3. tr. 1. c. 2. quoniam eſt cuiuſdam articuli magna, & ſingularis diſiunctio. itaque & in agris puerperis decretorios dies nonnulli dicebant obſeruandos in ita ratione à die ipſo partus, non à die febris, ſtatuentes febrẽ illam eſſe partus veluti ſymptoma. Hipp. autem, tã grauiditatem, quam partum, docuit, ſtatis dierum perio-  
dis



dis perinde atq; morbos iudicari. Sed noui etiā quosdā In-  
risconsultos existimasse pregnantem mulierē agrā esse.

Verum ē contrario grauiditatem, & partum res es-  
se naturales, & natura consilio congruenteis, debet ea-  
rundem finem considerantibus persuasum esse: nam pro-  
creatio est opus maxime naturale, quod & satis est per  
se manifestum, & est ab Arist. traditum lib. 2. de ani-  
ma loco vulgatissimo, quamobrem tum grauiditas, tum  
partus est maxime secundum naturam, nec per se um-  
quam est prater naturam, sed ita solum, si quid, quod  
natura aduersetur, ei adiungitur, ut febris, dolor, vlcus  
& similia, qui vel morbi sunt, vel casus morborum co-  
mites; at grauiditas & partus morbi non sunt, cumq;  
auctores, cuiusmodi Aponensis diff. 106. & reliqui,  
quos enumerare superuacaneum sit, recipiant, partum  
alterum esse; alterum non esse naturalem, eo demon-  
strant, partum sua natura morbum non esse, cum enim  
alter sit naturalis, non potest esse morbus, nam res est  
morbus, omnium confessione, prater naturam.

Nec probatur, esse partum, & grauiditatem mor-  
bos, argumento ab ijs casibus sumpto, qui grauidita-  
tem, partumque sequuntur: nam fastidia, horrores,  
vomitibus, & reliqua ante memorata, etsi possunt di-  
ci symptomata, ut nomen hoc symptoma omnem affe-  
ctum significat, (quod & ipsum notum est, ex lib. de  
symptom. differ. c. 1. apud Galenum) non tamen est gra-  
uiditas morbus, nisi translate velimus dicere, morbum  
esse naturalem, ut de senio dicebat Arist. lib. 5. de gen.

Grauiditas  
& partus nō  
sunt morbi,  
sed res na-  
turales, &  
per se num-  
quam prae-  
ter naturā.

Symptoma  
ta, grauidi-  
tate, & par-  
tum comi-  
tantia, ut ac-  
cipienda.

Grauiditas  
translate di-  
ci potest  
morbus.

ani-

animal. c. 4. sed quemadmodum victum; & discipli-  
 nas cum labore adipiscimur, quarum tamen consequen-  
 darum principia nobis à natura tradita sunt (ne quis  
 omnem existimet laborem esse præter naturam; nisi igna-  
 nus homo sibi persuadeat, & vitam, & valetudinem,  
 & virtutes ab hominis natura alienas, quo nihil ma-  
 gis absouum dici, cogitariue potest) ita natura compa-  
 ratum est, vt animalium præstantissimum, magno pa-  
 rentis labore gestetur vtero, & maximis doloribus eda-  
 tur in lucem, atq; adeo summum gaudium ex sobole no-  
 bilissima singulari laboris, & doloris genere compense-  
 tur: hoc, inquam, naturà comparatum est, eoque effici-  
 tur, grauiditatem, & partum res esse naturales. Quod  
 si tandem illa, quæ pregnantēs, & puerperæ patiuntur,  
 statuamus proprie dici symptomata, non idcirco tamen  
 grauiditatem dicemus, aut partum esse morbum, sed  
 pregnantibus, aut puerperis vere morbum aliquem  
 adesse, quem dicta symptomata sequantur, ipsam ve-  
 ro grauiditatem, atque partum inter causas potius,  
 referri oportere, vt paullo post explicabitur. Etenim,  
 concepto semine, tamquam re aliena, virtus naturalis  
 mulierum præsertim, quæ nondum huic sunt labori ad-  
 suetæ, nouitate quasi deterrita, suo languidius munere  
 fungitur, calore scilicet ventris insito nonnihil fracto,  
 & remisso, quæ frigida intemperies quædam est, quam  
 sequitur vitiosa concoctio alimenti, quamobrem citan-  
 tur vomitus, fastidia, rerum alienarum appetitio, &  
 reliqua, quæ dicta sunt, & symptomata vocabantur.

Nec

Grauiditas,  
 & partus  
 possunt dici  
 causæ mor-  
 borum.

Nec mouet etiam Iurisperdentum opinio, quoniam è contrario alij non minus probati eiusdem auctores prudentia negarunt grauiditatem esse morbum, immo rem esse naturalem ( ut ante dixi ) acceperunt, & omnino constituerunt. Itaque non est præter naturam conceptus & grauiditas, sed morbi ab ea exorti, & symptomata, quæ illos comitantur: quæ sæpenumero tam leuia sunt, ut omnino negligantur, & eo solum estimantur, quo sunt conceptus, & grauiditatis indices: eaq; simpliciter grauiditas naturalis vocatur. aliquando vero tam graua sunt, ut fœtus corrumpatur, & mulier periclitetur, ac nonnumquam moriatur. eaque dici potest grauiditas præter naturam. quibus similia est de partu accipere: non est enim partus morbus: Verum qui casus partum sequuntur, alij versus morbi sunt, alij vero symptomata, quæ morbos sequuntur à partu, tamquam à causa, profectos, nam febres, ulcera, inflammationes, quæ à partu relinquuntur, morbi proprie sunt, purgamenta vera vel nimia, vel iusto pauciora, aut nulla, dolores, animi defectiones, tamquam symptomata, morbos modo dictos sequuntur. Nec mouet idem Aponensis, cum Auicennam interpretatur, de partu, quasi de morbo, locutum: quoniam dixit, fieri quandam maximam articuli disunctionem; nam licet primo animaduertere, & declarare, cuiusnam articuli disunctio illa sit, deinde morbus sit, an non. Os igitur uteri insigniter aperiri, hoc est quidem necessarium, & à Galieno cum admiratione traditum lib. xv. c. 3. de usu partium,

Grauiditas  
aliqua præter  
naturā.

Symptoma  
ta partū se-  
quentia.

Aponensis  
opinio.

Cuius arti-  
culi disun-  
ctio in par-  
tu fiat.

„ rium, cum inquit, Quod os quidem eo usque aperi-  
 „ tur, ut possit fessibus facilem præbere exitum, nemo igno-  
 „ rat, sed quo pacto id accadat, mirari possumus, intelli-  
 „ gere non possumus. at natura tum hæc, tum alia omnia  
 „ in partu animalis admiranda machinatur commenta.  
 „ etenim diligenter providit, quo pacto factus, qua conue-  
 „ niebat figura, ad collum matricis perveniret, nec minus,  
 „ quo pacto, dum ipsum peruaderet, nullam partem sau-  
 „ ciaret, neue colon luxaret. Os ergo vteri maxime in  
 „ partu pandi necessarium est. quod pari cum admiratio-  
 „ ne Avicenna loco eodem repetijt, inquit, Aperitur ma-  
 „ trix apertione tali, cuius similem non valeat efficere in  
 „ alia hora. Verum adiecit alterum, cuius mentionem  
 „ Galenus non fecit; scilicet, Et necessarium est, ut sepa-  
 „ rentur quadam iuncturæ, & sustententur adiutorio  
 „ Dei excelsi præparantes, vel disponente eas ad illud, dein  
 „ de reuertente eas ex proximo ad continuationem natu-  
 „ ralem. vult hic Avicenna, præter vteri apertionem, fie-  
 „ ri cuiusdã articuli disunctionem, & continuitatem in-  
 „ tercipi, quem articulum non nominavit, sed iactatur  
 „ vulgo, pubis ossa disungi: hoc tamen, ut sensus testi-  
 „ monio caret, ita est à natura consilio alienum, quæ tan-  
 „ tam adhibuit diligentiam ad coniungendum ossa Ilij in-  
 „ teruentu chartilaginis in parte antica, ut hoc solo in-  
 „ telligamus, nullam debuisse fieri eiusmodi ossium disun-  
 „ ctionem. contra vero in parte postica eadem Ilij ossa, qua  
 „ parte propinquiissima sunt, infima scilicet, minime con-  
 „ iunguntur, & in feminis quoque (quod Vesalius di-  
 „ serte

serte scripsit lib. 1. de hum. corp. fabrica cap. 29.) magis, quam in viris disiunguntur. quo licet intelligere, si qua fiat ossium de sua Sede demotio, in postica fieri parte, Ilij ossibus ad exteriora modice repulsis: itaque & summum parientium dolorem in parte postica circa eadem Ilij, siue coxendicis ossa percipi. testaturq; Ambrosius Paræus lib. 23. cap. 13. se pubis ossa, dissecatis à partu statim puerperis, numquam distracta reperisse, Ilij quidem ossa ab osse sacro digiti intervallo diuulsa: & se se interdum difficulter parientibus adstantem auribus sonum diuulsionis, & manu ossium distractionem percepisse. itaque articulorum hec fuerunt disiunctiones ab Auicenna indicatæ, qui non temere plurium numero dixit, quædam iunctura, quia ut Ilij duo sunt ossa inter quæ sacrum os intercedit: ita duos necesse est articulos esse. Sed & Gentilis Auicennæ interpres, & Gabriel Zerbus scribens de partu naturali, hoc de femoris osse, idest, coxendicis, siue Ilij, non de osse pubis, accepit, & probati anatomes auctores hanc omnes sententiam subscribunt. Qualis autem cumque sit ea disiunctio, morbus certe non est: quod nec Auicenna dixit, nec ratione probari potest: Sed è contrario, rem esse naturalem (est autem morbus præter naturam) eo accipimus, quod sponte, ac momento tollitur, nec opem medicam postulat: neque enim Galenus vocat morbum, nisi tempus aliquod affectus permaneat, trito, & peruulgato documento ex lib. de diff. sympt. c. 1. & in verbis ante repetitis ex lib. 15. de usu part. c. 7. satis hoc demonstrauit, cum

*natura studium exposuit ad fetus egressum ex utero, & illarum partium tutelam, per quas egreditur. quo percipitur, partum esse functionem prorsus naturalem. ut omittam interim, mulieres esse non paucas, quae partus laborem floccifaciunt, eumque se facilius ferre assueverant, quam cum semel panem conficiendo, aut vestium sordes abluendo laborant. Quodque à nonnullis dicitur, a die partus, tamquam morbi, ineundam dierum, quos vocant decretorios, rationem in affectibus, qui partum sequuntur, hoc ab Hippocratis sententia alienum esse, ostendi in propria de ea re disputatione, ipse enim Hippocrates à die morbi per se, a die partus ex accidenti, supputabat:*

*Quod vero idem doceat statis dierum periodis morborum instar graviditatem, & partum iudicari: hoc non magis probat, hos morbos esse, quam si fructuum exortum, & maturitatem dicerem morbos esse, & omnium rerum exortum, & perfectionem item esse morbum, si quidem omnia haec suas habens periodos, ut morbi suas. Auctor est Aristoteles lib. 2. de ortu, & interitu, inquit, omnium est ordo, & omne tempus, & vita mensuratur periodo. Vanum ergo est, si dico, morbum esse quicquid periodo mensuratur. nec Hippocrates voluit significare, partum esse morbum, sed illam periodorum rationem, quam in partu docuerat, morborum similitudine confirmare. Itaque nec graviditas, nec partus morbus est, sed res utraque per se naturalis est.*

*Verum scire expedit, tria esse rerum genera, à quibus*

Dies decretorij supputandi à die partus per accidens, non per se.

Tria nos rerum genera immutant.

bus permutamur, quorum primum est, in quo, ut uiuamus, necessario versamur quidem, ab eo tamen non ledimur necessario, sed plerumque iuuamur, ea vero sunt, de quibus Galenus libro art. med. c. 8 s. aer, alimentum, excrementum, somnus cum vigilia, labor cum quiete, animi affectus; alterum vero est, in quo non versamur necessario, sed à quo necessario, cum nobis occurrit, ledimur, ut venenum, verbera, & quæ sunt huiusmodi tertium est, cui conuenit cum secundo, quoniam in eo non versamur necessario, ut uiuamus, & cum primo, quoniam ab eo, non ledimur necessario, sed pro eius modo, alias salutare, alias noxium est. Hæc ipsa est, Venus, à qua non longe abest grauiditas, & partus, sed Veneris commoda & incommoda sunt à nobis explicata libro de Continentia. grauiditatem quoque & partum (etsi labores magni sunt) si pro natura fiant modo, salutares esse, cum docemur illarum experimento mulierum, quæ dum liberis operam nauant, melius valent, vidue vero, & continentes frequenter egrotant: tum suadet grauissimorum auctoritas scriptorum; nam Hippocrates lib. de Virginib. inquit. Ego vero has iubeo, „ quæ hæc patiuntur, cum viris quam citissime habitare; si enim conceperint sane fiunt. quibus illi similis accedit ratio, quæ Socrates mortem naturalem docebat esse iucundam, quoniam nature lege quadam iucunditas ijs rebus adiungitur, quæ secundum naturam fiunt: sic igitur quæ secundum naturam fiunt, ea salubria quoque esse, censemus. Ergo tum grauiditas, tum partus

Grauiditas  
& partus salu-  
tares sũt.



*si secundum naturam fiat, salutaris existimandus. Itaque nec moritur mulier vel grauida, vel puerpera si secundum naturam hec eueniant.*

*Grauida, & puerpera quādo moriuntur, Moriuntur cum alienum quid & præter naturam, & illud graue, contingit: quāobrem tum grauiditas, tum partus dicitur fieri præter naturam.*

*Origo rerū præter naturā in grauidis & puerperis, inter* Quæ vero aliena contingunt grauidis, alia internam alia externam originem habent: interna est origo, si ob hiatum uteri menses grauidis singulis mensibus prædeant, si acetabula sint plena pituitæ, si acris pituita in ventrem à capite delabatur, & alui fluorem exciet, si lumborum & venteris dolores oriantur, si biliosa sit, & inde febres fiant, & regio morbo afficiatur, si repente mamma gracilescant, & lac non appareat, si pituitosa sit, & caput idcirco doleat, febrat, & corpus colore plumbeo perfundatur, si lienosa sit, si uteri flatuosi, densi, magni, parui, & quacumque ratione ad abortum faciendum proni. Extrinsecus vero nascuntur similes affectus, si mulier onus leuauerit, si percussa fuerit, si saltauerit, si abundantius, aut parcius alimenta, potusque acceperit, si timore, & conseruatione correpta fuerit, si vociferata sit, & alias intemperanter vixerit, si quoque præter consuetudinem, acrida, amaraue comederit, aut biberit: nam ex omnibus commemoratis fetus corrumpuntur, & mulieres in periculo versantur. Quod & magistra experientia innotuit, & ab Hippocrate proditum est libro primo de morbis muliebribus.

Non

Non solum autem ab his factus corrumpuntur, & ipsae praegnantales intereunt, sed nonnumquam eadem haec ad tempus partus perducuntur, ipsumque partum difficilem reddunt, quem tamen peculiariter aliae graues excipiunt affectiones, à quibus & mulieres pereunt: si videlicet purgatio non fiat debita, vel fiat immodica, si secunda non egrediatur. Purgatio vero non fit, quia so-

Purgatio muliebris, cur non fiat

lent vteri à partu inflammari, & durescere: quapropter occluduntur, & idcirco alias putrefactis purgamentis vlcera in vtero nascuntur, alias venter intumescit, & lien, & crura, & dolores fiunt ad lumbos, & viscera, et ad omnem corporis partem, fiunt quoque rigores, & febres, & deliria, & surditas, & cecitas, & sanguinis vomitus.

Purgationes immodicae.

Fiunt vero immodicae purgationes ore vteri ob violentum factus egressum amplificato, & venis quibusdam ruptis, & ea propter etiam febres, rigores, horrores, cibi fastidia, macies, imbecillitas, pallor, tumor. Si secunda intus relicta sit, febres, & dolores fiunt magni, & alias purgamenta fiunt parcius, alias abundantius, quam par est, venter augetur, & durescit, febres & rigores fiunt.

Abortus eadem & partus ratio.

Quae vero de partu dicta sunt, de abortu quoque dicta putabis, qui nihil aliud esse à multis creditur, quam partus intempestiuus: & ex abortu non secus atque ex partu graua patiuntur, & in simili discrimine versantur: si quidem tum grauida, tum puerpera, & abortum facientes ex dictis incommodis non paucè moriuntur.

Aliae tamen citius, aliae serius pro corporis, & affectione-

etionis ratione, ut inquit Hippocrates lib. 1. de morb. muliebr. n. 53. & pregnantem biliosam, & agram speciatim dixit lib. eiusdem num. 42. vno & triginta diebus plerumque interire. & n. 44. puerperam pituitosam dixit mori diebus quinque, & quadraginta, de quibus alia, cui purgatio non facile procedit lib. eiusd. n. 52. & 53. dicebat, non excedere vnam & vigesimam diem.

Periculi in  
teritus ex  
partu quam  
diu manet.  
Purgatio-  
nis à partu  
tempus.

Periculum scilicet interitus ex partu tamdiu manet, quamdiu purgatio à partu naturaliter procedit, & diutius, si quid præter naturam contingat. Naturaliter autem Hippocrate auctore libro de natura pueri n. 10. & lib. 1. de morb. muliebr. n. 89. Si fœtus femina sit purgatio diebus fit duobus, & quadraginta, licet fieri possit citra periculum diebus viginti quinque, si vero masculus sit diebus triginta, licet viginti quoque citra periculum fieri possit; quamquam longius etiam huic purgationi spacium Moses tribuisse legatur, nam edito mare dies tres & triginta. edita femina duplum, scilicet sex & sexaginta constituit Leuitici c. 12. quod vero Hippocrates docuit illud est, quod est proditam ab Auicenna 21. 3. tr. 2. c. 33. quodque veluti compendium est eorum, quæ de partu ab Hippocrate tradita sunt, de quibus ante dictum est. Partus, inquit, Auicenna non extenditur in masculis ultra triginta, & in feminis ultra quadraginta dies, & plus parum. & accidunt fœtis agritudines plurimæ, sicut fluxus, & retentio sanguinis, quare perducit fluxus sanguinis ad casum virtutis, & perducit retentio menstruorum ad febres

Auicennæ  
locus per  
penditur.

febres prauas, & apostemata, & multoties accidit,  
 exitura in partu difficili: & quandoque accidit eis in-  
 flatio ventris, & fortasse moriuntur, & sanguis qui-  
 dem partus vehementioris est nigredinis, quam san-  
 guis mēstruorum, & quoniam est retentionis longioris  
 spacij. Hec Auicenna, cuius sententiam nec Aponen. diffi-  
 dicta 106. nec Iacobus de partibus recte accepit: pu-  
 tant enim, sermonem hunc esse de tempore partum pra-  
 gresso, in quo paritura percipit aliquas affectiones, quae  
 sint futuri partus indices: sed ea vana est interpretatio,  
 quam nec rationibus, nec auctoritatibus probarunt. Ve-  
 rum loquitur Auicenna de tempore, quod sequitur par-  
 tum, & posterior Interpres pro eo, quod vetus interpre-  
 tatio habet, Partus non extenditur, habet, enixatio,  
 siue enixæ tempus non extenditur &c. & est tem-  
 pus puerperæ purgationi destinatum, de quo modo ex  
 Hippocrate loquebamur. & cum dixit ultra quadra-  
 ginta dies, subiunxit ea, & plus parum, ob duos dies,  
 quos Hippocrates ultra quadraginta memorauit, in  
 quo interpretes Auicenna cecutiuisse, iam constat. Il-  
 lud recte Aponensis loco antedicto scripsit, Tempus au-  
 tem purgationis femella quadraginta ponitur diebus,  
 de generatione embriōis &c. scilicet hic est locus Hip-  
 pocrat. in libro de natura pueri, de quo ante dictum est.

Aponen. &  
 Iacobus de  
 partibus no-  
 rantur.

Quod vero adiecit Aponen. ex Leuitico, Moſen ve-  
 tuisse, puerperas tamquam immundas ingredi in San-  
 ctuarium, nisi post diem octogesium in partu femine,  
 & post quadragimum in masculo, hoc videtur qua-  
 dam

Locus Mo-  
 ſis.

dam egeat correctione, nam Levitici c. 12. fit mentio in partu masculino dierum triginta trium, & feminino dierum sexaginta sex, & licet fiat mentio dierum septem purgationis in maribus, & quatuordecim in feminis ex quibus cum triginta fiunt quadraginta, & cum sexaginta sex fiunt octoginta, tamen non constat, Moſen voluisse, dictos septem in mare seorsim accipiendos à triginta tribus, & quatuordecim in femina similiter seorsim accipiendos à sexaginta sex, ut ex his fiant octoginta, ex illis autem fiant quadraginta, hoc inquam non constat: cum septem possint cum ipsis triginta tribus rãquãpars quẽdã totius eius numeri, & quatuordecim cum sexaginta sex similiter connumerari, Sed hoc obiter.

Purgatio sanẽ à partu in maribus est dierum triginta, & in feminis duorum & quadraginta, quod in utrõq; tempus est longissimum. hocq; de partu naturali accipiendum est. alias ubi aliquid partui contingit præter naturam, ut potest purgatio ante debitum tempus cessare, ita potest ulterius produci, atque adeo incertum est tempus ex partu moriendi, nam potest mulier in partu tam maris, quam femina intra vigesimum diem à partu interire, ut dictum est lib. 1. epid. sect. 3. de Philini uxore, quæ in ipsa vicesima moriua est, & de uxore Dromæadi, quæ sexta die interijt, & lib. 3. sect. 2. de ea, quæ decumbebat in Mendacium foro, quæ perijt die decima quarta. potest quoq; puerpera egritudo extendi ultra dies dictos triginta in maribus, & quadraginta in feminis: etenim idem Hippocrâtes lib.

I. Epidem.

Incertum tẽ  
pus morien  
di ex partu.

1. Epidem. sect. 3. *egrum* s. *Epicratis* uxorem, cum po-  
 stridie à partu febre correpta esset, dicit, perfecte iudi-  
 catam, hoc est liberatam die octogesima, & lib. 3. sect.  
 3. aic in *Thaso* decumbentem apud frigidam, cum à par-  
 tu purgatio facta non esset, & febris acuta corripuif-  
 set, mortuam die octogesima (utraque semellam pepe-  
 rerat) itaque *egritudinem* ex partu perductam docuit  
 ad diem vsq; octogesimum. Sed non est hic status, & im-  
 mutabilis in huiusmodi *egritudinibus* temporis termi-  
 nus, nam potest multo longior fieri progressio pro *egri-  
 tudinis* natura: neque enim à partu morbi fiunt dum-  
 taxat acuti, sed sunt multi quoque diuturni, qui ad  
 multos menses producuntur; quamobrem intelligimus  
 terminum dierum triginta, vel quadraginta, non esse,  
 ultra quem ex partu causa mulier non moriatur, sed  
 ultra quem morbus non fiat, qui sit partui imputandus.  
 nam causa partus dumtaxat oriri morbum existima-  
 mus, cum intra tempus oritur, quo purgationes à par-  
 tu prodire solent, ut dictum est, habita marium & fe-  
 minarum ratione. intra id vero tempus quacumque die  
 mulier agrotarit, partus causa, vel occasione incidisse  
 in *egritudinem* dicenda est, (et si constaret causam aliam  
 quamcumque ad partum accessisse) Hippocrates enim  
 aliquando scitipsit, ipso die partus ortam esse *egritudi-  
 nem* ut lib. 3. Epid. sect. 2. *egro* 12. ut etiam die abor-  
 tus dixerat in *egro* 10. aliquando vero postridie à par-  
 tu, ut lib. 1. Epidem. *egro* 5. & 11. aliquando tertio  
 die, ut in eodem 3. Epidem. sect. 3. *egro* 2. aliquan-

Tēpus, quo  
 morbus na-  
 scitur ex  
 partu.

Hippocrat.  
partū, abor-  
tum, & gra-  
uiditatem,  
tāquā cau-  
sas morbo-  
rum quas-  
dam recen-  
set.

do die quartodecimo, vt lib. 1. Epidem. sect. 3. agro 4.  
Nec dubitandum eas mulieres partus caussa, vel  
occasione agritudine correptas quoniam Hippocrates  
non alia de caussa partum memorauit, quam vt caus-  
sam indicaret agritudinis, vt cum abortum memorat  
lib. eod. 3. sect. 2. agro 10. & 11. & grauiditatem vt  
lib. 1. sect. 3. agro 13. Sic enim solet, caussas agritudi-  
num afferre, vt patet ex alijs narrationibus, ac pra-  
sertim in mulieribus, quae vel citra partum, & abor-  
tum, & citra grauiditatem egrotarunt. sic enim ad fi-  
nem lib. 1. Epid. in Melidia paucitatem mensium accu-  
sauit, & in 3. lib. sect. 3. in Thaso mulierem dixit ex  
maerore cum occasione agrotasse, & ex simili caussa Deal-  
eis uxorem, & in 7. lib. Cleomenis uxorem ex lassitu-  
dine, & Pausania filiam ex fungi esu egrotasse narra-  
uit. Sed & in alijs multis caussis agritudinum recen-  
suit, vt lassitudinem, potationem, exercitationem in-  
tempestiuam, calefactionem, victum prauum, cursum,  
venereum, quibus manifestum sit, abortum quoque par-  
tum, & grauiditatem, tamquam caussas agritudinum  
narratas esse. Nec dubitandum quia non dixerit ex gra-  
uiditate, vel abortu, aut partu morbos exortos, vt di-  
xit, ex lassitudine, ex potatione, & similia, nam satis  
superque notum existimabat, hasce caussas esse morbo-  
rum: immo cum in hisce narrationibus memorato par-  
tu, aut abortu, aut grauiditate causam aliam num-  
quam exposueris, eo indicauit, his se caussis acquie-  
uisse.

Iraque



Itaque concludendum est, non solum eas, quæ moriuntur in ipso partus articulo, partus causa interire, sed illas etiam, quæ post partum moriuntur etiam post diem tricesimum, & quadragesimum, dum morbus oriatur ante diem tricesimum, si masculus ortus est, vel ante diem quadragesimum, si nata femina est.

Quæ dicatur partus causa interire.

Neque mortis tempus est obseruandum, & æstimandum, sed ægritudinis principium, cum enim (ut ante dixi) morborum alij breues, alij diuturni sint, omne genus occasione partus nasci potest; cumq; in utroque genere letales morbi sint, & idcirco partus occasione diuturnus, idemque letalis morbus nasci possit, ergo potest mulier occasione partus diu egrotare, & perire post dies, non solum quadraginta & octoginta, verum etiam post plures menses. Sed ut intelligatur partus causa perierit necne, initium est ægritudinis obseruandum, & his non est dissimilis ratio abortus. itaque Hippocrates lib. 1. de morb. mul. inquit, Transmutationes, & fines eisdem morbus habet, siue ex fœtus corruptione, siue ex partu vteri vlcerati fuerint. De graviditate minus dubitari potest, nam tempus eius statutum est, nec potest mulier effugere, quin pariat, vel abortum faciat, nisi pereat ante partum, vel abortum. atque tunc non est obscurum perierit nec ne in graviditate.

Non tempus mortis, sed ægritudinis principium obseruandum.

Abortus similis partui

Quæres fortasse, utrum quauis ægritudo superueniens mulieri vterum gestanti; quamobrem mulier ea moriatur; imputanda sit graviditati. cui quæstioni ex Hippocratis auctoritate respondendam est, qui Apho-

Ægritudo quauis superueniens gravidis imputanda graviditati.

20  
 21 *rism. lib. 5. aph. 30. Inquit, Mulierem utero geren-*  
 22 *tem morbo corripi acuto, letale. At nonne morbus om-*  
 23 *nis acutus letalis est? hoc sane Hipp. docuit lib. 1. acut.*  
 24 *1. 2. cur ergo notat in gravida letalem esse morbum acu-*  
 25 *tum? sane superflua videtur admonitio, nisi indica-*  
 26 *re voluit, graviditatem gravius periculum efficere,*  
 27 *quamobrem, quæ alias potuisset evadere, eo nomine quod*  
 28 *gravida est, perniciosore morbo correpta, in graviore*  
 29 *discrimine versetur, quamobrem mortem graviditati*  
 30 *imputandam Hippocrates voluit. Utque non refert,*  
 31 *morbum eundem acutum, posse extra graviditatem in-*  
 32 *terficere: etenim vult nihilominus Hippocrates gravi-*  
 33 *ditatem causam esse: ita non refert, utero gerentem*  
 34 *incidere in morbum, non quia prægnans sit, sed ex alia*  
 35 *caussa manifesta, ut ex saltatione, ex intemperantia,*  
 36 *& alijs quibuscumque, nam ostensum est, nullam mu-*  
 37 *lierem ex graviditate, quæ secundum naturam est, pe-*  
 38 *rire, sed accedente casu aliquo præter naturam, à caus-*  
 39 *sa interna, vel externa, quapropter cum mulier gra-*  
 40 *vida, morbo correpta ex quacumque causa, periclitatur,*  
 41 *graviditati periculum & mors (si sequatur) imputan-*  
 42 *da est. & graviditatis exceptioni locus dandus:*

Vtrumori  
 morbus ex  
 graviditate  
 possit intra  
 diem 23. &  
 concepisse  
 mulierē di-  
 cō tempo-  
 re cognosci.

Sed fuit olim proposita questio, utrum diem intra vi-  
 gesimum à primo concubitu mulier incidere in morbum  
 possit, qui sit graviditati imputandus: quamobrem, si  
 vel intra hos dies moriatur, locum habeat exceptio di-  
 cta, quia prægnans defuncta sit. Iude autem oritur du-  
 bitatio, quod nec tam paucis diebus intelligi possit, mu-  
 lierem

lierem concepisse, & utero gerere, nec Galenus visus  
 sit voluisse, morbos ex graviditate intra dictos dies ori-  
 ri, cum cistam vocatam, pregnantibus familiarem,  
 docuerit, non nisi secundo, aut tertio mense fieri lib. 1.  
 de sympt. caus. c. 7. Verum, intra tempus propositum,  
 & fieri morbos, & graviditatem dignosci nihil est, quod  
 prohibeat, & debeat dissuadere. Morbis orituris tem- Morborum  
ortui nullū  
tempus pre-  
finitum  
 pus nullum prefinitum est, & quocumque tempore mor-  
 borum cause presto sint, morbi nascuntur, si corpus ad  
 egrotandum paratum sit. Si ergo graviditas (ut ante  
 dictum est) morborum, pro corporis constitutione, caus-  
 sa est, poterit mulier gravida quandocumque morbum  
 concipere. Quod si Galenum putes docuisse, primo men-  
 se graviditatis Cistam non fieri: tamen non est aliarum  
 par agnitudinum ratio. Sed nec Cistam Galenus ne- Cistam fieri  
primo etiā  
mense.  
 gavit primo mense fieri. quinimmo, posse fieri, ex eius-  
 dem verbis accipimus, nam loco dicto inquit, Sic affi-  
 ciuntur plerique usque ad secundum, & tertium men-  
 sem, in quarto vero desinunt. quæ verba clare signifi-  
 cant terminum, ultra quem Cista non fiat, sed non  
 unde incipiat. relinquunt tamen, ut intelligamus pos-  
 se oriri primo mense, & ad quartum perducere, legitur  
 enim ἀπὸ τοῦ πρώτου, καὶ τρίτου μηνός, at præpositio ἀπὸ signi-  
 ficat terminum ad quem, non à quo (ut dici solet) cu-  
 ius termini, à quo, Galenus mentionem non fecit, ut  
 rei nasci, & recepta: namque cum primum mulier conce-  
 pit, eo potest morbo aliquo corripitur, nec minus Cista. cum-  
 que hic Galenus subiungat, se locutum de tempore, quo  
 factus

fetus conceptus dicitur græce *ἔμβρυον*, non autem *ἰμβρυον*,  
 nostram interpretationem confirmat, nam Aristoteles  
 lib. 7. de hist. animal. c. 3. docuit, *ἰμβρυον* dici fetum  
 dierum quadraginta, *ἔμβρυον* vero tum hunc, tum iu-  
 niorem. ergo non excluditur primus mensis, sed potest  
 illo mulier tum alias, tum Citta egrotare. Quod potest  
 quoque sumi ex Galeni eiusdem ad s. aph. 61. ubi ait,  
 fastidia nasci in gravidis eadem, qua pica ratione: sed  
 fastidia oriuntur primis diebus ergo, & citta potest, quia  
 ab eisdem causis oritur. Sed accedat Aristotelis testi-  
 nium ex eiusd. lib. 7. de hist. an. c. 4. diserte tradentis,  
 gravidis mulieribus accidere corporis totius gravita-  
 tem, oculorum caliginem, capitis dolores, his quidem  
 die decimo, his autem tardius, ut magis, minusue à  
 materia superuacanea tentantur. Sed, hoc, demum,  
 Hippocratis fuisse consilium, licet inde accipere, quod  
 morbos pregnantium plerumque describit absque tem-  
 poris definitione, & quamvis multi sint, qui nonnisi fe-  
 tu adulto fieri possunt, tamen non desunt, qui fieri omni  
 tempore possunt.

Conceptum  
 primis die-  
 bus cogno-  
 sci posse.

Quod vero cognosci possit intra diem vicesimum ter-  
 tium, mulierem concepisse, & utero gerere, non est  
 difficile ex veterum documentis cognoscere, Hipp. pri-  
 mum s. aph. 62. inquit, Si mulieri cessent purgationes  
 neque febris, neque rigor superueniat, & fastidia inci-  
 dant, indica ipsam in ventre habere. Cum autem hæc  
 dixerit, potest sepe contingere, ut mulier concipiat, cum  
 menses, cum paucis ab ipso conceptu diebus accedere de-  
 buissent,

buisse, non accesserint. itaque accedentibus ad mensum defectum fastidijs, intelligitur in utero habere, licet intra diem à conceptu vicesimum. quibus addi quoque potest, experimentum aqua mulsa, de quo s. aph. 41. & lib. de sterilib. insuper Hipp. monuit lib. de genitura, & de sterilibus, & Arist. lib. 7. de hist. an. c. 3. obseruandum, utrum, cum vir semen emiserit, sicca vulua remaneat: in qua re obseruanda licet Hippocrates desideret mulierem partus peritam, tamen declarauit & partus expertem posse hoc idem cognoscere: ait enim, hoc ab alijs mulieribus percipi posse, vt fecit cantrix illa, de qua idem Hipp. lib. de natura pueri. demum grauitas corporis, oculorum caligo, capitis dolores dieti superius ex Arist. docent posse conceptum primis ipsis decem diebus cognosci, nedum ante vicesimum tertium, vt proponitur. Sed ex dietis apparet, posse intra idem tempus mulierem agrotare, & interire: modo simus memores, grauiditatem non esse per se causam agnitudinum & moris, sed ob adiunctos morbos, qui tamen in grauidis periculosiores sunt, vt ante dicebatur. Sumendumque est, & inter conceptus diem, & morbi exortum, spatium, & tempus interponi, quo indicia conceptus appareant: quod intra decem primos dies fieri potest, vt dictum est: alias si concipiat simul & agrotet, minime iudicare hoc signo valeamus, eam utero gerere.

Si queratur similiter de abortu, & de partu, scilicet utrum quouis agnitus superueniens puerperæ intra dies triginta in fetu masculino, & quadraginta duos in femel-

Aegritudo quævis putanda, necne respondebo, partum prorsus accusandū: hoc enim Hippocrates indicauit, cum in libris Epidemicis de mulieribus, quæ à partu egrotarunt, satis habuerit dicere, peperisse, nec magnam aliarum videatur causarum rationem habuisse. Vti quoque cum de grauidis verba fecit: nam lib. 1. Epidem. sect. 3. agro 4. Philini dixit uxorem peperisse filiam, & purgatione facta ex præscripto naturæ, cæterisq; recte habentibus, decimo & quarto à partu die correptam igne (id est febre ut Gal. interpretatur, ardentissima) cum rigore: sed eius rei nullam præter partum, attulit causam, quam, si aderat, & æstimabatur, prætermittere non debuisset: dixit quidem purgationem cessasse, sed ita ut videri possit, febrem ortam prius, purgationis vero suppressionem secutam potius, ut symptoma, quam prægressam esse ut causam. Licet enim Galenus interpretatus sit, huic mulieri ex retenta à partu purgatione morbum & mortem contigisses tamen hoc Hippocratis verba non significant: quod ex duobus accipitur, primumque hoc est, dixit, febrem aduenisse, cum esset purgata secundum naturam & ὡς τὸν κατὰ φύσιν Ἀπορροήν. Ergo non ex retenta purgatione febris orta. Nec dicendum purgationis nomine secundina vocata eiectionem acceptam: quia hæc interpretatio non est alijs Hippocratis locis consentanea, in quibus, agendo de mulieribus, reperitur hoc usus vocabulo purgatio κατὰ φύσιν, pro sanguinis euacuatione: sic s. Aphorism. 61. si vtero gerenti purgationes

eant,

Examen hi  
storie li. 1.  
Epid. sect.  
3. agro 4.

eant, & si non esset, & si non esset purgatione. Itaque hoc etiam loco purgationem intelligimus sanguinis a parietibus quam necesse est perseverasse usque ad diem decimumquartum, & quod aliquis acciperet ex ipsius vi dictionis radremus quoniam; quod praesens est temporis participium, perinde a quo dixisset, dum purgatio fieret, itaque ut servatum est tempus praesens illis, leuiter agentem, & quod de hoc est praesentis temporis participium; sic in hoc munus debuisse servari quo intelligitur, purgationem mansisse usque ad diem decimumquartum, namque ait Hippocrates, eo die febrem exortam, dum purgatio fieret, & aliam bene haberet, sed vim dictionis huius non tamen facio; nam Græcorum non me latet in usu temporis licentia; & in eadem oratione inueni, quod est praesentis temporis verterunt in praeteritum, & recte, id est cum peperisset; Sed mores mouet ipsa; nam si purgatio secundum naturam processit, & aliam leuiter habuit, hoc usque ad diem, quo caput egrotare perseverasse oportuit; nam si ante illud tempus desisset, dici non potuisset, factam secundum naturam esse, neque quoniam inueniendum; si quis hoc confirmet eo, quod dictum est, appositum pharmaco, id est pessario vocato, & in eadem, secundum hac locuta est, hoc est dolorem ceteri, si quos ait die decimoquarto exortos, sublati, purgatione, & quoniam inueni dicat eodem tempore colubatum, & cetera reliqua remanserint, & mulier defuncta sit, argumento autem



est, febrem à retenta purgatione ortam non esse, quia renocata purgatio nihil opis aduersus febrem attulerit. Cum ergo dicitur, huic mulieri, febrem à suppressa purgatione ortam esse, interpretatio est uerbis Hippocratis minime congrua. Accedit & alterum: Nam Hippocrates inquit, decimo & quarto die ignis inuasit cum rigore. huic cor primum dolebat, & hypocondrium dextrum, muliebrium dolores, purgatio desita est, quibus uerbis non semere, & absque ordine res enarrauit, nec crediderim illud aduerbium, primum, sine causa appositum, sed importune appositum esset, nisi cetera ordine narrare constitisset, eoque accipiendum, purgationem postremo loco narratam pro causa non receptam ab Hippocrate, nam causa ut praecedit, ita priore loco asserri debuisset, nisi quis narrata illa quatuor symptomata, eodem tempore putet exorta: & illud, primum (græca tamen significantias, appropinquare cum inciperet, scilicet febrile) dolorem cordis comprehendere, & praecordij dexteri, & muliebrium, & purgationis defectum; tamen cuncta hac febre posteriora euenisse, dictio illa demonstrat: eoque efficitur, parum, licet naturalem, agriitudinis causam fuisse, non qua naturalis fuit, sed qua nonnihil præter naturam latuisse necesse est, ut dictum sit ab Hippocrate secundum naturam purgatione facta, & alias leuiter degentem, quia quod latebat, nondum apparuerat; à quo febris oriri potuit die decimoquarto, quam secuta sunt quatuor enarrata symptomata: quapropter, si suppressio purgationis febrem induxit, hoc  
tamen

tamen debuit partui adscribi, quia purgatio in femina exortu secundum naturam ad diem quadragesimum perducitur; licet possit etiam sine periculo ad diem vigesimum quintum desinere. Cum autem huic mulieri die cessauerit decimoquarto, hoc sine periculo fieri non potuit. Sed non hoc agitur, idque solum admonemur, quod Hippocrates, cum partum memorat, alio causæ genere prætermisso, partum ipsum pro causa accipi, voluerit: non tamen quia naturalis est, licet multis diebus naturalis videatur, quod est dignum animadversione; nam in alia eiusdem libri narratione, dixit, Epicratis uxorem bi-duo ante partum riguisse debementer sine calore, tertio die peperisse femellam, & reliqua omnia euenisse pro ratione, καὶ ἅλλα πάντα καὶ λόγῳ ἰλθῶ, si ergo alia omnia secundum rationem, ergo non solum secundarum eiectionem (quod aliqui dixerunt) sed & purgationem à partu factum oportuit secundum rationem: tamen productus est morbus usque ad diem octogesimum. Ergo morbi causa graviditas & partus, cum lateret aliquid; quamobrem & rigor ante partum accessit: etsi naturalem fuisse partum significauit. quibus similia leguntur eodem libro de Dromeadi uxore, quæ non quidem riguit ante partum, sed femellam peperit, & alia omnia facta sunt secundum rationem, ut in priore. Verum hæc breui mortua est, nec aliam ob causam, nisi quia partus non erat naturalis, ut videbatur, & latebat anguis in herba, quod euentus docuit. Nec Vallesius persuadeat, facta omnia secundum rationem quia

secundina eiecit, etenim secundinarum eiectiones non sunt omnia, sed & purgationes secundum rationem à partu factam; verba illa; & alia omnia comprehendunt, nec item persuadent morbum huic accidisse, ob purgationem suppressam in tempestive, nam si primo die partus omnia secundum rationem enervaret, ergo & purgatio, cumque die altera febris orta sit, non ergo à suppressa expurgatio, ergo à partu, qui non erat, ut non debeatur; naturalis, cum intus laterent, & quiescerent morbi semina, quæ non eodem semper tempore germina emittunt. Dicimus quidem à suppressa post partum purgatione; in Ephaso ægrotasse mulierem, de qua lib. 3. Epid. sect. 3. ægro 2. cum speciatim scriptum sit à partu illam febre correptam; cum purgatio facta non esset, & dicitur in præfatione, quod etiam dicendum de illa, quæ libro eodem inferius dicta est in Cyzico gemellos cum difficultate peperisse nec valde purgatam esse, & in præfatione, quod & libro 2. sect. 2. eisdem verbis proditum est. In his ergo Hippo satis habuit pro causa ægritudinis partum memorasse ut lib. eiusdem. 3. sect. 3. ægro 10. & 11. abortum recensuit (quo amba illa mulieres defunctæ sunt) omni ommissa aliarum causarum mentione. alias tam de viris, quam de mulieribus agendo, causas attulit nominatim & alias, quarum antea mentio facta est. Itaque graviditatem & partum satis idoneas causas (et si morbus alias causas habuisset) & periculi & mortis æstimationem, ut ante notatum est. Sed reprehendet hanc (video) sententiam,

tiam, qui hęc legerit apud Aponensem Conc. diff. 106.  
 Si febrem post partum contingat fieri naturalem ex  
 malitia regiminis, & vniuersaliter à quacunque caus-  
 sa manifesta, nullo modo computandum à partu, sed à  
 febre solum, cum in nullo depondeat ab eodem, si pauci,  
 etiam inter partum & febrem intercedant dies, hac ibi,  
 quibus verbis significatur aperte, si morbus mulierem  
 post partum naturalem corripit, & causam manife-  
 stam, illam partui non debere imputari. Verum quod  
 Aponen. ait, dies egritudinis post partum naturalem  
 exortæ à die primo egritudinis, non autem partus sup-  
 putari debere, hoc sane dictum est ex Hippocratis sen-  
 tentia, qui morbi cuiusque dies (etiam post partum præ-  
 ter naturam) à primo die morbi, non à die partus, nisi  
 ex accidenti, ut suo loco explicatum est, numerabat.  
 quod vero ait, si morbus oritur post partum naturalem  
 ex causa manifesta, nullo modo à partu pendere, hoc  
 neque est de sententia Hippocratis dictum, neque alias  
 demonstratum: contra vero superius demonstratum est  
 morbos eosdem grauiditati, aut partui accedentes longe  
 esse, quam cum alias fiunt, periculosiores: itaque contra  
 Hippocratis sententiam, falsoque dictum est, eos in  
 nullo à partu pendere. Ergo quacunque prægnante, vel  
 abortiente, aut post abortum, aut pariente, vel post par-  
 tum defuncta, dum intra dictos dies triginta in mari-  
 bus, vel duos & quadraginta in feminis, vel si in ip-  
 so die trigesimo, aut quadagesimo secundo morbus oria-  
 tur (quibus exactis diebus iam non dicitur partus  
 causa

Conclusio.

caussa morbus oriri) exceptio locum habebit.  
 Sed quæri potest, si mulier ex quacumque causa vtero laboraret (quisquis ille morbus sit) atque interim conciperet, & gravida, vel abortu facto, vel à partu moreretur, cui mors huius tribui deberet? num labori primo, ita ut exceptio locum non habeat? nequaquam: si namque cum illo labore ita vixit, ut concipere potuerit, dubio procul absque conceptu vivere diutius potuisset, ergo mors ea tribuitur graviditati, aut abortui, aut partui, & exceptio locum habebit.

Quæri quoque potest, si mulier vtero ex quacumque causa laboret, interimque concipiat, & post abortum, aut partum intra tempus dierum triginta, aut duorum & quadraginta agrotaret, & sanaretur vel intra, vel ultra eosdem dies, atque manente eodem uteri labore aliquot diebus, quocumque ultra præfatum numerum eodem iterum morbi genere capiatur & pereat, erit ne mors partui, vel abortui tribuenda, quoniam recidiva sit, quæ naturam refert prioris morbi & in eiusdem morbi causas refertur? nequaquam: quoniam ubi sanata semel est post partum, vel abortum; iam est illi statui, in quo fuit ante conceptum, restituta: quo tempore si ex vteri labore periisset, nulla exceptionis ratio habenda fuisset, cum neque gravida esset, neque abortum fecisset, neque peperisset. Similiter igitur eadem prætereunda exceptio est, cum post recuperatam valetudinem iterum agrotat, sed extra tempus puerperarum purgationi assignatum. Neque dicenda est recidiva

recidiva simpliciter, quæ in partum, vel abortum referenda sit, quia dictum extra tempus iam nulla vis est, & ratio habenda est nulla partus, vel abortus: cumque sumatur, illam sanitati pristina restitutam, necesse est, vitium illud vetus uteri à noua causa externa vel interna, ut contingit saepe sine conceptu, irritatum esse.

Sed quaesitum est illud quoque, si uterus, antea bene & secundum naturam constitutus, dum grauida mulier est, vitium contrahat, aut post abortum, vel partum; egrotetque mulier intra purgationis tempus, si interim occidat, mors ea partui, aut grauiditati tribui debet, ut dictum est; sed sana hæc euadat quandocumque: Si ultra purgationis tempus denuo eodem morbo capiatur, & noua causa nulla accesserit, erit ne secundus hic morbus grauiditati imputandus, aut partui, adeo ut exceptioni sit locus? omnino, si constet nouam causam nullam aduenisse, quoniam recidiva est, cuius eadem est, & prioris morbi natura, atque cessauerit licet causa remotior, grauiditas, vel abortus, vel partus, propinqua tamen eadem manet, uteri scilicet vitium à remotioribus illis causis exortum, in quod sequens morbus referendus est. Verum esse hanc recidivam, & nullam aduenisse causam internam saltem (si forte a se de externa essemus certi) hoc est ad probandum, & demonstrandum difficillimum. Nec similis casus est ei, de quo dictum est ante, si morbo capiatur mulier grauida, vel à partu, aut abortu, accesserit licet alia euidentis causa, & intereat; mortem esse grauiditati,

tati, aut parvi impudam, non est res ea, inquam,  
 similis: nam in hac extat. nota causa agnitio-  
 nitiditas, aut partus, aut abortus, sed in re proposita  
 nihil est quod doceat esse recidivam; & utriusque vitium  
 semper perseverasse, a quo ut prior, ita posterior morbus  
 exortus dici possit: nam cisi potuit perseverare, & in-  
 terim non esse molestus (ut est in omnibus rebus vici-  
 situdinem quaedam laboris, & quietis) non est tamen ne-  
 cessarium, & perseverasse vitium illud, & ex eo mor-  
 bum letalem ortum esse, hoc est ex ijs, quae nequeunt  
 probari, & demonstrari; proptereaque in hoc casu lo-  
 cum exceptio non habebit.





A P P E N D I X  
DISPUTATIONIS  
DE MORTE  
CAVSSA PARTVS

AD IVLIVM BENIGNVM I. C.  
Clarissimum, in Romana schola professorem  
primarium, sacrae Consistorialis aulae,  
& pauperum aduocatum.

Marfilius Cagnatus.



**S**ERMO ille, quem habuisti mecum  
proximis diebus, Iuli ornatissime,  
postquam tuis data erant, quae de  
morte causa partus scripseram; cum  
diceres, videri quidem tibi, me apte  
satis ad rei naturam explicandam  
scripsisse, sed taxam nimis viam exceptioni; cuius caus-  
sa scripseram; fecisse; me adduxis, ut hac ad te perbre-  
ui epistola summam fere quandam rei disputatae, & ve-  
luti appendicem antea scriptis adiungerem, & adhuc  
nonnihil adumbratam sententiam meam, colore quo-  
dam inducto, magis exprimerem.

Exceptio igitur, iam recepta, non ut inanis apponi-  
tur,


tur, sed *ut* efficax sit. quo autem pacto efficax sit, hoc definire necesse est. Cum itaq; partus per se causa mortis minime sit; quia res est maxime naturalis; debet partui aliquid accedere, quod valeat per se mortem inducere. Sed considerandum est in primis, duas esse in exceptione particulas, scilicet, ex partu, & causa partus, & prepositionem, ex, in prima particula, significare, quod Iuris Consulti dicunt, causam immediatam; quia contingit mulieres nonnullas, ex partu difficili & laborioso confestim interire, vel quia fetus grandior; quo nomine primipara praesertim laborant; vel quia egreditur in pedes, vel in nates, pedibus ad caput conuersis, & similia, vel quia fatum in utero extinctum necesse est vi magna extrahere, quem laborem non ferentes aliquae subito intereunt, cuius interitus non alia est causa, quam partus difficilis; ideoque mulier ex partu defuncta dicitur. Altera vera particula, causa partus, non idem significat, quod prima, nec frustra creditur apposita. Diximus autem, partum per se numquam esse causam interitus, sed ex accidenti (ut dici solet) & oportere partui adiungi aliud, quod per se letale sit, & vera sit causa mortis. Verum dicitur, causa partus, quia ad causam illam interitus veram adiuncti partus labores, rem periculosiorem efficiunt, neq; aliud in hac secunda particula nomen, causa, significare potest, quam occasionem; est autem occasio tempus aptum ad aliquid faciendum, vel patiendum; & causam pro occasione accipi, notius est, quam hoc loco debeat explicari.

uari. Quod vero per se potest puerperam interficere, hunc  
 necesse est morbum esse, quem non producit ipse per se  
 partus, sed si quæ causa morbi ad partum accesserit.  
 quæ tum interna, tum externa potest esse: & morbus  
 potest oriri in ipso partus articulo, vel paullo post eodem  
 die, vel postridie, vel multis post diebus vsque ad tri-  
 gesimum in maribus, vel quadragesimum secundum in  
 feminis; hi namque termini sunt, intra quos puerpera.  
 eo nomine, quo peperit, obnoxia morbis est. Hisque in-  
 telligimas (si attentius inspiciamus) nec ipsum partum  
 difficilem ante dictum per se interficere, sed ob id, quod  
 ei accedit præter naturam, quamobrem cum labore ma-  
 ximo uterus aperitur, & tamquam vulnere magno, &  
 letali afficitur. itaque cum dicitur, ex partu, ad signi-  
 ficandum (ut dictum est) causam immediatam, illud  
 potius dicitur, quod videtur, & existimatur, quam  
 quod vere est. Interim igitur, dum rei naturam sequi-  
 mur, mortem dicimus induci à morbis ad partum acce-  
 dentibus (à quacumque causa etiam externa nascan-  
 tur) si non ultra dictos terminos oriantur; licet ultra  
 producerentur: etenim morborum exortus observandi,  
 non exitus eaque videtur mens fuisse contrahentium,  
 exceptionem tamdiu locum habituram, quamdiu manet  
 periculum, quod imminet ob partum: manet autem toto  
 dicto tempore, habita sexus ratione. Si vero spatium  
 hoc sæuoris ratione laxum nimis videtur, lege est defi-  
 niendum, intra quot dies à partu, morbus eiusmodi  
 censendus sit, qui exceptioni locum præbeat. & defi-  
 nien-

niendum quoque, *verum exceptio recipienda sit, vel  
reijcienda, cum morbi à caussis externis intra di-  
elutem tempus nascuntur: quorum quia neutrum lege  
definitum est, ideo rei naturam consideramus, & se-  
quimur.*



MARSILLI  
CAGNATI  
DE LIGNO SANCTO  
PRIMA DISPUTATIO.



NON est, quod aliquis miretur  
amplius, incredibilem opinionum  
varietatem in plantarum gene-  
ribus diuersarum recognoscendis;  
etenim non ille sunt dumtaxat  
huius diuersitatis causse, rerum  
genere differentium similitudo,  
nominum confusa varietas, linguarum diuersitas, au-  
ditorum in ijs describendis negligentia, & aliquorum  
(dicere liceat) imperitia: Sed preterea ambitio, ani-  
mi contumacia, lucri cupiditas, & insitum quorundam  
studium contradicendi, & nouas, licet absurdas, opi-  
niones suscitandi. Quod experti nuper sumus, dum  
ageretur de ligni cuiusdam, quod sanctum vocatur, re-  
cognitione: cum res iamdiu citra controuersiam proba-  
ta, & in usum citra omnem suspicionem recepta, ad-  
disquisitionem per sciolos nonnullos, rerum cupidos no-

narum, reuocata esset. De qua re, postquam in publico congressu diuersorum opiniones exploratae sunt, & audita, necessarium quoque visum est (quod facile quiuis confiteretur) ea litteris tradere, quae veritatem pateficerent, atque illustrarent.

Dubitatum est igitur de huius ligni tum genere, tum salubri facultate: propterea quod lignum sanctum verum non videatur: Sed (ut quibusdam persuasum est) nouum sit ligni genus, nunc primum Romam delatum, & illud syluestre, ac fabrorum potius opificijs, quam medicinae idoneum. quod minus pingue sit, ut pote ex quo oleum extrahatur minore copia, quam ex ligno ipso sancto. quod ei cortex non adhereat vehementer, sed facile decidat. quod rimis nonnullis debiscat. quod ex nauigatione vitium aliquod contraxerit. quod ex eo decoctum (ut vocant) conficitur acrius multo, quam ex alio quodam genere, quod solum vere lignum sanctum, & guaiacum à nonnullis creditur. quod demum obseruatum sit illis, qui huius decocto vsi sunt, nocuisse. Verum, ut intelligatur, quale sit hoc ligni genus, de ligni sancti nominibus, & differentiis necesse est nonnulla ex auctoribus repetere. Atque illud in primis ex Fallopio, qui libro de morbo gallico cap. 39. inquit, habemus igitur guaiacum, & lignum sanctum, quamuis in consultationibus sumamus has arbores indifferenter: quibus verbis significauit, illud, quod vere guaiacum est, ex descriptione Consalui Ferdinandi, vocari consueuisse lignum sanctum. Quae fuit

Nominum  
confusio.

nominum confusio Brasauodi quoque tempestate, qui libro de morbo gallico, differens de guaiaco, inquit, vocatur & lignum sanctum, & palum sanctum, & lignum crucis. hac ille. Cumque iam diu proditum sit, lignum, quod ex insula Sancti Dominici ferebatur, dictum esse guaiacum; & quod ex insula Sancti Ioannis dictum esse lignum sanctum, tamen Alphonsus Ferrus scribens de morbo gallico, & ligno sancto, duo hac, & tertium, quod ex insula sancta crucis vehabatur, vocauit promiscue lignum sanctum. itaque de nomine certandum non est, statuendumque ligni sancti nomine guaiacum etiam significari.

Sunt igitur duo iam ligni genera, hoc nomine alterum, cuius fuit Roma postremis hisce temporibus vsus admodum vulgaris, & frequens, meditulliumque habet nigrum quidem, aut nigrescens ex rufo, sed orbe non magno, nam lato valde circundatur albente circulo (vocamus autem nigrum, licet aliquando color videatur medius nigrum inter & rubrum, & leonatum appellant) alterum vero, cuius non fuit his eisdem temporibus frequens adeo, & vulgaris vsus: cuius nigrescens meditullium tantum est, ut albens circulus vix aequet digiti crassitudinem. estque in hoc genere varietas aliqua, nam alterum habet medullam altero nigriorem. Sed est genus tertium ab his diuersum, quod nigri quidem habet plurimum, sed partem albam distinctam habet nigris intercurrentibus latis maculis, fere quadrangularibus, quibus externus ille circulus

Ligni sancti  
differencia.



ex albo, & nigro distinctus; coronæ cuiusdam speciem exhibet, cuius decoctum amarum quidem; sed absque acritudine percipitur. Videtur denique genus quartum esse, quod rufum est fere vniuersum, cortice excepto, quodque in eius medio nigri aliquid apparet, cuius decoctum est sine acrimonia modice amarum, de quo Brasauola locutus est, vt paulo post visuri sumus.

Sed neque de hoc, neque de tertio genere controuersia erat; deque neutro locuti sunt, qui secus opinantur. Sed questum est de secundo genere; ac primo: Vtrum sit vnum ligni genus, an duo, quorum alterum sit lignum sanctum, alterum minime: hoc igitur explicandum est, quo etiam vttrum sit prestantius, & efficacius intelligatur.

Lignū pro-  
portū vtrū  
sit lignum  
sanctum.

Constat igitur primum, neutrum horum esse genus illud tertium, quod Fallopius negabat reperiri eius tempestate, quoniam illud erat sine vlla nigredine, & substantia constabat tota, vt ille inquit, flaua. cuius tamen generis aliquid Roma videmus à pharmacopolis exponi, cuius aliud pene nihil habet nigri; aliud minimum. quod non est positum in controuersia. Nec est hoc, de quo differitur, quartum illud à Brasauola descriptum, cuius medullinū fere totum erat rubrum, de quo nihil aliud docere potuit, nisi id, quod pharmacopola quidam Venetijs dicebat, lignum esse Indicum, & saluberrimum, cum alioqui Brasauolus eo numquam se vsum professus sit. nisi decepti sint, quod pro diuerso ge-

nere

nerē acceperint, illud, cuius meditullium interdum, (ut dictum est) ex nigro vergit ad rubrum, cum vnum sit, atque adeo quartum hoc esset alterum ex dictis: quod est valde probabile, cum facile sit in re noua, & paucis bene cognita, labi, & decipi.

Sed neq; sunt duo illa ligna ex vna & eadem arbo-  
re, ut alias quidam existimarunt, qui sibi persuasērunt,  
nigriora ligna ex trunca caesa, minus nigra ex ramis:  
Non ita res habet, nam, si non coniuuentibus oculis rem  
exploremus, facies eadem in maioribus lignis, atque in  
minoribus apparet, cuius scilicet arboris truncus ha-  
bet exiguam nigredinem, eiusdem & rami habent exi-  
guam, & cuius truncus amplam habet nigredinem, eius-  
dem, & rami amplam habere reperiuntur, ergo non est  
arbor vna, sed duas esse necessarium est.

Si queratur, ex his verum sit Guaiacum nuncu-  
pandum, dicam, vel vtrumque, vel id, quod orbem  
internum nigrum habet amplissimum, & albente an-  
gusto circulo vestitur: namque huic illa congruunt ada-  
mussim, quae de Guaiaco auctores, huius rei studiosi,  
iamdudum antea prodiderunt. vtrumque Guaiacum dici  
posse, Manardi Ferrariensis auctoritate comprobari  
potest, qui, in epistola ad Cracouiensem Episcopum,  
vtrumque descripsit: cumque tertium dicat vocari pro-  
prie lignum Sanctum, & primum vocet guaiacum: de  
secundi nomine nihil dicat; si tertium proprie lignum  
sanctum dicitur, reliquum est, ut secundum quoque  
Guaiacum dicatur. Quod si cui hac argumentatio mi-

Nomen Gu-  
iacum cui  
conueniat.

nus arrideat, saltem *Monardus* docuit; primum genus, cuius pars interior nigra magna est, exterior autem alba modica, *Guaiacum* esse, atque adeo lignum hoc, cuius est usus *Roma* minus hodie frequens, ipsissimum *Guaiacum* esse, intelligitur. quodque descriptum est à *Monarde* *Hispalensi* medico ( cui multum hac praeferim in re tribuendum est ) hoc ipsum est, aut nullum; cum dicat, *Guaiacum* habere matricem magnam, & nigricantem: cum alterum, cuius est usus hodie frequentior, matricem, vocatam, nigricantem habeat exiguam: quod tamen non negauerim esse ex *Guaiaci* genere, sed equidem dixerim, esse aliud ab eo, quod est à *Monarde* descriptum, ad cuius manus, par est, tantum illud peruenisse, quod ipse descripsit, qui cum faciat illius quoque mentionem, quod ex insula *Sancti Ioannis de portudiente* affertur; quod ait esse priori quidem simile, sed inferius magnitudine, & propemodum sine matrice; hoc non primum est, ut ille ait, nec secundum potest esse: nam secundum quoque matricem habet nigrescentem, & eam satis magnam, etsi minorem ea, quae in priore ligno est amplissima: & praeterea non est arbor priore inferior celsitudine: vidimus enim *Romae*, atque nunc exstant, crassissima ex eo trunco ligna, quae excelsam non minus priore arborem hanc esse demonstrant. Itaque necesse est, statuere, secundum hoc genus fuisse *Monardo* incognitum. *Consalvus Ferdinandus*, qui naturalem *Indiarum* historiam primus scripsit, & primus orbi nostro lignorum huiusmodi figuram ver

bis exhibuit: cum dicat, Guaiacum non solum nasci in  
 insula Sancti Dominici, Sed celebre quoque illud esse,  
 magnique aestimatum, quod ex insula beata veheba-  
 tur, & Indos alios, atque alios, Guaiacum aliud, at-  
 que aliud, ut illis videtur, seligere, dicatque Guai-  
 acum habere materiam propemodum nigram; nec de am-  
 plitudine eius, vel angustia, quicquam scribat; locum  
 relinquit nobis in rellegendi, Guaiaci nonnullam esse  
 varietatem, praesertim ex soli varietate, quamobrem  
 aliud matricem illam nigram habeat alio vel amplio-  
 rem, vel angustiore. itaque relicto tertio ligno; quod  
 in insula Sancti Ioannis nascitur, cui peculiariter fuit  
 nomen lignum sanctum; duo dicimus esse Guaiaci ge-  
 nera in Vrbe, illaque in primis mutua dissidentia ma-  
 tricis nigrescentis amplitudine. Quorum illud, quod  
 matricem habet amplissimam, non est nuper in Vrbe  
 delatum, sed multos iam ante annos. quod aromatarij  
 testantur multi, praesertim seniores, & mercatores &  
 affirmatum est (quod maioris ponderis testimonium est)  
 ab homine Romano, medicoque clarissimo; qui cum sum-  
 ma laude, & admiratione annos fere quinquaginta  
 exercuit in ipsa Vrbe medicinam; Alexandro Petro-  
 nio, scribente de morbo gallico iam ante annos triginta  
 sex: is enim libri quarti capite primo, caute admodum  
 haec lignorum genera describens, quae in Vrbe ad il-  
 lud usque tempus delata, testatur, primum ait genus  
 vocari Guaiacum, cuius interior pars nigricat, exte-  
 rior sub pallida, & veluti lineis quibusdam ad fuscum  
 incli-

Lignum de  
 quo agitur  
 non est no-  
 uum in Vrbe.

inclinantibus, ac aequè distantibus per longum interse-  
cta. alterum vero peculiari nomine carere, cuius pars  
exterior magis ad album vergit, neque est tam mani-  
festis lineis distincta, interior vero nigrum quidem co-  
lorem ostendit, sed minori orbe, quam prius. Ergo li-  
gnum hoc aliorum nigerrimum Roma non iam primum,  
sed diu ante vidit, & experta est. Sed non Roma solum  
verum & reliqua Italia: namque Manardus Ferra-  
riensis loco ante dicto duo hæc eadem ligni genera descri-  
bit, quemadmodam & tertium, quod totum est album,  
ut à Petronio quoque dictum est, cuius generis hodie  
quoque trunci quidam visuntur: idque peculiariter li-  
gnum sanctum dicebatur, de quo non agitur. Sed &  
Brasauolus item Ferrariensis, eadem duo genera co-  
gnovit, & testatus est, primum genus proprie Guaiac-  
cum vocatum esse, cuius est ampla, nigraque medulla.  
Qui ergo ligni genus hoc opinantur nouum esse, toto aberr-  
rant calo, decepti eo, quod mercatores secundum genus  
(quod nec nomen habere proprium Petronius ait) Ro-  
mam crebrius detulerunt, eique adfueti pharmacopola  
quidam, mixtionem magis, quam recognitionem me-  
dicamentorum edocti, cum primum degustarunt genus  
hoc, diuersitatem admirati, & veritatis ignari, li-  
gnum sanctum esse negarunt, quasi sanctum sit alterum,  
cuius frequentiore vsum cognouerant: cum tamen  
neutri nomen hoc à primis auctoribus indicum sit, sed  
vni tertio generi, de quo non differitur. inualuit  
tamen consuetudo, ut omnia promiscue genera li-  
gnum

Error quo-  
rundam.

gnum sanctum vocentur, ut ante dixi.

Quod vero quidam sylvestre genus hoc esse dicant, Lignum sanctum omne sylvestre. hoc sane (nisi ioco dictum sit) plane ridiculum est. Si quidem traditum à nemine sit, harum arborum genus vltimum satum, cultuque, non sponte nasci, nec in sylvis provenire: Hac lase colles, campique patentes, Hac omnis, vestitur ager, inquit noster Fracastorius, quamquam poetarum licentia posterius cecinit, Hanc gens illa collit, studioque educere multo Nititur: sed qui rerum Indicarum historiam prodiderunt, de huius ligni cultura ne verbum quidem. atque Consalvus Ferdinandus testatus est, tanta copia in insula Sancti Dominici provenire, ut eo intelligatur, sponte nasci, & absque cultu: & idcirco sylvestre esse arboris genus: quamobrem vanum sit existimare lignum aliud sylvestre sanctum, & aliud sativum esse. posset dici sativum, quod translatum in aliud calum ab Indis remotum, satumque ortum est, cuius sunt planta Roma nonnulla, quarum tamen ligna, neque acrimonia, neque amaritudine possunt cum eo, quod ex Indis affertur, comparari. Sed apud Indos genus aliquod esse sativum, hoc neque Consalvus dixit, neque alius quisquam eiusmodi auctor historia. Omne igitur lignum sanctum sylvestre. quod si tandem sit aliqua sylvestris, & sativi differentia, illud potius sylvestre dicendum est, cuius nigrum est angustius medullium, quoniam ligni eius superficies saepe inequalis, & tuberosa reperitur (ut solent illa esse arbores, quibus cultura nulla adhibetur)

F

quam

quam alterius, cuius est amplissimum meditullium, le-  
uisque superficies, & minus inaequalis.

Sunt ergo vere duo Guaiaci genera (vel due species,  
si malis ita dicere) alterum quod medulla nigra con-  
stat amplissima, alterum, quod eadem constat angustiore.

Oleum ex  
Guaiaco.

Nec moueat aliquem, quod Fallopius dicat, oleum  
è ligno sancto copiosius exprimi, quam ex Guaiaco: nam  
loquebatur de tertio genere, cui peculiare nomen fuit  
lignum sanctuus, ex Insula Sancti Ioannis, non autem  
de secundo, cuius usus fuit his annis Roma frequen-  
tior, ut ante dixi: quamobrem si recuset aliquis ap-  
pellare primum genus lignum sanctum, cogitur is &  
secundum pariter genus recusare: alioqui compertum  
est, oleum ex Guaiaco primi generis copia non minore,  
quam ex altero, educi, & sunt haec Antonij Galli ver-  
ba, Guaiacum vnguinofum, ut à quo accenso resina  
profluat. palus vero crematus nullam, aut perexiguam  
exudat pinguedinem. Sed quid si ex eodem penitus ar-  
boris genere lignum aliud plus, aliud minus olei effun-  
dat? eoque efficiatur, ut ex ligno sancto proprie dicto  
alias plus, alias minus olei, quam ex guaiaco extra-  
hatur: quamobrem auctores, nondum satis res quippe  
noua, nec de facie satis, neque tam multis experimen-  
tis explorata, & cognita; potuerint de re eadem con-  
trarium vere affirmare, atque adeo opus sit ex alijs,  
non ex olei copia, vel inopia, de Guaiaci, & ligni san-  
cti natura, & viribus cognoscere, & iudicare.

Cortex eui  
facile deci-  
dat.

Nec moueat etiam, quod illi cortex facile decidat,

nec



nec adeo ligno adhereat, tamquam non illud sit, quod à Fernelio describitur, à quo laudatum illud est, cuius cortex proxime adheret; namque Monardes Hispalensis ait, cum Guaiacum siccatur, corticem facile decidere: Neque à Fernelio damnatur lignum, cuius cortex minus adheret ligno, quasi non idem sit genus, sed ei præfert in eodem genere aliud, cuius cortex adheret magis: quia signum hoc est ligni non verioris, sed recentioris, itaque & utilioris. quæ fuit Fallopij quoque admonitio.

Nec item moueat, quod Vltrichus ab Hutten scripserit, optimum rimas non facere, quas in priore ligno interdum vidimus: quoniam aliud est, lignum tamquam falsum, & adulterinum damnare, quam in eodem genere eligere, quod est optimum. Accedit Vltrichus non negasse rimas, sed tantum, à se nondum visas, professum esse, inquit enim, ut quam minimum bier, neque enim adhuc vidimus, qui rimas traxisset, & qui vendunt satisficere negant. hæc ille: sed tempus postea docuit, etiam satisficere, itaque Fernelius, neque facile videas, quod rimas traxerit. hoc non est simpliciter, & omnino rimas negare. Sed est proditum à Palmario lib. 1. de lue venerea cap. 10. lignum guaiacum saepe debilesce, & rimis, ac fissuris diffindi. quod & nos interdum vidimus. itaque rima non faciunt generis siue speciei differentiam.

Quod vero sis lignum hoc fabrorum opificijs accommodatum, non est ridendum: quoniam Consalvus idem

Rimæ in  
Guaiaco.

Guaiacum  
opificijs ac  
comodatū.

estatus est, ex Guaiaco apud Indos rotarum fieri radios, & instrumenta ad saccharum conficiendum. Nec propterea minus ad vsum medicina recipi debet: namque & Ebenus, opificiorum elegantia nata, locum habet inter remedia. quod de santalo, & de ligno aloe vocato verum est, ne dicam de margaritis, de hyacintho, zaphi- ro, carbunculo, & alijs gemmis mulierum maxime ornatui nascentibus, nec minus ad morbos curandos conquisiti.

Vitium ex  
nauigatione.

Verum autem vitium aliquod ex nauigatione contraxerit, de hoc sane dubitare, ad docendum, hoc ligni genus esse, aut non esse lignum sanctum, nihil conducit: cum in eodem prorsus genere, aliud vitio carere, & aliud quoque possit vitiosum esse. Fallopius certe docuit, non posse nos vitia dignis huiusmodi recentibus ob longam nauigationem: quamobrem, & rancida fiunt. at hoc non est dictum de aliquo peculiari genere, sed generatim, & vniuerse: quia ob regionum distantiam veterascit prius, quam ad nos comportetur. potest etiam cortex ob tenuitatem vitium contrahere, si tangatur à maris aqua. Lignum vero crassum, & solidum non adeo facile. Illud probabile non est, maiorem inde acrimoniam oriri, quæ tamen horum lignorum laus est præcipua.

Acrimonia  
in ligno san-  
to laudata.

Quod vero in decocto damnatur acrimonia, quam ob rem & linguam, & fauces pungit, & vellicat hoc, illud est, quo id altero præstantius, & efficacius cense-  
ri debet ad luem veneream debellandam, sed illud ani-  
maduer-

*mauertere pretium operę est, Antonium Gallum, ne-*  
*gasse, acrimoniam in ligno sancto, cum de ligno loquer-*  
*tur, ex insula S. Ioannis delato; sed non de Guaiaco, de*  
*quo nostra est disputatio. sed non est minor de hac re*  
*auctorum varietas, quam de oleo, & horum ligno-*  
*rum pinguedine, vt ante dixi, Ioannes Manardus epi-*  
*stola illa secunda ad Cracouiensem Episcopum dicebat,*  
*genus tertium, quod nigri nihil habet, ideo præstantius*  
*esse, quia esset acrius, atque odoratus; cum à Gallo*  
*contraria de hoc eodem ligno tradita sint. habemus*  
*tamen ex Manardo. Si, qui lignum hoc damnant,*  
*ijdem fatentur esse, quam alterum acrius; valentius*  
*quoque esse, si non dicere, saltem sentire, eosdem cogi.*  
*Cumque alterum, quia minus est acre, ideo multis*  
*placet; hi sane illud probant, quod est infirmius, & ad-*  
*uersus contumaces egritudines minus potens, & gra-*  
*tię magis videntur fludere, quam agrotorum incolu-*  
*mitati. quodque acrius est, illud potest aqua temperari,*  
*quod est minus acre, non potest aque mixtura maiorem*  
*acrimoniam recipere. Sed & Antonius Gallus cap. 4.*  
*lib. de morbo gallico, cum potum vellet mitiorem confi-*  
*cere, curabat partem nigram demoueri. Sed non est vl-*  
*lus tam rudis medicus, qui ignoret, ex eodem ligni ge-*  
*nere, pro varia hominum natura, & morborum, va-*  
*rium fieri posse, ac debere Decoctum nuncupatum: hoc-*  
*que præstari etiam, portione aque dempta, vel addita*  
*consueuisse. Dotes autem ligni huius esse acrimoniam,*  
*& amaritudinem, Fallopius diserte docuit in cap. 41.*  
*inquiens,*

Decoctū li-  
 gni sancti  
 vt mitius  
 fiat.

Dotes ligni  
 sancti.

„ inquit, Primum si deradatur statim percipiemus duo,  
 „ amarorem quendam, quo explebitur totum os, dein-  
 „ de acridinem insignem, quæ stimulat palatum, tertio  
 „ si decoquamus in aqua, primum amarescit in ore, dein-  
 „ de mordicat. & cap. 44. Si decoctum sit turbulentum,  
 „ valde amarum, & acre, bonum est, &c. & huiusmo-  
 di decoctum est, quod ex hoc fit ligno, de quo differitur.  
 quod omnino profiteor esse præstantius, quoniam præter  
 modo dicta, communis auctorum consensus est, illud  
 lignum sanctum præferendum, & tamquam optimum  
 eligendum, cuius pars maxima nigrescit interior. hoc  
 ait etiam Massa scribens de morbo gallico tract. 1. c. 2.  
 ait Vlrucus ab Hutten cap. 6. Aloisius Robera cap. 4.  
 Antonius Gallus in præfatione de ligno sancto. Ioannes  
 Baptista Montanus epistola quinta. Benedictus Vi-  
 etorius cap. 4. Fernellius lib. de lue venerea cap. 10. &  
 cum eo Palmarius loco dicto. & Fallopius. cap. 44. item  
 Monardus, Rinius, Frizimelica, Tomitanus. &  
 Mattheolus in opusculo de morbo gallico testatus est,  
 Medicis videri valentius, id, quod in superficie santalo-  
 rum citrinorum colorem, medio nigrescente, refert. Ac  
 si quando idem Mattheolus nigrum minus aestimauit,  
 hoc ideo fecit, quoniam sibi finxerat, ligni huius genus  
 vnum esse, differre sola ætate: atque ideo nigrum ve-  
 rustius, & efficax minus. Sed iam constat, Guaiacum  
 esse nigrum natura, non ætate, superiusq; dicta est ratio.  
 Sed non omittam, quod posset studiosus suspectam  
 habere acrimoniam vehementiam, quoniam Petronius  
 lib.

Lignū san-  
 ctum opti-  
 mum ex cō-  
 sensu aucto-  
 rum.

Dub. de a-  
 crimoniz  
 vehemētia.

lib. 4. cap. 1. & 3. modicam tribuit tum Guaiaco, tum ligno sancto acrimoniam: itaque scire licet, si horum comparem lignorum amaritudinem fellis, & aloes amaritudini, hanc non esse magnam, sed mediocrem: si item eorumdem acrimoniam cum scilla acrimonia contulerimus, horum esse modicam: si vero eadem ipsa lingua inter se conferantur, alterius tum amaritudinem tum acrimoniam posse magnam, alterius vero modicam videri, & iure appellari.

Nec illud præteribo. necessario accipiendum esse, hac Cur varia  
de eodem li-  
gno dicta. ligni genera differre inter se plurimum, aut solo, aut ætate, aut, fortasse, cadendi tempore, aut post incisionem longo, vel breui temporis curriculo: eoque euenisse, ut de eodem genere varia interdum fuerit auctorum sententia: nam quod pallet intus, & extra, Petronius illud amarius, atque acrius cæteris prodidit, quod & ante Manardus scripserat. quod vero nigri plurimum, albi vero coloris minimum habet, illud omnium minime esse tum acre, tum amarum. At nos hac tempestate obseruauimus sapius, quod plus habet nigredinis, illud esse longe acrius, sed minus amarum, quam alterum, cuius est minor internus orbis niger, quod pollet amaritudine sine ulla acrimonia: ne dicam, quod Rome satum est, omni tum acrimonia, tum amaritudine carere. quamobrem si quis de altero genere dubitet ob acrimoniæ vehementiam, is & de altero dubitare debet, quia caret eadem, qua præditum esse auctores volunt, atque si vera Consalius prodidit de ligni sancti præstan-  
tia,

narum, reuocata esset. De qua re, postquam in publico congressu diuersorum opiniones exploratae sunt, & audita, necessarium quoque visum est (quod facile quiuisset) ea litteris tradere, quae veritatem pateficerent, atque illustrarent.

Dubitatum est igitur de huius ligni tum genere, tum salubri facultate: propterea quod lignum sanctum verum non videatur: Sed (ut quibusdam persuasum est) nouum sit ligni genus, nunc primum Romam delatum, & illud syluestre, ac fabrorum potius opificijs, quam medicinae idoneum. quod minus pingue sit, ut pote ex quo oleum extrahatur minore copia, quam ex ligno ipso sancto. quod ei cortex non adhaereat vehementer, sed facile decidat. quod rimis nonnullis debiscat. quod ex nauigatione vitium aliquod contraxerit. quod ex eo decoctum (ut vocant) conficitur acrius multo, quam ex alio quodam genere, quod solum vere lignum sanctum, & guaiacum à nonnullis creditur. quod demum obseruatum sit illis, qui huius decocto usi sunt, nocuisse. Verum, ut intelligatur, quale sit hoc ligni genus, de ligni sancti nominibus, & differentiis necesse est nonnulla ex auctoribus repetere. Atque illud in primis ex Fallopio, qui libro de morbo gallico cap. 39. inquit, habemus igitur guaiacum, & lignum sanctum, quamuis in consultationibus sumamus has arbores indifferenter: quibus verbis significauit, illud, quod vere guaiacum est, ex descriptione Consalui Ferdinandi, vocari consueuisse lignum sanctum. Quae sunt

Nominum  
confusio.

nostrum confusio Brasauodi quasque tempestas, qui libro de morbo gallico, differens de guaiaco, inquit, vocatur & lignum sanctum, & palum sanctum, & lignum crucis. hac ille. Cumque iam diu proditum sit, lignum, quod ex insula Sancti Dominici ferebatur, dictum esse guaiacum; & quod ex insula Sancti Iohannis dictum esse lignum sanctum, tamen Alphonsus Ferrus scribens de morbo gallico, & ligno sancto, duo hac, & tertium, quod ex insula sancta crucis vehabatur, vocauit promiscue lignum sanctum. itaque de nomine certandum non est, statuendumque ligni sancti nomine guaiacum etiam significari.

Sunt igitur duo iam ligni genera, hoc nomine alterum, cuius fuit Roma postremis hisce temporibus vsus admodum vulgaris, & frequens, medicullumque habet nigrum quidem, aut nigrescens ex rufo, sed orbe non magno, nam lato valde circumdatur albente circulo (vocamus autem nigrum, licet aliquando color videatur medius nigrum inter & rubrum, & leonatum appellant) alterum vero, cuius non fuit his eisdem temporibus frequens adeo, & vulgaris vsus: cuius nigrescens medicullum tantum est, ut albens circulus vix aequet digiti crassitudinem. estque in hoc genere varietas aliqua, nam alterum habet medullam altero nigriorem. Sed est genus tertium ab his diuersum, quod nigri quidem habet plurimum, sed partem albam distinctam habet nigris intercurrentibus latis maculis, fere quadrangularibus, quibus externus ille circulus

Ligni sancti  
differentia.



ex albo, & nigro distinctus, coronæ cuiusdam speciem exhibet, cuius decoctum amarum quidem, sed absque acritudine percipitur. videtur denique genus quartum esse, quod rufum est fere vniuersum, cortice excepto, quodque in eius medio nigri aliquid apparet, cuius decoctum est sine acrimonia modice amarum, de quo Brasauola locutus est, ut paullo post visurum sumus.

Sed neque de hoc, neque de tertio genere controuersia erat, deque neutro locuti sunt, qui secus opinantur. Sed quæsitum est de secundo genere, ac primo. Vtrum sit vnum ligni genus, an duo, quorum alterum sit lignum sanctum, alterum minime: hoc igitur explicandum est, quo etiam vtrum sit præstantius, & efficacius intelligatur.

Lignū pro-  
positū utrū  
sit lignum  
sanctum.

Constat igitur primum, nouerum horum esse genus illud tertium, quod Fallopius negabat reperiri eius tempestate, quoniam illud erat sine vlla nigredine, & substantia constabat tota, ut ille inquit, flaua: cuius tamen generis aliquid Roma videmus à pharmacopolis exponi, cuius aliud pene nihil habet nigri, aliud minimum. quod non est positum in controuersia. Nec est hoc, de quo differitur, quartum illud à Brasauola descriptum, cuius medicullum fere totum erat rubrum, de quo nihil aliud docere potuit, nisi id, quod pharmacopola quidam Venetijs dicebat, lignum esse Indicum, & saluberrimum, cum aliqui Brasauolus eo numquam se usum professus sit. nisi decepti sint, quod pro diuerso ge-

nere

neri acceperint, illud, cuius meditullium interdum, (ut dictum est) ex nigro vergit ad rubrum, cum vnum sit, atque adeo quartum hoc esset alterum ex dictis: quod est valde probabile, cum facile sit in re noua, & paucis bene cognita, labi, & decipi.

Sed neq; sunt duo illa ligna ex vna & eadem arbore, ut alias quidam existimarunt, qui sibi persuaferunt, nigriora ligna ex trunca caesa, minus nigra ex ramis: Non ita res habet, nam, si non conuenientibus oculis rem exploremus, facies eadem in maioribus lignis, atque in minoribus apparet, cuius scilicet arboris truncus habet exiguam nigredinem, eiusdem & rami habent exiguam, & cuius truncus amplam habet nigredinem, eiusdem, & rami amplam habere reperiuntur. ergo non est arbor vna, sed duas esse necessarium est.

Si queratur, ex his utrum sit Guaiacum nuncupandum, dicam, vel utrumque, vel id, quod orbem internum nigrum habet amplissimum, & albente angusto circulo vestitur: namque huic illa congruunt admissim, quae de Guaiaco auctores, huius rei studiosi, iamdiu antea prodiderunt. utrumque Guaiacum dici posse, Manardi Ferrariensis auctoritate comprobari potest, qui, in epistola ad Cracouiensem Episcopum, utrumque descripsit: cumque tertium dicat vocari proprie lignum Sanctum, & primum vocet guaiacum: de secundi nomine nihil dicat; si tertium proprie lignum sanctum dicitur, reliquum est, ut secundum quoque Guaiacum dicatur. Quod si cui hac argumentatio mi-

Nomen Guaiacum cui conueniat.

nus arvideat, saltem *Monardus* docuit; primum genus, cuius pars interior nigra magna est, exterior autem alba modica, *Guaiacum* esse, atque adeo lignum hoc, cuius est usus *Roma* minus hodie frequens, ipsissimum *Guaiacum* esse, intelligitur. quodque descriptum est à *Monarde* *Hispalensi* medico ( cui multum hac præferim in re tribuendum est ) hoc ipsum est, aut nullum; cum dicat, *Guaiacum* habere matricem magnam, & nigricantem: cum alterum, cuius est usus hodie frequentior, matricem, vocatam, nigricantem habeat exiguam: quod tamen non negauerim esse ex *Guaiaci* genere, sed equidem dixerim, esse aliud ab eo, quod est à *Monarde* descriptam, ad cuius manus, par est, tantum illud peruenisse, quod ipse descripsit, qui cum faciat illius quoque mentionem, quod ex insula *Sancti Ioannis de portudiunte* affertur; quod ait esse priori quidem simile, sed inferiori magnitudine, & propemodum sine matrice; hoc non primum est, ut ille ait, nec secundum potest esse: nam secundum quoque matricem habet nigrescentem, & eam satis magnam, etsi minorem ea, quæ in priore ligno est amplissima: & præterea non est arbor priore inferiori celsitudine: vidimus enim *Romæ*, atque nunc exstant, crassissima ex eo trunco ligna, quæ excelsam non minus priore arborem hanc esse demonstrant. Itaque necesse est, statuere, secundum hoc genus fuisse *Monardo* incognitum. *Consalius Ferdinandus*, qui naturalem *Indiarum* historiam primus scripsit, & primus orbi nostro lignorum huiusmodi figuram ver-  
bi

bis exhibuit; cum dicat, Guaiacum non solum nasci in  
 insula Sancti Dominici, Sed celebre quoque illud esse,  
 magnique aestimatum, quod ex insula beata veheba-  
 tur, & Indos alios, atque alios, Guaiacum aliud, at-  
 que aliud, ut illis videtur, seligere, dicatque Guai-  
 acum habere materiam propemodum nigram; nec de am-  
 plitudine eius, vel angustia, quicquam scribat; locum  
 relinquit nobis in relligendi, Guaiaci nonnullam esse  
 varietatem, praesertim ex soli varietate, quamobrem  
 aliud matricem illam nigram habeat alio vel amplio-  
 rem, vel angustiore, itaque relicto tertio ligno; quod  
 in insula Sancti Ioannis nascitur, cui peculiariter fuit  
 nomen lignum sanctum; duo dicimus esse Guaiaci ge-  
 nera in Vrbe, illaque in primis mutuo dissidentia ma-  
 tricis nigrescentis amplitudine. Quorum illud, quod  
 matricem habet amplissimam, non est nuper in Vrbe  
 delatum, sed multos iam ante annos. quod aromatarij  
 testantur multi, praesertim seniores, & mercatores; &  
 affirmatum est (quod maioris ponderis testimonium est)  
 ab homine Romano, medicoque clarissimo; qui cum sum-  
 ma laude, & admiratione annos fere quinquaginta  
 exercuit in ipsa Vrbe medicinam; Alexandro Petro-  
 nio, scribente de morbo gallico iam ante annos triginta  
 sex: is enim libri quarti capite primo, caute admodum  
 haec lignorum genera describens, quae in Vrbe ad il-  
 lud usque tempus delata, testatur, primum ait genus  
 vocari Guaiacum, cuius interior pars nigricat, exte-  
 rior sub pallida, & veluti lineis quibusdam ad fuscum  
 incli-

Lignum de  
 quo agitur  
 non est no-  
 uum in Vrbe.

inclinantibus, ac aequè distantibus per longum interse-  
cta. alterum vero peculiari nomine carere, cuius pars  
exterior magis ad album vergit, neque est tam mani-  
festis lineis distincta, interior vero nigrum quidem co-  
lorem ostendit, sed minori orbe, quam prius. Ergo li-  
gnum hoc aliorum nigerrimum Roma non iam primum,  
sed diu ante vidit, & experta est. Sed non Roma solum  
verum & reliqua Italia: namque Manardus Ferra-  
riensis loco ante dicto duo hæc eadem ligni genera descri-  
bit, quemadmodam & tertium, quod totum est album,  
ut à Petronio quoque dictum est, cuius generis hodie  
quoque trunci quidam visuntur: idque peculiariter li-  
gnum sanctum dicebatur, de quo non agitur. Sed &  
Brasauolus item Ferrariensis, eadem duo genera co-  
gnovit, & testatus est, primum genus proprie Guaia-  
cum vocatum esse, cuius est ampla, nigraq; medulla.  
Qui ergo ligni genus hoc opinantur nouum esse, toto ab-  
errant calo, decepti eo, quod mercatores secundum genus  
(quod nec nomen habere proprium Petronius ait) Ro-  
mam crebrius detulerunt, eiq; adsueta pharmacopola  
quidam, mixtionem magis, quam recognitionem me-  
dicamentorum edocti, cum primum degustarunt genus  
hoc, diuersitatem admirati, & veritatis ignari, li-  
gnum sanctum esse negarunt, quasi sanctum sit alterum,  
cuius frequentiore vsum cognouerant: cum tamen  
neutri nomen hoc à primis auctoribus inditum sit, sed  
vni tertio generi, de quo non differitur. inualuit  
tamen consuetudo, ut omnia promiscue genera li-  
gnum

Error quo-  
rundam.

gnum sanctum vocentur, ut ante dixi.

Quod vero quidam sylvestre genus hoc esse dicant, Lignum sanctum omne sylvestre. hoc sane (nisi ioco dictum sit) plane ridiculum est. Si quidem traditum à nemine sit, harum arborum genus vltimum satum, cultuque non sponte nasci, nec in syluis provenire: Hac late colles, campique patentes, Hac omnis vestitur ager, inquit noster Fracastorius, quamquam poetarum licentia posterius cecinit, Hanc gens illa colit, studioque educere multo Nititur: sed qui rerum Indicarum historiam prodiderunt, de huius ligni cultura ne verbum quidem. atque Consalius Ferdinandus testatus est, tanta copia in insula Sancti Dominici provenire, ut eo intelligatur, sponte nasci, & absque cultu: & idcirco sylvestre esse arborum genus: quainobrem vanum sit existimare lignum aliud sylvestre sanctum, & aliud sativum esse. posset dici sativum, quod translatum in aliud calum ab Indis remotum, satumque ortum est, cuius sunt planta Roma nonnullae, quarum tamen ligna, neque acrimonia, neque amaritudine possunt cum eo, quod ex Indis affertur, comparari. Sed apud Indos genus aliquod esse sativum, hoc neque Consalius dixit, neque alius quisquam eiusmodi auctor historia. Omne igitur lignum sanctum sylvestre. quod si tandem sit aliqua sylvestris, & sativi differentia, illud potius sylvestre dicendum est, cuius nigrum est angustius meditullium, quoniam ligni eius superficies saepe inequalis, & tuberosa reperitur (ut solent illa esse arbores, quibus cultura nulla adhibetur)

F

quam

quam alterius, cuius est amplissimum medullium, levisque superficies, & minus inaequalis.

Sunt ergo vere duo Guaiaci genera (vel due species, si malis ita dicere) alterum quod medulla nigra constat amplissima, alterum, quod eadem constat angustiore.

Oleum ex  
Guaiaco.

Nec moveat aliquem, quod Fallopius dicat, oleum è ligno sancto copiosius exprimi, quam ex Guaiaco: nam loquebatur de tertio genere, cui peculiare nomen suis lignum sanctum, ex Insula Sancti Ioannis, non autem de secundo, cuius usus fuit his annis Roma frequentior, ut ante dixi: quamobrem si recuset aliquis appellare primum genus lignum sanctum, cogitur is & secundum pariter genus recusare: alioqui compertum est, oleum ex Guaiaco primi generis copia non minore, quam ex altero, educi, & sunt haec Antonij Galli verba, Guaiacum vnguinofum, ut à quo accenso resina  
» profluat. palus vero crematus nullam, aut perexiguam  
» exudat pinguedinem. Sed quid si ex eodem penitus arboris genere lignum aliud plus, aliud minus olei effundat? eoque efficiatur, ut ex ligno sancto proprie dicto alias plus, alias minus olei, quam ex guaiaco extrahatur; quamobrem auctores, nondum satis res quippe noua, nec de facie satis, neque tam multis experimentis explorata, & cognita; potuerint de re eadem contrarium vere affirmare, atque adeo opus sit ex alijs, non ex olei copia, vel inopia, de Guaiaci, & ligni sancti natura, & viribus cognoscere, & iudicare.

Cortex eui  
facile decidat.

Nec moveat etiam, quod illi cortex facile decidat,

nec



nec adeo ligno adhereat, tamquam non illud sit, quod à Fernelio describitur, à quo laudatum illud est, cuius cortex proxime adheret; namque Monardes Hispanensis ait, cum Guaiacum siccatur, corticem facile decidere: Neque à Fernelio damnatur lignum, cuius cortex minus adheret ligno, quasi non idem sit genus, sed ei praeferit in eodem genere aliud, cuius cortex adheret magis: quia signum hoc est ligni non verioris, sed recentioris, itaque & utilioris. quae fuit Fallopij quoque admonitio.

Nec item moueat, quod Vltrichus ab Huten scripserit, optimum rimas non facere, quas in priore ligno interdum vidimus: quoniam aliud est, lignum tamquam falsum, & adulterinum damnare, quam in eodem genere eligere, quod est optimum. Accedit Vltrichum non negasse rimas, sed tantum, à se nondum visas, professum esse, inquit enim, ut quam minimum bier, neque enim adhuc vidimus, qui rimas traxisset, & qui vendunt fatiscere negant. hac ille: sed tempus postea docuit, etiam fatiscere, itaque Fernelius, neque facile videas, quod rimas traxerit. hoc non est simpliciter, & omnino rimas negare. Sed est proditum à Palmario lib. 1. de lue venerea cap. 10. lignum guaiacum sepe dehisce, & rimis, ac fissuris diffindi. quod & nos interdum vidimus. itaque rima non faciunt generis sine speciei differentiam.

Quod vero sit lignum hoc fabricorum opificijs accommodatum, non est ridendum: quoniam Consalus idem

Rimas in Guaiaco.

Guaiacum opificijs accommodatū.

testatus est, ex Guaiaco apud Indos rotarum fieri radios, & instrumenta ad saccharum conficiendum. Nec propterea minus ad vsum medicine recipi debet: namque & Ebenus, opificiorum elegantia nata, locum habet inter remedia. quod de santalo, & de ligno alce vocato verum est, ne dicam de margaritis, de hyacinto, zaphi- ro, carbunculo, & alijs gemmis mulierum maxime ornatui nascentibus, nec minus ad morbos curandos conquisiti.

Vitium ex  
nauigatione  
ne.

Verum autem vitium aliquod ex nauigatione contraxerit, de hoc sane dubitare, ad docendum, hoc ligni genus esse, aut non esse lignum sanctum, nihil conducit: cum in eodem prorsus genere, aliud vitio carere, & aliud quoque possit vitiosum esse, Fallopius certe docuit, non posse nos viti lignis huiusmodi recentibus ob longam nauigationem: quamobrem, & rancida fiunt. at hoc non est dictum de aliquo peculiari genere, sed generatim, & vniuerse: quia ob regionum distantiam veterascit prius, quam ad nos comportetur. potest etiam cortex ob tenuitatem vitium contrahere, si tangatur à maris aqua. Lignum vero crassum, & solidum non adeo facile. Illud probabile non est, maiorem inde acrimoniam oriri, quæ tamen horum lignorum laus est præcipua.

Acrimonia  
in ligno san-  
cto laudata.

Quod vero in decocto damnatur acrimonia, quam ob rem & linguam, & fauces pungit, & vellicat hoc illud est, quo id altero præstantius, & efficacius cense- ri debet ad luem veneream debellandam, sed illud ani-  
maduer-

mauertere pretium operę est, Antonium Gallum, negasse, acrimoniam in ligno sancto, cum de ligno loqueretur, ex insula S. Ioannis delato; sed non de Guaiaco, de quo nostra est disputatio. sed non est minor de hac re auctorum varietas, quam de oleo, & horum lignorum pinguedine, ut ante dixi, Ioannes Manardus epistola illa secunda ad Cracouiensem Episcopum dicebat, genus tertium, quod nigri nihil habet, ideo præstantius esse, quia esset acrius, atque odoratus; cum à Gallo contraria de hoc eodem ligno tradita sint. habemus tamen ex Manardo. Si, qui lignum hoc damnant, iidem fatentur esse, quam alterum acrius; valentius quoque esse, si non dicere, saltem sentire, eosdem cogi. Cumque alterum, quia minus est acre, ideo multis placent; hi sane illud probant, quod est infirmius, & aduersus contumaces aegritudines minus potens, & gratię magis videntur studere, quam agrotorum incolumitati. quodque acrius est, illud potest aqua temperari, quod est minus acre, non potest aque mixtura maiorem acrimoniam recipere. Sed & Antonius Gallus cap. 4. lib. de morbo gallico, cum potum vellet mitiorem consicere, curabat partem nigram demoueri. Sed non est vltus tam rudis medicus, qui ignoret, ex eodem ligni genere, pro varia hominum natura, & morborum, varium fieri posse, ac debere Decoctum nuncupatum: hocque præstari etiam; portione aque dempta, vel addita consueuisse. Dotes autem ligni huius esse acrimoniam, & amaritudinem, Fallopius diserte docuit in cap. 41. inquit,

Decoctū ligni sancti ut mitius fiat.

Dotes Ilgai sancti.

„ inquit, Primum si deradatur statim percipiemus duo,  
 „ amarorem quendam, quo explebitur totum os, dein-  
 „ de acridinem insignem, quæ stimulat palatum, tertio  
 „ si decoquamus in aqua, primum amarescit in ore, dein-  
 „ de mordicat. & cap. 44. Si decoctum sit turbulentum,  
 „ valde amarum, & acre, bonum est, &c. & huiusmo-  
 di decoctum est, quod ex hoc fit ligno, de quo differitur.  
 quod omnino profiteor esse præstantius, quoniam præter  
 modo dicta, communis auctorum consensus est, illud  
 lignum sanctum præferendum, & tamquam optimum  
 eligendum, cuius pars maxima nigrescit interior. hoc  
 ait etiam Massa scribens de morbo gallico tract. 1. c. 2.  
 ait Vlricus ab Hutten cap. 6. Aloisius Robera cap. 4.  
 Antonius Gallus in præfatione de ligno sancto. Ioannes  
 Baptista Montanus epistola quinta. Benedictus Vi-  
 ctorius cap. 4. Fernellius lib. de lue venerea cap. 10. &  
 cum eo Palmarius loco dicto. & Fallopius. cap. 44 item  
 Monardus, Rinius, Frizimelica, Tomitanus. &  
 Mattheolus in opusculo de morbo gallico testatus est,  
 Medicis videri valentius, id, quod in superficie santalo-  
 rum citrinorum colorem, medio nigrescente, refert. Ac  
 si quando idem Mattheolus nigrum minus aestimavit,  
 hoc ideo fecit, quoniam sibi finxerat, ligni huius genus  
 vnum esse, differre sola ætate: atque ideo nigrum ve-  
 tustius, & efficax minus. Sed iam constat, Guaiacum  
 esse nigrum natura, non ætate, superiusq; dicta est ratio.

Lignū san-  
 ctum opti-  
 mum ex cō  
 sensu aucto-  
 rum.

Dub. de a-  
 crimoniz  
 vehemētia.

Sed non omitam, quod posset studiosus suspectam  
 habere acrimoniz vehementiam, quoniam Petronius  
 lib.

lib. 4. cap. 1. & 3. modicam tribuit tum Guaiaco, tum ligno sancto acrimoniam: itaque scire licet, si horum comparem lignorum amaritudinem fellis, & aloes amaritudini, hanc non esse magnam, sed mediocrem: si item eorumdem acrimoniam cum scilla acrimonia contulerimus, horum esse modicam: si vero eadem ipsa ligna inter se conferantur, alterius tum amaritudinem tum acrimoniam posse magnam, alterius vero modicam videri, & iure appellari.

Nec illud præteribo: necessario accipiendum esse, hac ligni genera differre inter se plurimum, aut solo, aut ætate, aut, fortasse, cadendi tempore, aut post incisionem longo, vel breui temporis curriculo: eoque euenisse, ut de eodem genere varia interdum fuerit auctorum sententia: nam quod pallet intus, & extra, Petronius illud amarius, atque acrius cæteris prodidit, quod & ante Manardus scripserat. quod vero nigri plurimum, albi vero coloris minimum habet, illud omnium minime esse tum acre, tum amarum. At nos hac tempestate obseruauimus sapius, quod plus habet nigredinis, illud esse longe acrius, sed minus amarum, quam alterum, cuius est minor internus orbis niger, quod pollet amaritudine sine ulla acrimonia: ne dicam, quod Rome satum est, omni tum acrimonia, tum amaritudine carere. quamobrem si quis de altero genere dubitet ob acrimoniæ vehementiam, is & de altero dubitare debet, quia caret eadem, qua præditum esse auctores volunt, atque si vera Consalvus prodidit de ligni sancti præstan-

Cur varia  
de eodem li-  
gno dicta.

tia, & viribus, quibus superare Guaiacum testatus est, non eo tamen efficitur, lignum, de quo diseritur, Guaiacum non esse.

Experimenta.

Nec demum moveat quemquam, quod dictum sit, lignum hoc, de quo dubium exortum est: nonnullis obfuisse: quia nihil est tam salutare, quod interdum non obest, si importune exhibeatur, atque adeo modus est castigandus, non autem remedium damnandum: alias (ut omittamus ea, quæ hæcenus Romæ visa sunt, quæ infinita sunt) Brasauolus primo genere, quod Guaiacum proprie diximus, & nigrius esse, ait, se frequentissime usum esse, raro autem altero, quod lignum sanctum peculiariter vocabatur, numquam autem tercio illo, quod rubrum esse scripserat. At vir ille bonus non esset usus creberrime auxilio periculoso, & cuius vanos successus expertus esset. nec alia de causa tot alij magni nominis auctores lignum hoc, quod & habet medullam plurimam, & acrius est, alteri prætulerunt, quam quod multis sibi compertum erat experimentis.

Nec trepidare debet aliquis, quod Consalius de ligni sancti proprie dicti viribus secus scripserit: quia quod est Indis saluberrimum, potest esse minus salubre in hoc celo ab Indis valde remoto: potestque lignum sanctum, cum casum est, diutina mora vires suas celerius, quam Guaiacum amittere. Sed nec ignoramus in observandis rebus, & euentis, quam multa occurrant, quæ doceant, vere proditum à viro maximo, experimentum fallax.

Ergo





12  
M A R S I L I I  
C A G N A T I  
D E L I G N O S A N C T O

ALTERA DISPUTATIO.



*E*t si videri potest de ligno sancto  
priori disputatione satis dictum in  
eum finem, cuius gratia suscepta  
est à nobis hac disputatio, tamen  
supersunt nonnulla, quæ rei, de  
qua agitur, studiosos latere mini-  
me debent.

Disputatio  
nis causa.

Scire igitur licet, ortam esse anno elapso 1601. inter  
duos Urbis mercatores litem, propterea quod aliter li-  
gni sancti, eiusque vsitati, magnū satis pondus alte-  
ri vendiderat, qui admonitus: non esse illud lignum  
sanctum vsitatum, sed sylvestre quoddam ligni genus,  
& illud quidem tamquam in salubre damnandum, &  
reiiciendum: recusavit dicti ligni pretiū, quod scripto  
etiam cauens, fuerat pollicitus, venditori soluere:  
quamobrem orta lis est: cuius dirimendæ causa perito-  
rum consilio petito, ad medicorum collegium res dela-  
ta est, quod, re diligenter pensata respondit, lignum pro-  
positum

positum ligni sancti speciem esse, & ad morbi gallici curationem, ut alia etiam ligni quaedam genera, recipi posse. eoque nomine venditoris causa superior euasit. Sed eo minime contentus emptor, appellauit, quamobrem commissa res est Camera Apostolica praesidi, qui medicis extra Collegium celebrioribus, & aromatarijs multis conuocatis, & singulorum sententijs exquisitis, intellexit venditoris causam meliorem esse, vno vel altero excepto aromatario, qui emptori fauebat. emptor vero praesentens causam hic quoque suam inferiorem reddi, ante quam praeses sententiam ferret, nouis oblati summo Pontifici libellis obtinuit, ut denuo à peritis viris de re eadem ageretur. Itaque nomine Sanctissimi ego, qui Protomedici munere fungerer (cum acta sint priora Odoardo Loppio eundem magistratum gerente) Collegium conuocaui nostrum, & extra Collegium medicos, quot quot adesse vellent, inuitaui, & aromatarios, & alios, qui ligni sancti, pro eorum professione, notitiam aliquam habere poterant, quibus omnibus, & singulis datus est dicendi locus, & auditi quicumque aliquid dicere voluerunt, illis vero tandem dimissis, Collegium denuo pronuntiauit, & notario mandauit, ut quod actum erat, hunc in modum describeret.

Facta congregatione in gymnasio Romano, ad quam conuenerunt perillustres, & excellentissimus Dominus Iacobus Bonauentura physicus Secretus S. D. N. Collegium medicorum, atque medici multi extra Collegium, Consules aromatariorum, vna cum pluribus

Decretum  
Collegij.

alijs aromatarijs, atque vnus saltem drogberius; ac quidam ex stupharolis vocatis, qui sunt experimentatores ligni sancti, fuit proposita questio.

An lignum, quod dicitur Corradi, sit reale lignum sanctum, ad medicinam adhibendum, nec ne? Auditis igitur sigillatim supradictis omnibus, eorumque rationibus examinatis: insuper visis, & recognitis truncis tam ligni sancti Corradi, quam alterius hactenus vstatis, decoctisque cuiuscumque ligni varijs, ac oleis diligenter examinatis, cum medici omnes extra collegium, & aromatarij pro maiori parte, ac praesertim horum seniores, & peritiores, accedente omnium praedictorum simili consensu, excepto drogberio, amplexi essent partem affirmatiuam, Collegium praedictum (annuente eodem perillustri, & excellentissimo domino Iacobo S. D. N. medico secreto) decreuit, lignum Corradi, de quo disputatum est, esse idem lignum sanctum, quod vulgus ita solet vocare lignum sanctum; atque debere ad vsum medicinae recipi; aduersus eos morbos, quibus lignum sanctum adhiberi solet, nisi quatenus aliquid eius aquae marinae contactu vitium contraxerit, quae medicorum cura debet esse, ut, cum exhibendum est, id, quod vitio caret, eligatur.

Hec igitur hunc in modum acta sunt, non in angulis, non in tenebris, sed in hominum luce, publico, & per quam celebri loco.

Lignum de quo differitur quodnam sit.

Scire insuper licet, lignum dictum Corradi (quod nomen est illius mercatoris, qui lignum vendiderat, de

quo

quo lis est orta ) esse illud , quod ( vt in priori disputa-  
tione dictum est ) medullam habet nigram plurimam ,  
circulo angusto albente circumdatam , cuius nomen pro-  
prium , ex traditis ab Hispano , primo historiae horum  
lignorum auctore , esset Guaiacam , si quidem ligni san-  
cti appellatio tamquam propria indita est alteri , quod  
nasci prodiderunt in insula S. Ioannis portus diuitis ,  
cuius angustior est niger orbis ligni medium occupans  
instar medullae . Verum ( vt ante quoque dictum est )  
vulgus verumque , & omne aliud simile , lignum san-  
ctum promiscue appellat : qua & nos vtimur appella-  
tione , quia ( vt est vetus , & peruulgatum dictum ) lo-  
quendum , vt plures .

Cum autem sit evidens quedam lignorum differen-  
tia , in priore disputatione exposita , non erit accusan-  
dus qui dicat plura esse huius ligni genera , quoniam  
probatissimi quoque auctores in usu vocabuli huius ,  
Genus , saepe normam spreuerunt dialecticam , cum enim  
sit vnum genus , vel rectius vna species animalis ho-  
mo , tamen dici solet hoc & illud hominum genus , certe  
M. Cicero scriptum reliquit , rem eandem saepe alij ge-  
nus , alij partem esse , sic enim homo animalis pars est ,  
Vrbani , & Troiani genus : & alibi dixit de Antonio  
duo genera lenonum , & latronum delectarunt : est ( in-  
quam ) vnum hominum genus , tamen dicuntur homi-  
nes quoque genere differre , vt scilicet differunt vel  
sexu , vel aetate , vel natione , vel officijs , & huiusmo-  
di . immo ipse Arist. lib. 6. de hist. animal. ait canum

Lignis sancti  
plura gene-  
ra .

esse plura genera, πλείους γένεαι, tamen canis pars est, siue species animalis. Quercus est planta, & arboris pars, siue species, tamen Theophrastus lib. 2. de plantis dixit, huius genera alijs quatuor esse, alijs quinque. ἄλλοι δὲ πρὸς τέτταρα ποιοῦσι καὶ πέντε. quibus similia sunt admodum multa. Longe vero minus arguendus, qui plures esse huius ligni species affirmet, quando inter illa sit talis varietas, atque similitudo, qualem inter plantas alias multas haud dubie esse observatum est, & est in confesso apud omnes. quanta est inter vites dissimilitudo? tamen non negamus esse generis eiusdem species, nec dicimus unam esse veram vitem, alias vero adulterinas, falsasque esse. quid de prunis dicam, de malis, piris, ficibus? quanta varietas, quanta dissimilitudo? idem tamen est nomen, & generis eiusdem parteis esse nemo diffitetur. Quis ergo Zaleucus, aut Charondas legem fixit, unum esse tantum ligni sancti genus, aut speciem unam, falsas esse præter hanc unam reliquas? Consalius in insula S. Dominici vocatum Guaiacum vidit, & descripsit, deinde in insula S. Ioannis similem huic arborem, non sine aliqua tamen differentia; quamobrem & aliud nomen inditum; nec ausus affirmare eandem esse speciem, sed inquit, Dos arboles ay mas notables, non ait unam arborem, sed duas, non numero differentes, quia sunt numero infinita, sed specie, quamquam testatur, multos opinatos ambas ex eadem esse specie, siue genere. sane si nulla inter illas dissimilitudo extitisset, dubitatum non fuisset, esset

esset ne eadem, an alia arboris species: operis ille differentiam scripsit, quod altera esset in curandis morbis efficacior. ceteris ligni facies etiam diuersa, quia nigrius alterius medullium, non aetate, sed genere, & natura, ut in priore disputatione dictum est. alij saporis quoque & odoris diuersitatem adnotarunt. sed quae maior, quam inter rosas differentia? rosas tamen esse dicimus-frustra itaque certatur, sit ne vinum tantum, an plura ligni sancti, siue Guaiaci genera. & recte statutum est, plura esse. genus, inquam, vnum, plures species, & ex his vnā illam esse, de qua lis orta dicitur.

Sed non miror, nec mirari quisquam debet; litem Appellatio-  
hāc ortam esse, ante annos quinquaginta Augerius Fer- num ligni  
rerius libro primo de pudenda, cum tria genera ligni sancti con-  
Indici ex Manardo retulisset, hac subiunxit de suo, Si fusio.  
tu officinas, & mercatores adieris, tam confusas in-  
uenies apud eos hās differentias, ut quid sit lignum san-  
ctum, quid Guaiacum, monstrantibus illis, discernere  
nequeas: primum enim genus plerique pro ligno sancto  
(Manardus scilicet Guaiacum hoc vocabat) & ter-  
tium pro Guaiaco (Manardus lignum sanctum voca-  
ri dixerat) ostendunt; in quem errorem etiam incidisse constat scriptores quamplurimos. sunt enim qui, quod  
ipsi lignum sanctum vocant, fuscum, & flauum eligen-  
dum censent: quos colores primo, & secundo generi at-  
tribuit Manardus. Sunt qui Guaiacum albicans de-  
scribunt, & ceteris praeferrunt. Sed posthabita nomen,  
datu-

„claturarum ambiguitate“, de rebus ipsis sic statue-  
 „mus, Tria illa genera pudendagra conuenire; pra-  
 „stare acrius, & odoratius: Minus acre, & minus odo-  
 „raturum, minus calefacere, nec adeo siccare. Præstan-  
 „tius illud calidis, siccisque temperaturis minus conue-  
 „nire, cæteris magis prodesse. Hec ille sane probabiliter,  
 „& quod ait de confusis nomen claturis est omnino verum.

Et sunt duo hic animaduertenda alterum non vni stan-  
 dum Consaluo, qui primus ligni huius historiam orbi no-  
 stro communicauit, quia nondum noui orbis provinciæ  
 erant perlustratæ omnes, quæ nec hodie sunt, itaque  
 nec omnis medica materia, quæ apud Indos exstat, prin-  
 mis auctoribus satis cognita. alterum, cum diuersæ  
 sint, licet eiusdem generis, arbores; ut sunt apud nos  
 prunorum, cerasorum, pirorum & similium diuersæ;  
 illasse mutuo superare colore, & sapore, & efficacia,  
 vel ob ætatem, vel ob soli, cælique varietatem, quem-  
 admodum proditum est in primis à Theophrasto, ex cuius  
 libro sexto de plantarum causis, ex capitibus scilicet  
 17. 21. 26. 27. & 22. quæ huc spectant, studiosis per-  
 legenda, & huic loco aptanda relinquo.

Quod vero ad vsum medicinae lignum hoc recipien-  
 dum sit, quemadmodum Collegium decreuit, quis est  
 tam non dicam medicinae ignarus, sed ineptus, qui ne-  
 get? an nescias, nihil esse in hac rerum vniuersitate,  
 quod in orbe medico locum non habeat? ipsa venena sunt  
 etiam medicamenta, & animalium quisquilijs, & re-  
 crementis medicæ opes auctæ sunt, est in omnium mani-  
 bus



bus Galeni liber de simplicium medicamentorum facultatibus decimus, & undecimus. quis ergo rejiciat lignum iamdiu receptum, & innumeris experimentis probatum, & in quo nulla vis est, quæ possit obesse, nisi si quid per imprudentiam medicus committat, quod in omni officio, & in cuiusvis medicamenti usu cauendum est maxime. At dicendum semel est. Vbi toties factum est huius ligni periculum, quamobrem insalubrem usum eius cognoscere valeamus? in angulo sane aliquo, in latebris. At contra, prioribus annis Antonij Mariae Saluiati, & hoc ipso anno Petri Aldobrandini Cardinalium auspicijs, & munificentia, in valetudinario Sancti Iacobi incurabilium (ut vocatur) millia hominum hoc quoque usu sunt ligno, magno fructu, non solum aduersus luem veneream, sed alias quoque agnitudines, aduersus quas utiliter administrari consuevit, nec interim quisquam oris, fauciumue, aut ventriculi æstum, incendium, inflammationem, dolorem, aut excoriationem sensit. Non tamen omnibus profuit, ac fortasse nonnulli obsuit; Sed hoc est commune vitium non alijs solum Indici ligni generibus, sed omnis generis medicaminibus, quam rem in priore quoque disputatione tetigimus, in qua dicta sunt etiam nonnulla de acrimonia eiusdem ligni, quam ut nimiam ignari quidam, an ignaui, damnabat, immo licere aquam parare ex pipere, ligno omisso, quasi sanniones risu obstrepebant. Verum, ut acrimoniae modus ponendus sit, superius, dictum est. Luem vero gallicam non sola ligni Indici acrimonia

monia oppugnat, sed (vt doctis viris visum est) pinguedo, & lentor cum amarore, quæ in pipere non sunt: quod tamen & ipsum calefacit, siccatur, per balitum digerit, atque adeo ad sudorem prouocandum efficax: cuiusmodi sunt multas neque enim contenta vno liberalis, & munifica natura est, gaudetque varietate, vt profite magis, & delectet, sed nec minus vt hominum ingenia sollicitet, atque exacuat.

Sed redeo ad lignum, in quo non solum acrimoniam (de qua dictum est satis) damnant, sed exiguum quoque amarorem: quamobrem Nicolai Masse testimonium non fuit silentio inuoluendum ex tractatus tertij capite secundo, vbi hæc leguntur. Et lignum quod plus  
 „ habet de substantia intrinseca nigra, est melius; hæc  
 „ ibi, paulo vero post, & ad gustum est cum aliquali amaritudi-  
 „ ne, sed non manifesta multum. Huius ergo Masse plane lignum describit, de quo agitur, in quo acrimonia superat amaritudinem, & nigrum habet meditullium, vt iam satis dictum est. intelligimus autem ex hoc eodem Masse loco, lignum hoc nouum non esse, nec nuper ab Indis delatum, nec esse ob exiguam amaritudinem reiiciendum. In curatione vero luis venereæ sudor maxime desideratur, cuius prouocandi facultas maxime posita est in acris medicamentis (quæ tamen delectoria non sint) hæc enim incidere, & per balitum digere, optimus auctor Galenus docuit lib. 4. de medicam. simpl. cap. 19. Quicquid vero dicatur de coloris, saporis, & odoris differentia, de corticis crassitie, duri-

sicque, de ligni densitate, & pinguedine, numquam aliquis efficiet, ligna ante dicta differre inter se, nisi ut ficus à fico, pirus à piro, nux à nuce differt, & similia.

Iure itaque pronuntiatum est, lignum propositum esse ligni sancti speciem, immo esse vere lignum sanctum, iuxta vulgarem horum lignorum appellationem, cum omnia promiscue eo nomine vulgo appellantur, relicto tamquam barbaro vocabulo Guaiacam. iureq; tandem probatum est, tamquam ad luem veneream curandam aptissimum. De qua re si cum docili ingenio agatur, iam plus satis dictum est, si cum cerebrosis, durisque capitombus, numquam satis.


F I N I S.





## ERRATA.

Pagina 10 versu 19. habens, lege, habent. 16. 5. triginta, lege triginta tribus. 16. 11. septem, lege, septem. 21. 18. secundum, lege, secundum. 22. 2. interpretationem, lege, interpretationem. 22. 9. oriuntur, lege, oriuntur. ibidem. diebus ergo, lege, diebus. ergo. 27. 17. factum, lege factum 30. 7. namque, lege, namque. 30. 9. potuisset, lege, potuisset. 30. 26. exceptio, lege, exceptio. 31. 14. euideus, lege, euident. 34. 5. patefecerent, lege, patefacerent. 35. 1. Brasuodi, lege, Brasuoli. 36. 5. quodque in eius, lege, in cuius quoque. 37. 5. lege, decipi. & solent pharmacopœ amygdalarum affricu ruborem quendam hic lignis inducere. 40. 10. quemadmodum, lege, quemadmodum. 46. 18. Manardus, lege, Manardus. 53. 24. latronum, lege, latronum. 56. 10. & 21. lege, & 28. 57. 25. damnabat, lege, damnabant.



EX QVINTO LIBRO  
variarum obseruationum

MARSILII CAGNATI  
NOMINA HÆC PARVM  
NOTA ENARRANTVR,

Pharmacopola, Aromatarius, Seplesiarius, Ropopla,  
Catholicus, Vnguentarius:



**PHARMACOPOLA**, cum  
Græcum sit, Latine dicitur Aro-  
matarius (quamquam & hu-  
ius origo nominis Græca est,  
nec nomen hoc exstat apud au-  
ctores) dicitur etiam Seplesia-  
rius; quod nomen legitur apud  
Lampridium in Heliogabalo; a quo nomine potius du-  
ctum puto vulgare hoc, Speciale, quam à speciebus.  
quo ab Hermolao Barbaro dissentio. Estque Seplesia,  
& Seplesium vox antiquissima, & neutri, & femi-  
nini generis, vt Nonius ex Varrone prodidit. Lati-  
nis tamen video placuisse magis nomen, pharmacopola,  
Horatius, Ambubaiarum collegia, pharmacopole. M.  
sic pro Cluentio, L. Clodium pharmacopolam, qui tum  
casu larinum venerat, aggreditur. tamen vox est me-  
re græca, à vendendis pharmacis dicta, vt legitur apud

Aristo-

2  
*Aristophanis interpretem Nebulis. Plinius Seplasiā  
 non semel dixit, & ab eo actipimus Seplasiarium, &  
 pharmacopolam eundem fuisse. nam libri trigesimi-  
 quarti capite undecimo, accusat medicos, quiē sepla-  
 sia tampridem facta emplastra, & collyria mercaban-  
 tur (par est autem loco exempli collyria, & emplastra  
 memorata) quo significat, à seplasię professoribus va-  
 ria consueuisse medicamenta parari, & venalia exponi,  
 vel in eorū apothecis custodiri. Sed, simplicia quoque  
 ab eisdem vendi solita, significauit libri decimi Sexti  
 capite decimo, cum dixit, Seplasiā pro thure gemmā  
 quamdam ex picea supponere. Seplasiū neutro gene-  
 re locus olim fuit Capuę, de quo illud ex Varrone No-  
 ” nius retulit, Doti dato insulam Chium, agrum Cacu-  
 ” bum, Seplasia Capuę, macellum Romuli: quamquam  
 ” & genere feminino dicta est à M. Cicer. in Pisonem,  
 ” Seplasia dignus, & Capua, & contra Rullum, & in  
 ” Albana, & Seplasia, quę concursatio percontantium.  
 ” Hermolaus autem Barbarus in castigationibz Plinia-  
 nis ad libri tricesimi quarti caput undecimum, inquit,  
 ” Erat ergo Capuę Seplasia, qualis Romę vicus vnguen-  
 ” tarius; ac fortasse Vnguentarij Seplasiā incolebant,  
 quod M. Cicero in eadem in Pisonem; cum de Seplasia  
 dixisset, subiunxit, Gabinium si vidissent vestri illi  
 ” vnguentarij. certe seplasia locus erat mercibus instru-  
 ” ctus, quę ad luxuriā, & voluptatem plurimum va-  
 ” lerent, itaque Annibalem Valerius Maximus dixit,  
 Seplasia delitijs eniratum. Est autem consentaneum, a  
 Sepla-*

3

Seplasia dictos Seplasiarios, qui scilicet illic suas merces venaleis exponerent, & in apothecis custodirent. quae tamen merces non solum voluptati, sed bonae quodque valetudini inferuissent: cuiusmodi emplastra, & collyria, quae Plinius dixit medicos e Seplasia mercari solitos. quorum exemplo accipimus compositiones valetudini dicatas in Seplasia vendi consueuisse, ut simplicia quoque vendebantur, ut ante de thure diximus, & Aristophanes Nebulis gemmas à pharmacopolis vendi indicauit inquitens, ἥδη δὲ τῶν φαρμακοπώλων τὴν λίθον ταύτην ἰώμενος τὴν καλὴν, ubi gracus interpretis ait, pharmacopolas proprie dictos, qui pharmaca vendunt, siue sint illa salubria, siue letalia, sed a priscis vocatos etiam pharmacopolas, qui lapillos vendebant pretiosos.

Verum dubitari potest, sit ne idem pharmacopola, quem Galenus lib. 3. cap. 3. & lib. 4. cap. 5. de compositione medicamentorum secundum genera φαρμακῶλων vocauit (quam vocem alibi non vsurpauit, quantum memini, nam, qui librum primum de antidotis adducunt, falluntur, quia illic non φαρμακῶλων, sed μυστικῶλων legitur) quem latine insitorem Andernacus dixit, in illis videlicet verbis, credunt insitoribus vetus oleum dare se affirmantibus, πιστεύουσι φαρμακῶλων, at graeci sermonis interpretes aiunt, eo nomine significari vnguentarios, & seplasiarios, item, iuxta nominis etymon mutarum, & variarum rerum venditores, cuiusmodi qui nunc Roma pizzicarioli vulgari nomine vocantur,



qui multum differunt a pharmacopolis.

Quid vero significat apud Galenū libri primi de Anti-  
dotis initio, Euphrati medica materie venditori? nam  
græce legitur, Euphrati catholico. Sane ignotū est mihi,  
vnde Rota acceperit, vocem καθολικὸν, significare medi-  
cæ materie venditorem, idest pharmacopolam, significat  
enim vel rationalem, ut in glossis, vel naturalem, ut  
apud Lacones Hesychio auctore, vel propinquū, siue agna-  
tū, ut in eisdem glossis. qui catholicum vertunt, vniuer-  
salem, ij demonstrant, se græce nihil scire. At, demum, cre-  
diderim, Euphrati illi cognomen hoc, Catholicum, qua-  
cumque de causa, inditum. Hæc igitur docent nos, phar-  
macopolam & Sepiasarium, eundem fuisse. an vero  
idem fuerit, qui a nobis aromatarius, & vna omnium  
professio, an potius diuersa, ipsi docebunt aromatarij.

Sed quis nam erat vnguentarius, quæue eius profes-  
sio? μωσπύλα, græcè a vendendis vnguentis dictus,  
quo Galenus vocabulo sape vsus est, & eius interpretes  
pro eo vnguentarium dixerunt. Vnguentarium vero  
vnguentorum fuisse venditorem, accipere est ex Var-  
ronis libro de lingua Latina septimo, cum dicat, Vn-  
guentariam tabernam vocatam, quod in ea venirēt vn-  
guenta, ut vina in vinaria, &c. Non erat autem idem  
qui Sepiasarius, hic enim emplastra, & collyria confici-  
ebat, & alia, ut dictum est, quæ medici mercarentur  
gratia valetudinis, illi vero in vnguentis tantum ad  
delitias, & voluptatem occupabantur.

De dignitate vero dictorum artificum quid veteres  
 senserint, conijcere est memoria repetentibus Lyourgu,  
 & Solonem vnguenta, & vnguentarios expulsisse, ut  
 alibi ex Plutarcho, Seneca, & Athenæo dicebamus: &  
 M. Tullium libro priore de officijs ea scripsisse, minime  
 artes hæc probatæ, quæ ministræ sunt voluptatum, ceta-  
 rij, Lanij, Coqui, Fartores, Piscatores, ut ait Terentius:  
 Adde his, si placet, Vnguentarios, Saltatores, totumq.  
 ludum calarium. De pharmacopolis vero illa Horatij  
 sunt notissima, Ambubaiarum collegia, pharmacopa-  
 la, & c. Seplasiæ vero ut fraudum studiosam Plinius  
 non semel notauit. & Lampridius de Heliogabalo, pin-  
 xit se ut cupedinarium, ut Seplasiarium, ut popina-  
 rinum, & c. Nostri vero siue Aromatarij, siue pharmaco-  
 pola, siue Seplasiarij, a veteribus illis plurimum diffe-  
 runt, etenim voluptati non inferniunt, sed valetudini,  
 ergo non vnguentarij, officio quidem similes. pharmaco-  
 polis, & Seplasiarijs, sed honestate, & dignitate cum  
 illis non comparandi: est enim Seplasia, nostrorum sta-  
 tis limitibus septa, & legibus firmata, unde profes-  
 soribus decus, & Reipublicæ commodum affertur.

Sed cum aliqui vellent de pharmacopolarum digni-  
 tate aliquid honestius commentari, eos audio existima-  
 re, nomen pharmacopola, dictum esse de medicis vulga-  
 ribus, non de ijs, qui officinas aperiunt pharmacis in-  
 structas venalibus, quos hodie vocamus aromatarios.  
 hoc vero idcirco sibi persuasum, quod Galenus Mauciu,  
 ex vetustissimis medicis, pharmacopolam vocauerit

lib. 4. *Ἰπποκράτης*, c. 14. eundemque fuisse vulgarem medicum ostendit lib. 2. *Ἰπποκράτης*, c. 3. inquit, fuit itaque  
 non Archigenes vulgaris medicus, velut & Mantias, &  
 Heraclides empiricus item lib. 7. *Ἰπποκράτης*, c. 3. Pamphilum quemdam vocat pharmacopolam, quem fuisse vulgarem medicum significauit initio lib. 6. de simpl. med. facult. & lib. 1. de dieb. decret. c. 2. inquit, reuera medicum, non pharmacopolam quemdam ex triuo. Verum  
 haec sunt plena erroribus, ac primo Mantiam Galenus non solum cum praclaris medicis recensuit lib. 6. simpl. initio, sed, cum esset Herophilus, preceptorem fuisse Heraclidis Tarentini, qui postea defecit ad empiricos; scripsit ipse Galenus lib. 6. *Ἰπποκράτης*, c. 4. & lib. 2. *Ἰπποκράτης*, c. 1. ait, eundem Mantiam primum omnium, quos nouerit scripsisse compositiones multorum laudabilium medicamentorum, quem sit Heraclides Tarentinus, eius discipulus, imitatus non solum in usu pharmacorum, sed etiam in ea artis parte, qua victus rationem docet: quo nomine saepius alibi eum laudauit, ut intelligere sit, non fuisse vulgarem, sed egregium, & praestantem medicum. Nec recte accepta sunt illa Galeni fuit Archigenes non vulgaris medicus, veluti & Mantias, & Heraclides, quorum sensus non is est, quem hi arbitrantur, sed omnino contrarius: significant enim, Archigenem non fuisse vulgarem medicum, sicuti nec Mantias nec Heraclides fuisse, recta enim dicendi forma requirit, ut comparatio fiat inter similia. Sic idem Galenus lib. 2. *Ἰπποκράτης*, c. 1. Post quos alij sane quidam non paucis  
 volu-

7  
voluminibus, sicut Mantias, & Heraclides, &c. quibus non significat, Mantiam, & Heraclidem pauca volumina scripsisse: quos multa scripsisse, alibi docuit: sed sicut alios quosdam, ita & Mantiam, & Heraclidem scripsisse non pauca. & hoc est ex sequentibus manifestum, sunt etiam qui uno, aut altero tantum ea conscripserunt. ergo superiora omnia sunt de ijs accipienda, qui non pauca scripserunt. Similiter igitur & Mantias, & Heraclides fuerunt medici non vulgares. cui consentiunt reliqua de eisdem a Galeno dicta. sed, deinde, nusquam Galenus Mantiam vocavit pharmacopolā: & ille locus ex lib. 4. & Hm, c. 14. falso adductus est, quia non est scriptum, Mantia pharmacopolē, sed pharmacopola, uti græce Μαντίας φαρμακοπώλης. Ut Mantia sit casus genitiui, pharmacopola vero nominatiui. ex hac vero rellā, & vera lectione manifestum est, pharmacopola non esse dictum de Mantia, sed de libro, quem Mantias scripsit eo titulo, Pharmacopola, quod perinde erat, ac si scripsisset, de pharmacopola, iuxta ea, quæ de inscriptionibus librorum, quæ apud veteres in usu fuerunt, Galenus scripsit initio commentarij ad librum Hippocratis de officina medica. ergo non significatur eo nomine vulgaris medicus, sed qui vere est pharmacopola. Pamphilus vero (de quo secundo loco dictum est) fuit quidem pharmacopola, sed nusquam eundem Galenus vocavit medicum. quod si fuisse medicum credamus, quia cum multis medicis à Galeno recensetur lib. 6. simpl. initio, non eo efficitur, nemem, pharmacopola,

la, significare vulgarem medicum, quia non constat, Pā-  
 philum medicum, de quo lib. 6. Simpl. & pharmacopola,  
 de quo alibi, eundem fuisse, nisi quoque velit aliquis nos  
 docere, Episcopum pro medico vulgari, vel pharmaco-  
 pola sumptum, namque Pbamphilum alias pro medico  
 habitum, alias vocatum pharmacopolam, Aëtius ad fi-  
 nem sui voluminis vocauit Episcopum. Nec mouent il-  
 la quoq. ex primi lib. de dieb. decret. c. 2. reuera medicū,  
 non pharmacopolam quemdam ex triuio. in his enim al-  
 iud medicus, & aliud pharmacopola significat, & dā-  
 natur medicus, qui in aegris curandis officium sibi ven-  
 dicat pharmacopola, & suum deserit. Nec, demum, apud  
 Ciceronem (nam & hoc adduci video) in illa pro Cluen-  
 tio, pharmacopola circūforaneus pro medico dictus est.  
 nam Cicero prioribus verbis mentionem medici fecerat  
 quem illa mulier recusauerat, qua propter pro medico  
 circūforaneus pharmacopola adductus. quid ergo co-  
 git, vt non accipiamus pharmacopolam proprie, qui in  
 miscendis, tum vendendis pharmacis operam nauat?  
 Sed in vocabulis antiquis interpretandis non licet in-  
 genio vti, & arbitrio, sed auctorum opus est testimonio.  
 itaque & illud temeritatem sapit quendam, quod apud  
 Horatium, Ambubaiarum collegia, pharmacopola, nul-  
 lo auctore, aut teste, medicum, vulgarem licet, interpre-  
 tantur.

Sed acutus aliquis, & eruditus fortasse existima-  
 ret, doceri posse pharmacopolam, eundem fuisse, & me-  
 dicum, quoniam Galenus ad medicorum institutionem  
 scri-

2  
 scripsit libros de compositione medicamentorum, in quibus non tam vires compositionum, quam componendi rationem enarrat, & docet, & à se, & ab alijs medicis multa medicamina composita esse testatur, quod notum est, & in eius commentarijs tam obuium, ut superuacaneum omnino sit locum de hac re vel vnum indicare, nedum exscribere. ut mirari quoque non liceat, Plinium lib. 3. 4. cap. 2. accusasse medicos, quod medicaminum compositionem seplasia reliquissent. erat ei scilicet sermo de sphauma aris, & flore, inquit autem, atq. hac omnia medici, quod pace eorum dixisse liceat, ignorant pars maior, & nominibus: in tantum a conficiendis his medicamentis absunt, quod esse proprium medicorum solebat. credunt Seplasia ea omnibus quidem fraudibus corrumpenti. facta q. iampridem emplastra, & collyria mercantur, tabesque mercium. Verum hec quantum ad historiam, & prisca consuetudinis memoriam dicta sunt optime, ac verissime. Sed his non efficitur, quod erat propositum, medicum eundem fuisse, & pharmacopolam. Sunt enim officia duo, alterum est vendere, & venalia in apothecis pharmaca custodire: & hoc fuit proprium pharmacopolarum, ut notatum est ab Aristophanis græco interprete illis verbis ad Nebulas, *φαρμακοπῶλαι κτείνωσι οἱ τὰ φάρμακα πωροῦσιν, τὰ δὲ λυσίπολιντα, ἔ τὰ θανάσιμα, ὧς δὲ τῆς παλαιότητις ἐν τοῖς πωροῖς τῶν ἐστὶ πολυτίμου λίθους πωροῦσιν. φαρμακοπῶλαι ἔχουσιν.* hoc est, Pharmacopola proprie pharmaca vendentes, & que salubria, & que letalia, apud pri-  
 scos

„ scos vero, & qui splendidos, hoc est, preciosos lapillos  
 „ vendebant, pharmacopola dicebantur. hac ille, qui non  
 dixit, ut nec alius quisquam, pharmacopolas fuisse me-  
 dicos, vel vulgareis, vel egregios. Sed significauit  
 aperte eosdem esse, *Φαρμακα πωλεῖστας* & *Φαρμακα πο-  
 λειῖστας*, id est, pharmacorum venditores, unde no-  
 men *Φαρμακοπώλαι* hoc itaque testimonio intelligimus  
 vendendi pharmaca officium & nomen conuenire. Al-  
 terum est officium componendi medicamenta. scilicet sim-  
 plicia miscendo compositiones varias, construere: quod  
 sane fuit medicorum, qui ut compositionum inuentores  
 fuerunt ita & conditores earundem fuisse olim non ne-  
 gantur. fuisse inuentores, quis ignorare potest? ecqui  
 plantarum, & aliorum simplicium historiam descripse-  
 runt, & de componendi ratione commentaria edide-  
 runt? sane ij non pharmacopola aliqui, sed philosophi, ac  
 medici magni nominis, Theophrastus, Dioscorides, Ga-  
 lenus, Aesculapius, Auicenna, ne minus celebres tam  
 priscos, quam recenteis memoremus. eosdem vero me-  
 dicos pharmaca composuisse, vel proprijs manibus, vel  
 per ministros, quibus ipsi assiderent componentibus, do-  
 cent ea, quae paulo ante narrata sunt. Sed tandem  
 medici visitationibus occupati, & granioribus cogita-  
 tionibus districti a se inuenta, & descripta pharmaca  
 componendi munus ipsis pharmacopolis reliquerunt, nisi  
 etiam visum sit officium minime congruens ceteris, in  
 quibus medici versantur. Sed non est solum medicis ho-  
 nestius, verum agris quoque utilius, quo sint parata,



*Et in promptu omnis generis medicamenta; quæ res peculiarem quandam exercitationem desiderat: esse viros bonos pharmacopelas, qui scite, ac diligenter conficiant, & venalia in apothecis medicamenta cum fide custodiant. Interim tamen nostri muneris nos obliuisci non decet, quorum architectonica (vt dici solet) princepsque professio de cæteris sibi subiectis artibus iudicat, & idcirco, quæ ab illis tractantur, cognoscere debemus: sicut enim frænorum ars conficiendorum equestri subiecta est, ita medicina subiecta est facultas conficiendi medicamina, siue illa sumantur ore, siue foris imponantur corporibus. Sicut ergo, qui fræno est usus, eques cognoscere debet, vtrum probe confectum sit frænum, verum materia fræni apta, qua frænum consistat, & aptum sit, quamobrem equus domino obtemperans reddatur: ita medicamentorum formam, & speciem, & materiam agnoscat medicus oportet, si futurum sit, vt opem ex eis agroti recipiant. Nec possunt sine graui culpa medicorum hac ignorari, quæ sibi, quæ pharmacopolis, notiora esse debent: nam quiuis artifex de suorum bonitate, & integritate instrumentorum cognoscit, & indicat. Sed de his hætenus. Vana igitur, & falsa est interpretatio eius, qui nomen pharmacopela usurpatum commentus est, nullis auctoribus ac testibus, ad medicum vel vulgarem, vel egregium significandum.*

F I N I S.



Handwritten text in a cursive script, likely a letter or a page from a manuscript. The text is arranged in approximately 20 lines, though many are illegible due to fading and blurring. The script appears to be from the 17th or 18th century. The text is written in dark ink on aged, slightly discolored paper.



218













